

**NATIONAL ASSEMBLY OF
SEYCHELLES**

Tuesday 09th November, 2021

The Assembly met at 9am

National Anthem

Moment of Reflection

Mr Speaker is the Chair

MR SPEAKER

Bonjour tou Manm Onorab e bonjour nou piblik ki swiv nou, a lekout. Mersi pou zwenn nou. Byenveni pou en nouveau semenn travay.

Mon le adres size lord dan Lasanble swivan lensidan le 2 Novanm 2021, dan ki mon ti demann *Leader Lopozisyon*, Onorab Sebastien Pillay, pou sorti dan lasal.

Mon revin lo sa size, akoz mon krwar, mon bezwen fer mon desizyon kler lo en size ki telman enportan pou Lasanble; Pou gard son limaz, pou gard son travay annord, pou asir respe pou Speaker e prezerv son lotorite.

Me i sirtou, akoz ki dan son *interview* lo SBC, ki ti pas Merkredi le 3 Novanm. Onorab Pillay ti fer sereten *statement*, ki i ti mal reprezent sa ki ti'n pase.

E ki mon bezwen korize. Mardi pase dan komansman travay apre midi. Onorab Pillay ti lev son lanmen pou ganny laparol.

Mon ti dir li, "ki souvandfwa, i demann laparol, me apre i pa fer okenn pwen ki mon konsider valab. E in vin zis enteripsyon dan travay Lasanble." Mon ti fer sereten lezot komanter ki mon pa pe repas lo la, la. Me mon ti fini par dir e mon sit *verbatim* Lasanble.

Speaker "Dir mwan briyevman ki pwen ou le adres Lasanble lo la? Zis dir mwan ki pwen."

Onorab Pillay. "Bon. Mersi. Ou realize poudir mon'n tenir mwan byen trankil apre ki ou'n fer ou bann *show*, ou bann *sport* ki ou'n fer."

Sa bann parol i montre en mank respe. I ensolan e i pa akseptab. Pli tar Onorab Pillay ankor e mon site, "Ki mannyer, koman Speaker mon demann ou laparol, *Ou*, ou denigre mwan? Ou pou denigre mwan lo ... Non-non ou pou denigre mwan."

Sa fason adres Speaker e sa bann parol pa akseptab. Ankor Onorab Pillay pli tar e mon site,

"Ou pa le donn nou respe? E nou pa pare pou nou ekout *OU koman Speaker!*"

Tou Manm Lasanble i annan en devwar pou ekout Speaker. *Standing Orders*, e lezot regilasyon Lasanble i fer sa kler. Mon konsidere, ki si en Manm i deklare, ki i pa pou Speaker, oubyen ki i pa ekout Speaker. Sa i *amount to contempt of the Assembly*.

Ti annan lezot parol ant, e apre ki osi pa akseptab. Me mon pa pe sit tousala, akoz i pou tro long. Sa ki mon'n site, i ase.

Mon le fer kler ki mon pa pe anpes *Leader Lopozisyon* koze dan Lasanble. Me mon pa kapab permet okenn Manm pou servi prosedir *matter of privilege*, oubyen *point of order*, pou lev bann size ki pa aproppriye.

Se pour kwa, mon demann *Leader Lopozisyon* pou dir mwan ki pwen i le fer, e lo ki size avan i fer en *statement*.

E mon pa pou aksepte ki okenn Manm i mank respe pou Lotorite Speaker. Dan son *interview* avek lapres. Onorab Pillay ti prezant sa sityasyon konmkwa, mon pe anpes ki koze. E mon pe anpes li fer son travay, koman *Leader Lopozisyon*. Mon rezet sa konpletman!

Onorab Pillay ti dir, ki i pa la pou ed mwan fer avanse travay Lasanble. Mon koriz sa.

Tou Manm i annan en responsabilite fer avanse travay Lasanble. Mon pa pe repas lo size sanksyon pou sa lensidan. Mon ti demann Onorab Pillay pou kit lasal e mon pa kapab pas zizman de fwa pou menm lofans.

Me mon oule fer kler ki i annan lezot sanksyon ki mon kapab pran si arriv ankor. Anba *Standing Order 52*, mon kapab *name* en *member*, e met en Mosyon devan Lasanble pou sispann sa Manm. Si Manm pa familye avek sa *Standing Order* silvouple verifye li.

Lartik 28 dan *Assembly Privileges Immunities and Powers Act*, i prevwar ki si en Manm i komet *contempt of the assembly*, Lasanble i kapab pas en rezolisyón, pou sispann sa Manm, ziskan lafen en sesyon Lasanble.

Mon note, ki saler oubyen *allowance* ki en Manm i gannyen dan servis Lasanble, i kapab ganny koupe anba sa regilasyon. Note osi, ki si en Manm pa asiste en *sitting* Lasanble, san lotorizasyon, oubyen ler in ganny sispann, son saler i kapab ganny koupe osi.

I pa mon dezir pou vwar okenn Manm ganny sispann. E mon espere i pa bezwen arive. Mon pa anvi vwar, pou

Lopozisyon pa partisip dan travay Lasanble. E mon pa anvi travay avek zis en kote Lasanble. Mon anvi vwar *Leader* Lopozisyon, anmenn son *PNQ*, kestyonn Minis, partisip dan deba lo Mosyon e lo Lalwa ki vin devan nou.

Me gard lord dan Lasanble i pli enportan ki tou. Lalwa Lasanble i fer kler ki Lotorite Speaker i *final*, dan desizyon ki konsern lord dan sa Lasanble. Mersi.

Lo en lot size ... Onorab Pillay ou'n lev ou lanmen ou a dir mwan ki pwen ou le adres Lasanble lo la silvouple?

HON SEBASTIEN PILLAY

Mersi Mr Speaker. Mr Speaker lefe ki ou'n fer en *statement*. Mon ti a kontan fer en *personal explanation*, vizavi sa *statement* ki ou'n fer. Akoz mon santi poudir ou pe, dan lafason ki bann keksoz ...

MR SPEAKER

... ok ou'n dir mwan ou pe fer en *personal explanation*. Onorab Pillay anba *Standing Order* ou fer *personal explanation*, ou donn Speaker *text personal explanation*. E apre mon a regarde si ou annan lotorite, ou annan lotorizasyon pou fer li. Se tou.

HON SEBASTIEN PILLAY

Avek ou permisyon Mr Speaker, sa i fek arive la, mon pa kapab donn ou en *text* pou en keksoz ki fek arive la! Mon ti a kontan fer en komanter lo bann keksoz ki ou'n dir, sa ki'n arive la.

MR SPEAKER

Koman a *personal explanation*, Onorab Pillay anvoy mwan ou *personal explanation* an ekri. Mersi.

HON SEBASTIEN PILLAY

Mr Speaker ...

MR SPEAKER

Byen Lo ...

HON SEBASTIEN PILLAY

Mr Speaker ...

MR SPEAKER

Ou terminen Onorab Pillay. Mon'n fini lo sa size. Mersi.

HON SEBASTIEN PILLAY

Sa-sa i ou *Ruling* lo sa size?

MR SPEAKER

Sa i mon *Ruling* lo sa size.

HON SEBASTIEN PILLAY

Mersi.

MR SPEAKER

Lo en lot size, mon le zis anonse, ki mon'n demann

Onorab Aglae pou fer en leksplikasyon lo en *audio recording*, ki'n paret an publik. Ki i okouran, e mon'n ekrir li lo la. Mersi.

Nou aprezan pas lo kontinyasyon biznes lo *Order Paper*. Madanm Clerk, mon annan Prezantasyon Papye.

MADAM CLERK

Mersi Mr Speaker. Bonzour Mr Speaker. Bonzour tou bann Manm e tou dimoun ki a lekout. Papye ki pe ganny prezante ozordi i *the Report of the Auditor General for the Year 2020*. Mersi Mr Speaker.

MR SPEAKER

Mersi. Nou a pas lo *Private Notice Question* e mon ava apel, madanm reporter pou demann Minis e son delegasyon pou antre silvouple.

Bonzour Minis Errol Fonseka Minis pou Zafer Entern e Komisyoner Lapolis Mr Ted Barbe, e osi Mr Francis Songoire *Deputy Commissioner*.

Mersi pou zot prezans e zot partisipasyon. Zot la pou zwenn nou dan *Private Notice Question*. Mon apel *Leader Lopozisyon*, pou anmenn son *Private Notice Question*. Onorab Pillay.

HON SEBASTIEN PILLAY

Bonzour tou koleg Onorab. E bonzour tou dimoun a lekout. Bonzour Minis avek ou delegasyon. Minis mon kestyon i lir koumsa,

Eski Lasanble Nasyonal i kapab ganny en leksplikasyon lo: -

1. Ki prosedir ki Lapolis pe aplike pou determinen kote en rasanbleman publik I kapab ganny fer?

2. Eski dan laplikasyon *Public Assembly Act* Minis I satisfe avek enparsyalite Lapolis?

3. Pou ki rezon ki Lapolis pa ti donn lenformasyon korek publik, letan i ti donn leksplikasyon lo lensidan ant *United Workers Seychelles* e siporter *LDS* kot en manifestasyon organize par *United Workers Seychelles*, kot ti ganny dir ki *United Workers Seychelles* ti napa permisyon pou fer sa aktivite?

Mersi Mr Speaker.

MR SPEAKER

Mersi Onorab. Minis ou larepons.

MINISTER ERROL FONSEKA

Mersi Mr Speaker. E bonzour Mr Speaker, Mr Deputy Speaker, *Leader of Government Business*, *Leader Lopozisyon*,

tou Manm Lasanble e tou dimoun a lekout, bonzour.

I fer en gran plezir pou retourn ankor enn fwa, pou vizit zot dan Lasanble. Onorab *Leader of Lopozisyon*, mersi pou ou kestyon. Ki, e ou kestyon premye kestyon i demande,

Ki prosedir ki Lapolis pe aplike pou determinen kote en rasanbleman piblik I kapab ganny fer?

Mr Speaker, priyорите Lapolis, se pou mentenir lord ek lape. Sa i en eleman prensipal ki Komisyoner Lapolis i evalye, pandan prosedir pou determinen kote en rasanbleman piblik i kapab ganny fer.

E sa anba *Public Assembly Act section 4, ‘Conditions and restrictions on public assembly or public procession.’* I annan plizyer konsiderasyon ki osi ganny pran an kont parey.

Dat e ler ki sa rasanbleman ou manifestasyon, pou pran plas. Lakantite dimoun ki ekspekte partisip dan sa rasanbleman.

E pli enportan, se lokasyon kot sa rasanbleman i anvizaze pran plas, ki determinen desizyon Komisyoner, parey sekirite routyer pou partisipan, trafik e pyeton.

Lanvironnman sa landrwa, presizeman lefe lo bann aktivite ekonomik dan sa landrwa. Ou an konklizyon nou pou dir, laspe lord ek lape.

Mr Speaker zis pou note an term prosedir se ki apre ki Komisyoner in resevwar en notis, i zwenn ou konsilte avek serten, son bann zofisyen senior. E la sa bann pwen ki mon'n mansyonnen oparavan, i ganny diskite. E en desizyon i ganny pran.

Me la lefe ki nou dan en kriz lasante piblik, nou osi esper laprouvasyon Komisyoner Lasante Piblik, avan nou donn okenn repons. Mr Speaker, sa i larepons premye kestyon.

Dezyenm kestyon ki demande ki,

Eski dan laplikasyon *Public Assembly Act Minis* I satisfe avek enparsyalite Lapolis?

Mr Speaker mon pou senpleman dir, ki mon satisfe avek enparsyalite Lapolis ziska prezan kot i konsern bann demann pou bann rasanbleman, ou manifestasyon.

Napa okenn siny ki zot pe pran zentere okenn kote ler zot pe pran desizyon. Pou mwan zot pe azir dapre zot moto “Servis san lafreyer, lafeksyon, faver ou malis”

E mon pran sa lokazyon, pou felisit Komisyoner ek son tim pou sa travay ki zot pe fer dan, dan Victoria.

Trwazyenm kestyon Mr Speaker, i demann,

Pou ki rezon ki Lapolis pa ti donn lenformasyon korek piblik, letan i ti donn leksplikasyon lo lensidan ant *United Workers Seychelles* e siporter *LDS*, kot en manifestasyon organize par *United Workers Seychelles*, kot ti ganny dir ki *United Workers Seychelles* ti napa permision pou fer sa aktivite?

Mr Speaker rezon prensipal se senpleman, en mal konprenezon ou mis komunikasyon ki ti'n arive. Les mwan eksplike.

Mr Speaker, Lapolis ti resevwar en let sorti kot *United Workers Seychelles* date le 19 Oktob 2021, pou notifye li lentansyon pou fer en manifestasyon. Sa ti pou ganny fer le 23 e le 26 Oktob, e le 6 Novanm 2021, depi 9er a midi lo Lari Lendepandans.

Le 20 Oktob, sekreter Komisyoner Lapolis parey toultan le ka, ti avoy sa let kot Komisyoner Lasante Piblik, Dr Jude Gedeon pou son laprouvasyon, vi ki pei i dan en leta lasante piblik.

Komisyoner Lasante Piblik, ti rann repons le 22 Oktob 2021, kot i ti fer resorti ki napa okenn lobzeksyon pou sa manifestasyon pran plas.

Me an rekonnnet bann kondisyon parey gard zistans, e met mas. Lapolis ti osi enform Mr Fideria, apre ki i ti'n resevwar repons Komisyoner Lasante Piblik atraver en *email* ki laprouvasyon in ganny donnen pou le 23 Oktob 2021.

Sa *email* ti ganny avoye pou bann zofisyel konsernan e osi Mr Antoine Desnousse, ki ansarz *Visible Policing* e ki ti pe osi ansarz loperasyon sa zour.

I korek ki Mr Desnousse, in dir ki tou lede kote ti napa permision pou fer manifestasyon sa zour. Me sa i akoz parey mon'n dir Komisyoner Lapolis i e ti pe esper laprouvasyon Komisyoner Lasante Piblik avan i rann repons.

Pou sa enn ka, Komisyoner Lasante Piblik ti'n reponn pozitivman anver tou le trwa dat propoze pou bann manifestasyon, atraver en sel let date le 22 Oktob.

E se la kot konfizyon arive. Dat pou manifestasyon le 30 Oktob, ti'n ganny omit dan komunikasyon lo kote Lapolis.

Mr Speaker Lapolis i ganny plizyer let e demann dan

en zournen. Nou kapab konpran kote konfizyon in arive. Toudmenm *United Workers Union*, ti fer zot rasanbleman, Sanmdi le 30 Oktob san okenn problem.

Alors sa i li menm i montre ki mannyer Lapolis i enparsyal e pe fer son travay dan en fason drwat.

Avek sa, mon termin mon larepons Mr Speaker. Mersi Manm Onorab. Mersi tou dimoun.

MR SPEAKER

Mersi Minis. Prezan mon a pran kestyon siplemanter. Mon prevwar pou pran kestyon siplemanter ziskan 10er. Me selman i annan 4 Manm ki'n lev lanmen deza, e mon pou pas zot kestyon.

E nou a komans avek zot avan nou pas laparol, bann *Leader* dan Lasanble. Onorab Loze, ou kestyon.

HON JOHAN LOZE

Mersi Mr Speaker. Mr Speaker pep Seselwa i respe Lapolis koman enn bann lenstitisyon dan pei. E en *linchpin* nou demokrasi. Resaman Lapolis li menm in vin devan, in anonse konmkwa ki i annan logmantasyon dan la kriminalite. E zot in donn

poursantaz, e zot in donn leksplikasyon akoz.

E Lepep Seselwa, i *rely* lo lafors Lapolis pou donn li bon, lenformasyon dan sa bann keksoz koumsa. La dan en moman kot i annan diferan keksoz pe pase dan nou pei, *including* ou vvar sityasyon kot Lapolis i bezwen arbitre; ant MNA ki pe koz lalang lo sitwayen dan distrik.

Eski nou annan garanti, ki lafors Lapolis li menm li, i pou *honest broker going forward?* I pou koz laverite dan piblik e i pou met bann fe konkret devan, pou Seselwa kapab baz son desizyon lo la?

Nou pa le ki lafors Lapolis, i tonm dan *disrepute* akoz bann mis-kominikasyon parey Minis pe dir. So si nou kapab ganny garanti Minis, ki *going forward*. Lafors Lapolis pou akt koman en *honest broker*, ki swa kot Lorloz, Club Med ouswa anba pye mang Saint Louis? Mersi Mr Speaker.

MR SPEAKER

Mersi Onorab. Minis.

MINISTER ERROL FONSEKA

Mr Speaker, Manm Onorab, mersi pou ou kestyon. I enposib pou mwan donn ou, en garanti en keksoz ki pe deza arive. I pe deza arive, ki Lapolis,

i enparsyal dan son bann travay ki i pe fer. In demonstre sa.

Bann lepok kot Sef *D'Etat* ti telefond *SPDF* par egzanz, i dir atrap sa group dimoun, al koup zot seve, anmenn zot, Bel Eau in arete sa!

Nou, Komisyoner Lapolis i la i fer son desizyon dapre son *Act*. Byensir direktiv i ganny donnen par Gouvernman, me li i bezwen travay dapre Lalwa e *within the law*.

So mon pa pou donn okenn garanti pou en keksoz ki pou bezwen arive. E nou pou kontinyen ek sa. Fer sir ki tou dimoun i ganny son drwa pou li kapab koze, pou li rasanble, pou li fer son bann manifestasyon dapre sa bann konsiderasyon ki mon'n mansyonnen avan. Mersi Mr Speaker.

MR SPEAKER

Mersi Minis. Onorab Woodcock.

HON WAVEL WOODCOCK

Mersi Mr Speaker. Minis eski i normal pou annan rasanbleman dan en landrwa piblik, dan sa ka kot Lorloz, avek dimoun ki pe *kick*, e pe bwar lalkol dan landrwa piblik?

E sa bann aksyon ti pe ganny ankouraze par en *ex* Minis, avek en *ex MNA US* ki ti kot sa rasanbleman?

E dezyenmman, eski i en lofans pou donn dimoun drog, pou vin debout obor Lorloz, par lefet ki nou fek tann en *audio* dan piblik, kot en *MNA US* i dir ki i annan plantasyon drog dan en serten distrik? Mersi.

MR SPEAKER

Onorab Woodcock. Ou dernyen komanter pa ti neseser, mon'n fini anonsé ki nou'n komans, mon'n komans en *course of action* lo la. E napa nanryen, ki'n ganny etablir ziska konmela lo sa.

Alor mon demann ou retract, sa dernyen bout silvouple.

HON WAVEL WOODCOCK

Ok Mr Speaker, mon retract ki annan en audio deor ki MNA ...

MR SPEAKER

Mersi. Minis ou a prosede pou reponn.

MINISTER ERROL FONSEKA

Mr Speaker. Mersi Manm Onorab pou ou kestyon. En pwen ki mon oule fer resorti. E menm si *Commissioner Lapolis*, in donn en lord, in donn en drwa dapre son bann desizyon ki'n ganny fer.

Si i arive, ki en group dimoun pe abiz sa drwa. Par egzanz, pe servi bann *abusive*

or insulting aksyon. Pe fer bann zafer kick, pe fer bann zafer bwar, bann zafer koumsa, i annan drwa aret sa drwa ki in fini donnez deswit.

Savedir i kapab cancel sa, sa lord ki in donnez. So byensir tousala nou bezwen fer keksoz an respe. Nou bezwen konpran Onorab Woodcock ki sa demokrasi ki nou pe *enjoy* ozordi in arrive apre en kantite letan travay.

E la in arrive, nou bezwen epanouir sa demokrasi, *enjoy* li e respe li. E sa i enportan ki nou pa pran sa moman, pour komans fer bann keksoz ki pa bezwen ganny fer.

Demokrasi i la pour ou kapab *express* ou lekor, met ou pwen devan e nou bezwen fer sir ki tou dimoun, toultan i kapab fer sa. Mersi Mr Speaker.

MR SPEAKER

Mersi. Onorab Woodcock ou'n demann ou kestyon, mon a permet ou klarifikasyon lo ou kestyon. Si se sa, wi.

HON WAVEL WOODCOCK

Non Mr Speaker. Mon anvi *raise* en *point of order*. Ler mon ti pe demann mon kestyon Onorab Conrad Gabriel, i *point ledwa* lo mwan. I dir mwan," Gara mwan!" In *threatened* mwan la,

dan sa Lasanble! Mwan mon pa per ou mwan en!

(Disruption)

MR SPEAKER

Ah bon?

(Disruption)

HON WAVEL WOODCOCK

In *threatened* mwan la, dan sa Lasanble i dir mwan gara mwan! In *point ledwa* lo mwan, Nou bann Manm in vvar la! I dir mwan gara mwan!

MR SPEAKER

Order! Order!

HON WAVEL WOODCOCK

Si zot pe anvoy zot bann dimoun, pou bat nou bann MNA, fer mannyer zot arete! Mersi.

(Disruption)

MR SPEAKER

Order!

HON WAVEL WOODCOCK

Mersi.

(Interruption)

MR SPEAKER

Mon pe demann lord dan Lasanble silvouple! Bon Onorab

Woodcock, mon pa'n tandé ki Onorab Gabriel in dir.

Mon konsidér bann komanter *off-mic* pa appropriye letan bann Manm pe koze. Me, mon pa pou anmenn sa pli lwen. Akoz mon pa konnen egzakteman ki sa ki'n pase. La ankor, si ou annan en konplent kont en Manm, mon pa pou adres li la, akoz mon pou okouran, mon napa fason size.

Me selman si oule fer, reprezentasyon an ekrir, mon a regarde ki i annan ladan. Mersi.

HON JOHAN LOZE

(Off-Mic)

MR SPEAKER

Ok Onorab Loze, dir mwan ki si sa ki ou *point of order*.

HON JOHAN LOZE

Mr Speaker, mon oule port a ou latansyon ki sa konplent ki Onorab Woodcock fek fer, mon'n *refrained* pou fer menm konplent.

Koman mon'n fini poz mon kestyón, Onorab Sathya Naidu, in tonm en kriz laba, ki Onorab John Hoareau avek Onorab Roucou in bezwen kalme li ...

MR SPEAKER

Onorab Loze!

HON JOHAN LOZE

... pou anpes li, i ti pe ...

MR SPEAKER

Onorab Loze, ou pe al pli lwen. Ale dir mwan, ou *point of order*!

HON JOHAN LOZE

Mr Speaker, mon pe al dir ou ki pe dir mwan. In fer referans direk avek ...

MR SPEAKER

Onorab Loze, ou kapab ekout mwan silvouple? Ou pe al pli lwen, ou'n *state* mwan en *point of order*, apre ou'n al fer en *statement* lo lezot Manm!

Mon pa anvi sa deba antre Manm al pli lwe. Alor aret la. Mon'n konpran ou *point of order*, ou'n fer en koreksyon lo sa ki en Manm in dir. Mersi.

HON SEBASTIEN PILLAY

(Off-Mic)

MR SPEAKER

Onorab Pillay, ou a *state* mwan ki si sa ou *point of order please?*

HON SEBASTIEN PILLAY

Mersi Mr Speaker, pou donn mwan laparol. Mr Speaker mon *point of order* i an relasyon avek *imputation* ki'n ganny fer.

Parey ou konnen, nou *Standing Orders* in dir ki ou pa

kapab fer en *imputation*. En Manm pa kapab fer en *imputation*.

I annan en *serious charge*, ki'n ganny fer kont Manm sa kote latab par Onorab Woodcock, par en *statement* ki'n fer. E in dir sa, *on-mic* kot in dir ki poudir, si nou, nou pe anvoy bann dimoun pou bat zot bann Manm lo zot kote latab?

E pou mwan mon konsider sa Mr Speaker en lensilt. Koman mon lentegrite koman en Manm Lasanble. Pandan plizyer lannen mon'n en Manm Lasanble, mon'n toulstan respe Lasanble.

MR SPEAKER

Wi. Mersi.

HON SEBASTIEN PILLAY

E mon krwar poudir koman Speaker ...

MR SPEAKER

... mon'n konpran.

HON SEBASTIEN PILLAY

... koman Speaker, e nou'n vvar ki mannyer avek ou permisyon Mr Speaker - *just allow me* pou fini. Akoz se sa ...

MR SPEAKER

... mon'n konpran ou *point of order*.

HON SEBASTIEN PILLAY

Mon osi mon oule met lord lo mon kote latab ki mon bann Manm pa antre dan en aliterasyon.

MR SPEAKER

Mon'n konpran ou *point of order* Onorab Pillay.

HON SEBASTIEN PILLAY

So, fer Onorab Woodcock arete, fer sa bann *statement* Mr Speaker.

MR SPEAKER

Mon ganny, mon'n demann Onorab Woodcock pou *retract* sa *statement* e sa *statement* ki lezot Manm - i pa korek pou en Manm *impute improper allegations*, kont en lot Manm dan Lasanble.

E silvouple obzerv sa lareg. Si Onorab Woodcock, in fer in mal fer. Mersi. Bon prosen kestyon Onorab Cosgrow.

HON WALLACE COSGROW

Mersi Mr Speaker. Bonzour Mr Speaker. Bonzour Minis. Bonzour zofisyen Lafors Lapolis. Mr Speaker, mon ti a kontan komanse dabor par dir ki mwan koman en ansyen Minis.

E koman en Manm Onorab, mon ti enn bann dimoun ki ti partisip dan sa protestasyon sa zour Sanmdi lo

Lavenir Lendepandans. Mon ti a kontan met lo rikord poudir a okenn moman - a okenn moman pandan sa bann letan ki mon ti laba, mon pa'n zanmen ankouraz okenn dimoun ki ti dan protestasyon pou konsonm okenn ...!

(Off-Mic)

HON WALLACE COSGROW

I an referans avek sa ki Onorab Woodcock in dir.

MR SPEAKER

Order! Ok.

HON WALLACE COSGROW

A okenn moman, mon pa'n zanmen fer referans, mon zanmen demann okenn dimoun, or ankouraz dimoun ...

MR SPEAKER

Onorab Cosgrow ekout mwan en kou. Ekout mwan en kou.

(loud talking)

MR SPEAKER

Onorab Cosgrow mon'n konpran ou'n fer en koreksyon, ou'n koriz en *statement* ki ou krwar ti mal.

I menm pwen ki Onorab Pillay ti fer. So mon krwar poudir sa pwen in ganny korize.

Ou kapab prosede avek ou kestyon silvouple?

HON WALLACE COSGROW

Ok sa pwen in ganny korize. Mon ti ava apresye si Onorab i retract tou solman Mr Speaker.

MR SPEAKER

Mersi.

HON WALLACE COSGROW

Sa ki mon ti a kontan dir Mr Speaker demande, se an vi ki mon santi koman en sitwayen, koman en Manm Onorab, mon privilegez, in ganny afekte.

Mon lentegrite ki'n ganny afekte avek sa *statement* ki lafors Lapolis in fer, kan zot dir mon ti pe partisip dan en demonstrasyon ilegal.

E *going forward*, mon ti a kontan ki Minis i dir nou, eski lafors Lapolis, pour dan lefitir, fer sir ki zot ganny tou zot bann *facts right*, ki ler zot, zot *spokesperson*, zot dimoun, ki vin lo televizyon pou entervenir dan en sityasyon, i fer sir ki tou bann fe i la san ki i afekte lentegrite okenn pep Seselwa?

Dezyenm kestyon Mr Speaker, i annan koze ki pe ganny dir, ki fodre ki demonstrasyon i bouz dan en lot lokasyon. Par egzanp *Stadium Stad Popiler*.

Minis eski sa i desizyon Prezidan, ou desizyon, ouswa desizyon Cabinet koman en kolektiv? E eski ou pa krwar, pou donn sa i afekte privilez ki Konstitisyon i donn pep Seselwa pou rasanble, e pou fer protestasyon anba Lalwa ki deza etabli? Mersi bokou Mr Speaker.

MR SPEAKER

Mersi. Minis. Mersi Onorab. Minis ou repons.

MINISTER ERROL FONSEKA

Mersi Mr Speaker. E mersi Onorab Cosgrow pou ou kestyon. Mon kontan ki ou ti partisip dan sa manifestasyon. E i gou pou vvar ki dimoun pe servi sa demokrasi ki nou'n anmenn dan sa pei.

(APPLAUSE)**MINISTER ERROL FONSEKA**

So well done lo la. E nou bezwen kontinyen, kontinyen les dimoun voice zot lopinyon.

Lo ou kestyon Lapolis, nou'n fer li kler sa, In arriv en *mistake*, selman zanmen a okenn moman, ki en group dimoun pa'n kapab fer zot manifestasyon.

So sa sityasyon mon krwar i ganny reponn. E nou pou fer sir naturelman ki keksoz

i mars byen. Me sa pa en keksoz ki, vreman en gran zafer ki nou pa kapab ganny korize.

Lo ou kestyon sizesyon, bouze kot Stad Popiler. Nou bezwen konpran Mr Speaker. Ler *Commissioner* i swazir en landrwa pou les dimoun, express zot lekor ki zot anvi fer, nou bezwen pran konsiderasyon. Ki lezot dimoun, dan lanvironnman lanmenm la o bor ki ganny afekte.

La menm nou pe ganny en *complain*, sorti kot Mize e sa kafe lo kote, ki zot biznes pe direkteman ganny afekte ek sa bann zafer ki pe pas devan, zot lafnet.

E pa bann zafer, pa bann zafer protestasyon prop. Parey nou, nou ti fer menm zafer. Nou ti al dan "*Gappy out!*" devan, devan *library*. Mon rapel, tou le semenn Vandredi. Nou ti ale, nou ti *spend* 30 minit, ek nou bann sign "*Gappy out!*" fer enn de koze.

Zanmen ti annan dimoun bwar, sou! Akoz nou tou nou ti sorti travay pou vin la, pou fer nou demonstrasyon pou eksplike. E toulstan an konesans ki nou ti respe keksoz.

Menm parfwa si enn, en dimoun ti al en pti pe an deor. Ler nou ti regroupe, nou dir

tyonbo en kou. Annou get keksoz byen annord. E nou donn sa bann konsey. Savedir, nou bezwen *lead* dimoun, pou fer zot demonstrasyon. Be nou bezwen diriz zot osi, pour swiv, pou *enjoy* sa *democracy* ki zot in gannyen. Sa i enportan.

E i pran bann dirizan pou pran sa. Pou reget zot group. E la ler mon tande, ki dimoun pe ganny dir fer keksoz, mal dan zot travay *and all that*. I bann move, move *advice* ki nou pe donn dimoun.

(APPLAUSE)

MINISTER ERROL FONSEKA

Nou bezwen don dimoun bann bon *advice*, proteste, wi. Me selman, ou menm ou get ou group e bann *leaders* dan sa bann group kontrol ou group. La parey mon pe dir, sa landrwa nou pe ganny bann, bann, bann *complaint* ek dimoun.

Me anmenn tan osi nou bezwen get nou, nou biznes touris ki afekte zot tou ki la, zot tou ki la dan sa Lasanble. Tou dimoun ki, ki dan pei, nou *tourism industry* i afekte nou. Annou pran swen ek sa biznes, annan pran swen ek sa. I nou devwar sa, *ok?*

Alor kote, kote sa landrwa i bouze. Komisyoner Lapolis, in vin la devan zot, in dir zot son

kalifikasyon, mon krwar i annan tou lekspertiz. Prezidan i kapab sizer en keksoz, e byensir i pou bezwen gete. I a get lezot, ou osi ou kapab sizere en landrwa.

E tou dimoun i kapab sizere. Napa problemm ek sa. Selman nou bezwen get en landrwa kot dimoun i kapab fer zot zafer, zot mesaz i ganny anvoye. Si ou anvi ekoute al laba ou al ekoute. Parey nou ler nou ti kot *library*, dimoun ti vin laba pou ekout nou. Nou ti dan en pti kwen nou. Nou pa ti fer okenn problemm.

So i dan sa lespri ki nou bezwen bouz devan. Mersi Mr Speaker.

MR SPEAKER

Mersi Minis. Onorab Henrie.

HON GERVAIS HENRIE

Mersi Mr Speaker. Bonzour tou dimoun. Mr Speaker dabor mon oule swet en '*Happy Birthday*' Onorab Sathya Naidu, ki selebre son laniverser ozordi.

(APPLAUSE)

HON GERVAIS HENRIE

E an menm tan solider avek li, e denons okenn menas kont li personnelman e okenn Manm Lasanble Nasional. Mon pa pou aplodi sa bann keksoz koumsa,

kont okenn Manm Lasanble Nasyonal lo nenport kote politik.

Mon kestyon Mr Speaker. I se ki Minis yer, *IMF* in felisit Sesel. *IMF* in dir i enpresyonnen avek lavites ki lekonomi Sesel, pe repran. E i enpresyonnen avek bann Polisi ki Gouvernman pe pran, pou redres lekonomi pei, dan sitan en pti peryod letan.

Alor mon kestyon vizavi sa bann demonstrasyon tou le Sanmdi, Eski, koman en Manm Cabinet, Gouvernman in kapab etabli poudir vreman sa demonstrasyon kontinyel, i annan en zistikasyon, ki nou koman en pei, nou kapab aksepte?

Ouswa nou'n kapab etablir, poudir *United Workers Seychelles*, pe ganny servi par en parti politik, dan ki i annan 4 Manm Lasanble Nasyonal la anndan, ki zot *National Executive Committee Member*.

An komansman par loter kestyon, Son *Chief Whip*, son *Deputy Chief Whip* e Manm Elekte pou distrik Roche Caiman.

E ki alor vreman sa demonstrasyon pa pe ganny servi, pou spesifikman sabotaz lekonomi nou pei, tap nou lendistri tourizm kot i pli, kot i for, pou met nou lo nou zenou.

E fer ki dimoun, i rezenbe, kont administrasyon pei.

(Interruption)

HON GERVAIS HENRIE

Mersi Mr Speaker.

MR SPEAKER

Order! Order! Onorab Pillay ankor enn fwa, si ou'n lev ou lanmen, ou kapab ganny en point of order.

Me selman ou pa kapab kriye dan Lasanble, e sirtou ou pa kapab kriy ek mwan! Nou a, Onorab Henrie fini demann ou kestyon silvouple.

HON GERVAIS HENRIE

Mersi Mr Speaker, parske in annan enteripsyon e mon santi ki publik pa'n santi pa'n tande. Alor kestyon senp eski...

HON SEBASTIEN PILLAY

(Off-Mic)

MR SPEAKER

Onorab Pillay, mon a pran ou point of order dan en pti moman.

HON GERVAIS HENRIE

Eski vreman sa lotorite in etabli poudir sa bann demonstrasyon kontinyel i zistikye, ouswa i en lesey kot en Linyon Travayer pe

ganny servi par Parti Lopozisyon, pou sabotaz nou lekonomi, partikilyerman lendistri tourizm? Mersi.

(APPLAUSE)

MR SPEAKER

Onorab Pillay, ou a state ou point of order silvouple.

HON SEBASTIEN PILLAY

Mersi Mr Speaker. Mr Speaker mon point of order i senp. Onorab Henrie in klerman fer en *imputation*. Kategorikman in *impute!*

E ou'n les li fer sa statement. In nonm mwan, in nonm *Chief Whip*, in nonm mon *Deputy Whip*, e in nonm Onorab Vidot.

E apre in fer sa statement ki nou pe klerman servi, *United Workers Seychelles* pou sabotaz! This is an imputation e mon konpran ou Ruling bomaten Mr Speaker.

MR SPEAKER

Byen.

HON SEBASTIEN PILLAY

Let's be fair!

MR SPEAKER

Mon'n konpran, mon'n konpran ou point of order.

HON SEBASTIEN PILLAY

Mon krwar ou devret demann li pou fer en *apology* avek nou.

(laughter)

MR SPEAKER

Mon'n konpran.

HON SEBASTIEN PILLAY

Me fer en *retraction*, pou sa statement ki'n fer Mr Speaker!

MR SPEAKER

Mon'n konpran, ou point of order Onorab Pillay. Mon a retourn lo la avan Minis i pas son larepons.

Mannyer Onorab Henrie, i in fraz son statement ki'n lead dan son kestyon, mon napa, lobzeksyon avek. In koz lo en parti politik, in nonmen ki i annan sa parti politik. I annan Manm dan Lasanble, i pa'n *impute improper allegation against* bann Manm ki dan Lasanble.

Mersi, mon krwar Minis i kapab donn son larepons. Minis.

MINISTER ERROL FONSEKA

Mersi Mr Speaker. Mersi Onorab Henrie pour ou kestyon.

HON AUDREY VIDOT

(Off-mic)

MR SPEAKER

Onorab Pillay. Onorab!

HON AUDREY VIDOT

(Off-mic)

MR SPEAKER

Sorry. Onorab Vidot, ou *out of order!* Ou *out of order!* Mon pe dir ou reste trankil, si non mon pou demann ou pou kit Lasanble.

HON AUDREY VIDOT

(Off-mic)

MR SPEAKER

Ou *out of order.* *Silence please!*
Minis. Repons.

MINISTER ERROL FONSEKA

Mersi Mr Speaker. Mon ti a kontan bouze. Nou annan en kantite louvraz pou nou fer. Annou efektiv ek nou bann letan ki nou pe servi.

Konklizyon ki ou pe demande deryer sa bann demonstrasyon *and all that.* Mon krwar i kler pou tou dimoun fer zot prop *analysis* lo la. Me fason i pe ganny fer ek sa groupman, e fason ki dimoun pe *behave* laba. I pa en keksoz ki fer nou fyer. I pa en keksoz ki pou ed nou *tourism.*

E i vre ki Gouvernman pe fer, Minister Finans pe fer en

kantite, travay 24 lo 24, pou redres nou lekonomi ki benefisyé tou Seselwa, ki benefisyé nou tou.

Napa bann zafer en parti, en lot parti, en lot group. I en direksyon, ki nou bezwen pran e nou pe fer kler. E nou pe vwar - ozordi nou pe vwar, rezulta ki pe arive. Nou pe vwar mouvman Dolar, nou pe vwar tou keksoz.

Nou pe vwar avyon, pe, pe debarke. E nou bezwen kontinyen. Nou bezwen serye ek nou *tourism.* E sa bann *disturbance*, sa bann pti, menm lo kestyon *law and order*, ki pe arive ek touris. E i bann keksoz ki pou andomaz nou si nou pa pran keksoz konmela serye.

So mannyer, mon retourne ankor lo bann kestyon, lo bann obligasyon bann *leaders.*

Mannyer *leaders* i azir, i pou afekte mannyer dimoun, bann zenn manrmay deor i pou azir. Ou fer en keksoz pozitiv isi, i pou vin pozitiv laba. E nou bezwen pran sa o serye. I sa moman ki nou tou, nou bezwen pran li o serye. Akoz nou pe sorti dan *COVID.*

Nou pe *win*, nou pe *win* nou tou ansanm. Annou kontinyen *win!* Pour ki rezon, la pou al may zanbek nou prop lekor? Sa i en labitud, lontan nou ti kontan may zanbek keksoz. Ok. In ler pou nou

komans vreman, menm sa Lasanble mon pe donn zot en pti konsey (kantmenm mon en guest ozordi) annou sekwe nou manrmay!

(laughter)

MINISTER ERROL FONSEKA

Annou vwar sa gran, sa gran *picture* ki nou bezwen travay pou sanz sa lekonomi. So lo ou dernyen kestyon, lo menas *by the way*, mon pa ti konnen ou *birthday*. Be '*Happy Birthday*' to you Onorab.

Okenn menas lo okenn dimoun *civil servant*, lo okenn manm piblik, me *even more* so MNAs lo tou lede kote. Sa *ComPol* touzour bezwen azir, serye. Nou pa oule okenn sityasyon. Akoz zot vin la zot tou zot pe fer en serten sakrifis dan zot louvraz ki zot pe fer la. *Ok?*

Sak kote, zot pe fer en kantite sakrifis. Mon konnen bann louvraz ki zot bezwen fer *in the background*. E nou bezwen protez zot. E nou tou nou bezwen *unify* lo sa sityasyon ler i arive. Annou *unify*, ansanm lo sa bann sa bann zafer. Akoz si i ariv ek enn, i kapab ariv ek en lot laba. *Ok? So annou pran sa o serye.* Mersi Mr Speaker.

MR SPEAKER

Mersi. Mon a pran dernyen kestyon avan mon pas lo bann Leaders. E Onorab Michel Roucou.

HON MICHEL ROUCOU

Mersi Mr Speaker. Bonzour Minis Komisyoner, ek Depite Komisyoner. Minis mon'n tann ou. E bonzour spesyal pou zabitan Mont Fleuri. Minis mon'n tann ou, ou'n donn en pti pe bann kondisyon ki Minister Lasante i donnen pou fer rasanbleman.

E si ou kapab dir nou e lo kote Lapolis li menm li, ki bann kondisyon ki zot met avek ler zot donn en group dimoun pou fer rasanbleman? E si ou kapab dir nou, osi ki lenpak sa groupman kot i ete la i pe annan pa zis lo bann biznes e osi lo kote stabilite dan lavil li menm li? Mersi.

MR SPEAKER

Mersi. Onorab eskiz mwan, selman mon krwar Minis in adrese sa de pwen. Me selman Minis, ou a kapab pas briyevman lo la zis pou repeate silvouple? Pou fer kler?

MINISTER ERROL FONSEKA

Wi, Mr Speaker. Wi mon'n adrese sa de pwen. Onorab mersi pou ou kestyon. Me sa ki

mon pou dir, mon kontan ou pe kontinyen lo sa bann size.

Akoz sa bann size, i enportan. Ki nou annan serten stabilite, en serten lanbyans dan nou Victoria. So i en keksoz mon pou zet lo zot, mon pou zet ek zot pou fer sir sa i arive osi, dan zot bann miting ki zot fer dan zot bann diferan distrik.

So mersi pou ou siport lo la. Me *yeah*, nou bezwen pran sa o serye, i pa en pti zafer. Sa ki pe arive sa bann protestasyon ki deroul dan en lot fason, o mwen dan sa fason ki i devret pe deroule, dan en fason annord i pa bon pou nou e nou tou nou bezwen konpran sa. Mersi Mr Speaker.

MR SPEAKER

Mersi. Onorab Georges?

HON BERNARD GEORGES

Mersi Mr Speaker. Bonzour Mr Speaker. Bonzour Minis ek ou delegasyon. Tou bann Manm Onorab e tou dimoun ki pe ekout nou.

Mr Speaker mon ti a kontan remersye Onorab *Leader Lopozisyon* atraver ou, pou demann sa kestyon ki donn nou en platform ozordi, pou nou selebre sa lalit ki sa parti ki ou dirize Mr Speaker,

anmennen pou annan laliberte dan nou pei.

E pou fer sir ki nou annan en Lalwa ozordi ki permet rasanbleman piblik, menm par bann ki pa kapab servi sa drwa ki zot in gannyen dan en fason apropriye. E sa i regretab.

Me ki ou a fer sanmenm sa parti ki ti met dife, ki ti met bonm e ki ti fer koudeta. Alor nou pa kapab ekspekte, malgre ki nou priye ki zot sanzman i ava vin, pli rapid, ki i pe vini ziska preznan.

Mr Speaker mon annan de kestyon pou Minis. Premyerman, Minis eski ou kapab konfirmen ki anba *Public Assembly Act*, okenn permisyon pa bezwen gannyen. Napa okenn dimoun ki bezwen demann en permisyon pou fer en rasanbleman plis ki 10 dimoun. I bezwen zis selman notifye Lapolis? Alor kestyon permisyon *does not arise*.

E dezyenmman, eski ou kapab konfirmen Minis, ki ler en notifikasyon i ganny donnen ler en notifikasyon i ganny donnen par en group ki anvi fer en rasanbleman.

Lapolis dan son diskresyon i kapab enpoz kondisyon. E enn sa bann kondisyon se dir, ou ava rasanble pa la kot ou anvi pou tel ou tel rezon. Me nou ava

designate en lot landrwa pou ou rasanble? Mersi Mr Speaker.

MR SPEAKER

Mersi Onorab. Minis.

MINISTER ERROL FONSEKA

Mersi Mr Speaker. Mersi *Leader of Government Business*. Mersi pou ou kestyon, e i plis ou leksplikasyon ki ou kestyon dan en fason. E i toutafe normal ki ou'n dir.

Ou enform Lapolis, Lapolis premyerman i bezwen *straightaway acknowledge* ou demann. E la i bezwen fer en pe travay, i pou demann sa bann plizyer kestyon. Kote? Ki larout? Ki kantite dimoun pe sa partisipe?

Si i annan okenn lezot lentere. Si i kapab, i posib i annan de group diferan. I bezwen pran *law and order into consideration*.

Si i kapab vin en serten dezord so i pa kestyon ou pe demann li permision. Li i bezwen pran sa bann konsiderasyon pou li gid ou. Akoz ou drwa i la ou, ou drwa i reste la. Selman i bezwen gid sa.

E parey nou'n eksplike ozordi, nou annan sityasyon lasante ki tousala marye ansanm apre i a dir ou ki ou kapab. Ouswa i a sizere ki ou

al en lot landrwa pou ou fer ou manifestasyon.

So tousala i la, i kler. Parey mon'n dir depi boner, sa i la pou nou servi li, e nou anvi dimoun servi li. Me annou fer li dan en fason ki byen, ki drwat e nou tou nou kapab les sa demokrasi epanouir.

E si nou komans fer li la byen. Dan sa moman ki nou pe sorti dan *COVID*, zis mazinen dan 10an ki mannyer demokrasi pou ete Sesel.

Me pli ale, nou met bann fren, bann blok, bann konfizyon dan nou progre dan la demokrasi, ou pou vwar i pou retard nou.

I pou retard nou e sa pei li menm son developman pou ganny en retard. So mersi Mr Speaker. Mersi Manm Onorab. Mon *hope* mon'n reponn ou kestyon byen.

Mersi tou Manm Lasanble. Mersi Onorab Pillay pou demann sa kestyon akoz ti en moman enportan pou diskit en pti gin lo la. So mersi zot tou. E bonn zournen.

MR SPEAKER

Nou pa ankor fini Minis, nou pe pas lo kestyon siplemanter Onorab Pillay. *Leader Lopozisyon.*

HON SEBASTIEN PILLAY

Mersi Mr Speaker. Pasyante Minis ou ava ale dan en en pti moman. Mr Speaker premyerman mon le fer en *statement* kategorik, ki mwan mon parti oubyen mwan mon menm mwan mon pa'n zanmen met bonm, swa met okenn dife okenn par, *ok?*

Wi koudeta ti arive, e gras a sa 43an, sa koudeta, apre sa koudeta ki sa pei ozordi i annan en ekonomi ki zot, zot pe koz labous plen. Premyerman enn.

Dezyenmman, mon pa'n zanmen fer parey Minis Ferrari, aktyelman pou mwan al kot Linyon Eroopeen, pou dir tap Sesel kot i fermal.

Oubyen mon pa'n zanmen fer bann drayver *pickup*, vin met zot *pickup* devan lavil, blok lavil, blok proze danm ki ozordi proze danm i an retar gras a aksyon ki zot, zot in pran!

So pa pran zot bannann pou manze pou anvoy lapo lo nou lo sa kote latab! Premyerman sa i enn.

(APPLAUSE)

HON SEBASTIEN PILLAY

Dezyenmman, dezyenmman pa blanm okenn Manm sa kote latab, ki al partisip dan okenn demonstrasyon akoz zot, zot ti pas dan lavil ek gro Speaker.

Sa letan okenn marsan pa ti dir pe *disturb* zot. Zot ti vin devan Lorlez toulezour pe dir "*Danny out!*" Sa pa ti *disturb* personn. E ozordi ler en lot dimoun i fer zot le konplent.

MR SPEAKER

Bon ou kestyoon.

HON SEBASTIEN PILLAY

Touris i zwenn avek bann aktivis *United Workers Seychelles*, e touris in byen kontan sa ki bann aktivis pe fer! *Ok?* Rezon problem arive, problem in arive se akoz zot in fer siporter *LDS* ...

(Interruption)

MR SPEAKER

Order! Onorab Pillay ou *statement* ase long. In pli long, ki tou lezot ki bann Manm in soz. Silvouple prosed lo ou kestyoon.

HON SEBASTIEN PILLAY

Premyerman lo mon kestyoon, la mon annan mwan tou bann let. Tou bann let ki'n ganny ekrir, tou bann *email*, ki'n ganny anvoye. Tou bann dimoun ki'n *copy* dan sa bann *email*. *Ok?*

E sa bann *email*, i mansyonn tou bann Zofisyen. So premyerman leksplikasyon ki

annan en *miscommunication* mwan.

Si i annan, enn *whoever* ki'n fer sa *miscommunication* i devret premyerman;- enn, *tender* en *apology* avek *United Workers Union Seychelles*.

Akoz in sali non *United Works Seychelles*, premyerman. Sa i enn. I kler sa i bezwen ganny fer sa. *Ok?*

(APPLAUSE)

HON SEBASTIEN PILLAY

Akoz dan okenn pei demokratik. Minis ou konn byen, si dan *Met Area London*, en zofisyé, oubyen okenn zofisyé Lapolis ti'n fer sa bann *statement* koumsa kont en group protestater, ti pou annan kestyon lo *Westminster about resignation*.

Be nou pa pou fer sa ozordi la. *Ok?* Sa i kler Minis. Mon ti a kontan ki en *apology* i ganny *tender* dan biro *United Workers Seychelles*, i ganny li sa.

Sa ki mon ti a kontan klarifye Minis se sa protestasyon ti *peaceful until* ki ti annan en group *LDS*, sorti mon pa konnen kote - ki ti vin dan en *pickup* e park lot kote semen.

Eski sa group *LDS*, ti annan laprouvassyón Lapolis?

Lekel ki'n donn zot laprouvassyón Lapolis? E akoz Lapolis lefe ki sa group ti napa en laprouvassyón, pa ti fer zot *vacate* sa landrwa e sorti?

Mon dezyenm kestyon. Mon dezapwente ozordi Mr Speaker, pou tann en Avoka, en gran defander la demokrasi parey Onorab Georges vin koz nou lartik Konstitisyón. E dir ki nou, nou pou obzerv nou bann drwa avek kondisyon ki li ek son Gouvernman pou met an plas.

Be eski Onorab Georges, in bliy zizman dan *case*, ki zot menm zot '*SNP and Others*', zot ti anmennen kot *Public Orders Act* Lartik 160 Konstitisyón? Ki ozordi pe ganny vyole? Par lefe ki Mr Speaker mon ti a kontan demann Komisyoner, eski ou'n pran sa desizyon, avan ki Prezidan i fer son *statement*?

Akoz Prezidan dan son *statement* ki'n fer lo televizyon, in dir e mon site." Ki i pe al koz ek Komisyoner, pou fer li bouz sa bann rasambleman kot Lorloz. Akoz pe aparaman, pe afekte biznes, ki ti dir zot pe fer R6000 dan en zour."

E si sa i leka i an vyolasyon Lartik 160 and 162 nou Konstitisyón! I an vyolasyon sa bann let ki'n ganny ekrir kot sa *UWS* pe ganny demande pou *seek*

permission, i an vyolasyon let ki'n ganny ekrir kot UWS poudir, "UWS we direct you."

E 'direct you' in ganny zete dan sa zizman ki ti ganny fer kont *Public Order Act*, ki ti ganny anmennen Mr Speaker par ou menm ou, atraver ou parti dan Lakour Siprem kont dan Lakour Konstitisyonnell.

MR SPEAKER

Ale. Permet Minis reponn kestyon silvoupe.

HON SEBASTIEN PILLAY

Mon pa ankor fini Mr Speaker. Mon annan en dernyen kestyon.

MR SPEAKER

I fer trwa.

HON SEBASTIEN PILLAY

Wi mon annan en lot kestyon.

MR SPEAKER

Mersi. Ale terminen.

(Off-Mic)

HON SEBASTIEN PILLAY

Mr Speaker, eski Cabinet, eski Cabinet Minis mon pe demann Minis sa kestyon. E mon ti a kontan Minis ou, ou pran ou larepons o serye.

Eski Cabinet Minis, ki pe deside kote, e kan e keler en Seselwa ki lib dan son pei pou manifeste son lekor, annakor, ek Lartik 23 ek Lartik 27, nou Konstitisyon. Ki Lakour Konstitisyonnell ti dir i bann drwa, *sacrosanct* e ki Seselwa pa bezwen okenn personn dir li kote pou li rezouir.

E si wi Mr Speaker, eski Cabinet alors pa pe al an kontravansyon avek sa Konstitisyon ki zot menm zot bann Minis, e isi dan sa Lasanble Mr Speaker, nou nou'n *swear to uphold?* Mersi.

MR SPEAKER

Mersi Onorab. Minis ou a reponn.

MINISTER ERROL FONSEKA

Wi. Mersi Mr Speaker e mersi Onorab pou ou kestyon. Premye kestyon lo ou kestyon, sa lot group ki ti la. I vre ti annan en lot group, ki ti la. Ki zot pa'n demann permision. Zis zot vini rasanble.

E apre en lepok - e apre evalyasyon bann manm Lapolis zot ti ganny tire. Me selman ler ou pe *deal* ek sa sityasyon, pa vedir *straightaway* ou vin avek en, parey nou ti vvar lontan gard bate, ek bann gran, gran mayos, vini rat dimoun, *ok*. Met zot ater, bann zafer koumsa.

E nou servi serten *skills* ki Lapolis pe servi ozordi, akoz Seselwa i konpran li. Ler i fer keksoz mal, i konnen in fer keksoz mal e Lapolis i bezwen dir li. E menm Lapolis mon pe met en pe serye ek zot lo kestyon sa bann dimoun ki ti ganny permisyon. Selman ti a pe bwar, ti devret ganny arete deswit. Deswit ti devret ganny arete! Nou bezwen fer sir sa i arive.

Me selman nou bezwen balans keksoz osi. Keksoz i mars tou lede kote en? Nou bezwen balanse. Me sa ti bezwen ganny fer. So sa i leka.

Napa okenn moman, sa bann zafer Prezidan, diriz isi, diriz laba lo *law and order*. I pa leka. Natirelman koman en Prezidan ou annan ou lopinyon, ou annan direktiv, *Cabinet* i annan son direktiv, tousala.

E sa ou bezwen pour ou diriz pei. Ou pa kapab annan en po fler koman Prezidan. Sa nou ti'n pas dan lepok lontan sa. Ou pa kapab. Ou bezwen dimoun ki pe dirize. So i annan natirelman direksyon.

Me *Commissioner Lapolis* li son louvraz li i bezwen al dapre Lalwa. Be selman si nou get, tou sa bann lakizasyon ki mon'n fek ganny tande la. Si ou get lo *Conditions and*

Restrictions on Public Assembly 4(5).

Menm i pa zis Komisyoner, i dir ou “*a person aggrieved by a decision of the Commissioner, may appeal within 36 hours before the date of the public assembly or public procession by petition to the Chief Justice.*”

I annan en lot landrwa ki i kapab ale. Ok? So tousala i kapab servi pou li fer sir i pe ganny son laliberte lekspresyon.

So nou bezwen fer sir ki sa i koumsa. Mon krwar mon'n reponn *more* sa kestyon Mr Speaker. Mersi.

MR SPEAKER

Onorab Pillay, parey lezot Manm ou annan drwa a en klarifikasiyon, si ou krwar Minis pa'n adres enn ou bann pwen. Me selman mon fer remarke ou'n deza demann 4 kestyon siplemanter e nou bezwen terminen.

Ki klarifikasiyon Onorab Pillay?

HON SEBASTIEN PILLAY

Mersi Mr Speaker. Mr Speaker mon oule *seek* ou kalifikasyon e ou gidans anba de Lartik nou Konstitisyon. Lartik 45 nou Konstitisyon, i prevwar ki, ki nou “*Charter shall not be*

interpreted so as to confer on any person or group the right to engage in any activity aimed at the suppression of a right or freedom contained in the Charter.”

So personn pa kapab fer okenn aksyon pou zot deside lo ki mannyer en lot dimoun anba nou Konstitisyon pou egzers son drwa.

Dezyenmman Lartik 49 nou Konstitisyon, i koz lo en *democratic society*. E la Mr Speaker, mon le met sa a ou latansyon. Akoz nou annan an deor, nou moto se “*Serving a modern democracy*.”

E i dir en “*democratic society, i pluralistic*” kot i annan tolerans, *proper regards to bann rights*. Me kot i osi annan en balans pouvwar, ant Legzekitiv, Lezislativ e Zidisyer.

MR SPEAKER

Mersi ok.

HON SEBASTIEN PILLAY

Mr Speaker mon ti a kontan demann Minis alors, eski ou pe dir mwan ki a tou moman, ki en dimoun i anvoy an notis kot Lapolis. I pou bezwen obligatwarman al pas en tes kot Lakour, pou li kapab fer son manifestasyon?

Eski se sa pou le ka? E eski alor nou pou nepli, swiv

Lartik 45 e 49 nou Konstitisyon? Eski alor nou pou nepli swiv Lartik 23, nou Konstitisyon, zis akoz ozordi LDS i o pouvwar e i realize poudir ...

MR SPEAKER

Onorab Pillay. Mersi.

HON SEBASTIEN PILLAY

Poudir pou dimoun kapab manifeste ozordi, kapab afekte ...

MR SPEAKER

Mersi. Ou a termin ou, ou kestyon silvouple. Onorab Pillay, mon fer ou remarke ki ou bann dernyen pwen in larzman depas kestyon orizinal e son size. So mon satisfe si Minis i dir in fini reponn.

Selman Minis mon pou donn ou en moman pou termin sa long sesyon. E an tousan okenn pwen dan diskour Onorab Pillay, ki ou krwar i demann adrese.

MINISTER ERROL FONSEKA

Mersi Mr Speaker. Mr Speaker, mon krwar mon'n reponn tou keksoz. Parey mon'n dir, sa lopsyon pou al kot *Chief Justice* i la. Tousala i bann bout ki ou kapab servi koman en sitwayen.

Me pa zis sa ou kapab annan tou ou bann zafer, ou

bann lord ou bann *Act* isi laba. I lespri deryer tousala. E nou, nou pe dir tou dimoun ki zot annan drwa fer zot protestasyon.

Nou ankouraz zot. Mon anvi zot fer tousala. Selman fer li prop, pa annwiy lezot dimoun. Se tou ki nou pe dir. Ou kapab fer, nou anvi nou vvar. Kontrer nou a gete si nou kapab vvar zot Sanmdi. So ek sa Mr Speaker, mersi. Mon aret sa lanmenm.

(APPLAUSE)

MR SPEAKER

Mersi Minis. Nou'n arriv a lafen. Onorab Georges ou annan en *point of order*, ou kwa? Ou a dir mwan ki *point of order* ki oule lev en pwen lo la silvouple.

HON BERNARD GEORGES

Mon annan en *point of order* mon anvi *raise*. E sa se pou demann ou permisyon pou mwan reponn en alegasyon ki Onorab *Leader* Lopozisyon in fer kont mwan personnelman. E in mansyonn mon non.

MR SPEAKER

Wi lo sa *point of order*, mon a permet ou fer en koreksyon. En klarifikasyon Onorab Georges.

HON BERNARD GEORGES

Mersi Mr Speaker. Mr Speaker, i annan en vye proverb Angle ki dir, "En pti pe konesans i en keksoz danzere." Mwan mon en Avoka e mon konn Lalwa. Mon pa bezwen vin sit serten lartik *at random*, pou sey prouv okenn pwen.

Onorab *Leader* Lopozisyon, in dir ki mon ti'n devret konnen ki Lakour Konstitisyonnal ti'n fer en *Ruling* ki al an kont en propozisyon ki mon'n fer la ozordi bomaten. Mon rezet sa konpletman.

Si Onorab i lir sa zizman tre byen i ava vvar ki sa zizman ki'n ganny ammennen par ou, Mr Speaker devan Lakour Konstitisyonnal, ti pou *challenge the Public Order Act, at the time*.

E the *Public Order Act*, akoz ou *challenge in succeed*, in ganny ranplase par *The Public Assembly Act*, ki Minis in koz lo la ozordi!

Alor Onorab *Leader* Lopozisyon pe ammenn nou an erer. E mon ti a swete, ki i pa fer sa. Les bann Avoka ki konn Lalwa koz lo Lalwa. Mersi.

(APPLAUSE)

MR SPEAKER

Mersi. Bon nou pou termin ...

HON SEBASTIEN PILLAY*(Off-Mic)***MR SPEAKER**

Non Onorab Pillay, nou'n fer ase deba lo sa size. Nou pou termin la. Sansan zanmen nou pou fini pou al lo lot biznes. Mersi. Minis mon a remersye ou, pou ou partisipasyon.

E mon a swet ou, bonn *journée* e bonn kontinyasyon. Madanm Clerk, nou a pran en pti poz teknik, pou *sanitize* avan nou apel lot delegasyon silvouple.

HON SEBASTIEN PILLAY*(Off-Mic)***MR SPEAKER**

Onorab Pillay. Mon dan en poz teknik la, ler nou tournen mon a demann ou.

*(technical break)***MR SPEAKER**

Retourn nou travay, Onorab Pillay ou'n lev lanmen. Mon pa pe retourn lo deba ki nou'n sorti ladan. Amwen ki ou annan en lot size silvouple. Mon pe demann ou pou ou permet nou kontinyen.

HON SEBASTIEN PILLAY

Mersi Mr Speaker. Mr Speaker mon annan ...

MR SPEAKER

Si ou annan en pwen dir mwan lo ki size *please*?

HON SEBASTIEN PILLAY

Mon annan en *matter of privilege* mon le *raise*. En *matter - en privilez Lasanble*.

MR SPEAKER

Wi, lo...?

HON SEBASTIEN PILLAY

Konstitisyon. Konstitisyon i dir ki ler en Minis i vin dan Lasanble. I ava reponn, "*shall answer questions*", ki'n ganny met to li. *Standing Orders* i dir "*An answer refused shall not be insisted upon*".

Mon santi privilez Lasanble pe ganny vyole. Par lefe ou, ou pe dir ek Minis in fini reponn e pa reponn. Minis i ava dir poudir li in fini reponn, e i pa reponn.

Ou pa pou kapab met parol dan - avek tou respe Mr Speaker – (mannyer mon pe konpran sa lord) Minis ki bezwen refize. Me ki pe - sa ki pe arive se ki Minis prezan i pe repet sa ki ou'n dir li.

MR SPEAKER

Non.

HON SEBASTIEN PILLAY

E ki mon santi poudir koman *Leader Lopozisyon* dan Lasanble Mr Speaker, mon pou kontinyen lager pou mwan retenir mon lavwa avek respe.

MR SPEAKER

Ok, mon reponn ou matter of privilege. Mon reponn ou matter of privilege Onorab. Dan mon lenterpretasyon Standing Order mon annan tou drwa note ki en kestyon in depas limit son board orizinal dan sa kestyon.

E ki - me si mon permet Minis pou adrese si i krwar i annan en pwen, mon kapab fer li. Mersi. Mon pa krwar poudir ou privilez in ganny afekte. Mersi. Nou dan Lasanble Onorab Pillay.

Madanm rapporter, mon ava demann ou pou apel delegasyon ki pe atann silvouple.

Bonzour Vis-Prezidan Ahmed Afif, e mon osi swet la byenveni ou delegasyon Mr Yves Choppy *Principal Secretary* pou *Infrastructure*, Mr Jitesh Shah Direkter dan *Contractor Management* e Mr Lawrence Kamugisha *Assistant Principal Legal Draftsperson* dan AGs Office.

Nou la pou pran *Bill Seychelles Infrastructure Agency Bill, 2021.* Onorab

Georges i ava anmenn Mosyon pou *Second Reading* silvouple.

HON BERNARD GEORGES

Mersi Mr Speaker. Bonzour Vis-Prezidan avek ou delegasyon. Mr Speaker, anba *Order 69(2)* nou *Standing Orders*, mon move ki *The Seychelles Infrastructure Agency Bill, 2021* i ganny lir en Dezyenm Fwa.

MR SPEAKER

Mon a ganny segonnman pou sa Mosyon. Onorab Arissol.

HON SANDY ARISSOL

Mersi Mr Speaker. Bonzour VP ek ou delegasyon tou Manm a lekout, tou dimoun. Mon ti a kontan segonn Mosyon anmennen par Onorab Georges Mr Speaker. Mersi.

MR SPEAKER

Mersi Onorab. Vis-Prezidan. Mon ava apel ou pou fer lentrodiksyon lo sa *Bill*.

THE VICE-PRESIDENT MR AHMED AFIF

Mersi bokou Mr Speaker. Bonzour Mr Speaker, *Leader Biznes Gouvernman*, *Leader Lopozisyon*, (i ti fek la mon pa vvar li) tou lezot Manm Lasanble, e tou dimoun a lekout, bonzour.

Mr Speaker depans pou bann proze kapital avek devlopman lenfrastriktir esansyel, i demann plis lefikasite, pou annan pli bon zeson e planifikasyon bann proze.

Se pou sa rezon ler sa nouvo ladministrasyon, in pran lofis, desizyon sete pou kree en lazans enfrastriktir santralize, ki ava pran sarz tou bann proze konstriksyon ek louvraz menntenenns lo lapar Gouvernman.

En tel Lazans, i ava ed Gouvernman reisir dan bann lobzektif swivan.

Planifye devlopman lenfrastriktir dan en fason pli stratezik, anliny avek bann gran priyori devlopman Nasional.

Standardizasyon bann Kontra, spesifikasiyon prosedir e kalite proze ki enplimante par Gouvernman. E asir pli profesyonnalizm.

Annan tou bann resours imen spesyalize, groupe pou plis lefikasite.

Zeneralman bann teknisyen, dan domenn konstriksyon, ava anba en sel *Scheme*, ki ava evite annan konpetisyon pou staff ant diferan Departman Gouvernman.

Pli bon kontrol ek rikord lo performans kontrakter, ki fer proze Gouvernman, ki ava ede dan prosedir *procurement* pou asire ki kontrakter ki *perform* i ganny kontra. E ki zot pa pran plis louvraz ki zot resours i permet.

E finalman pli bon planifikasyon Bidze pou depans kapital. Bann problemm ki dan lepase Gouvernman in fer fas avek, dan lenplimantasyon bann proze konstriksyon, ava annan bann prosedir ek mekanizm pou kontrol sa pli byen avek lespri pou evit sa dan lavenir.

Par egzanp e mon sit 4 legzanp. Bann ka kot de proze Gouvernman an konfli akoz zot *design* i ganny fer endepandaman, san evalye si i annan konponan komen ki kapab ganny enplimante anba en sel kontra.

Kontrakter ki annan kontra avek plizyer, Departman e zot tarde avek louvraz. Me zot kontinyen ganny nouvo Kontra akoz en lot Departman pa okouran, lo defo sa kontrakter. Bann lenstans, kot serten konponan proze konplete, me en konponan ki depan lo en lot proze, pa ankor avanse.

Sa i koz retar e fristrasyon. Sa pou osi ganny amelyore avek - akoz

planifikasyon pou Bidze pou bann proze avan annan en portre pli global lo bezwen resours.

E finalman bann lenstans kot proze par serten Departman ki annan limitasyon lo *staff teknik*, apropriye. I komans proze ouswa *tender*. E sa i rankontre difikilte pli tar, i anmenn kou adisyonnel akoz mank lekspertiz.

Sa i ava ganny evite akoz avek groupman resours imen, i pou annan sifizaman sipor lekspertiz teknik.

Sa Prozedlwa ki pe ganny propoze pou donn kad legal pou kreasyon e kontrol loperasyon, e fonksyonnan sa Lazans. Manda Lazans Lenfrastruktir Sesel ki nou pou apel SIA, se pou donn servis teknik pou bann proze konstriksyon enplimante par Gouvernman.

E donn servis teknik, pou bann louvraz menntenans, lo bann propriyete ek batiman Gouvernman. Servis teknik, i konpri fer bann *survey* ek letid, prepar bann plan konsep, fer bann plan detaye, bann estimasyon kou, prepar dokiman *tender* pou kontrakter ou konsiltan.

Administre bann kontra, e superviz bann louvraz konstriksyon oubyen menntenans.

Sa bann servis pou ganny donnen avek tou bann departman ek Lazans Gouvernman. A leksepsyon, bann Departman ouswa kategori ki liste anba *schedule*. Bann kategori liste anba kategori ki pa pou kouver, par SIA, i annan;

Departman Transpor
(SLTA)

Bann lantrepriz piblik ki komersyal

Korperasyon Litilite Piblik,
(PUC)

E bann lantrepriz piblik, avek bann manda spesyalize, ki annan zot seksyon proze.

E nenport lezot Departman oubyen Lazans, ki Prezidan i ava donn direktiv. Alor vitman lo deskripsiyan sa Prozedlwa. I pou kreasyon e kontrol loperasyon sa Lazans, i annan 6 parti ladan.

Premye parti i kouver bann definisyon e lentrodiksyon bann konponan, sa Lazans par egzanp pou apel *Seychelles Infrastructure Agency*, i pou tonm anba portfolyo Minis responsab pou Later ek Lakaz.

E zis pou lenformasyon Mr Speaker, mon la ozordi akoz Minis Billy Rangasamy, malerezman i okipe avek son zanfan ki malad. I pa'n kapab la

bomaten. Nou swet li tou kouraz.

Dezyenm parti, kouver kreasyon e letablisman sa Lazans. I definir koman en *body corporate*. I definir manda sa Lazans ki servis i pou donnen. I eksplik bann fonksyon Lazans, donn konsey lo plan stratezik pou devlopman lenfrastruktir.

Donn konsey lo lenplikasyon finansyel bann proze konstriksyon ek menntenenns. I fer bann *survey*, lo kondisyon lenfrastruktir Gouvernman. Fer bann plan teknik.

E i donn konsey, etablir bann standar spesifikasyon.

Gard rikord lo performans bann kontrakter.

Outsource bann kontra avek bann konsiltan pou bann servis spesyalize. E lezot fonksyon relevan ki Minis i donn direktiv spesyalize.

Trwazyenm parti i kouver letablisman Komite Enterministeryel. En Komite Enterministeryel, pou ganny etabli pou administre sa Lazans. Rol ek fonksyon sa Komite Enterministeryel, se pou fer revi e aprouv bann konsep plan devlopman. Fer revi e determin priorite travay ek proze ki Lazans pou enplimante.

Fer en revi e rekomann avek Gouvernman, priorite bidzeter pou lenvestisman dan proze Gouvernman, pou asire, zot entegre dan bann plan stratezik devlopman pei. E fer medyasyon, ler i annan dezakor, ant bann diferan Departman Lazans.

Konpozisyon sa, Komite pou *comme* swivan: -

Minis responsab pou Later ek Lakaz, li i pou *Chairman*

Minis responsab pou Lanvironnman Vis-*Chairman*

En reprezantan responsab pour Departman Later

En reprezantan sorti kot Departman Planifikasyon Ekonomik

En reprezantan Divizyon planifikasyon ek Kontrol Finansyel sorti Minister Finans

En reprezantan Departman Legal

En reprezantan Departman Transpor

En manm avek gran leksperyans dan kontabilite avek lodit apwente par Minis

Sef Egzekitiv sa Lazans koman en manm. Sa ki nou apel *ex-officio*, i pou osi sekreter sa Komite.

Bann manm Komite, pou ganny apwente pou en peryod 5an. Zot kapab ganny reminerasyon *allowance* determinen par Prezidan,

annakor avek novo Polisi Gouvernman lo sa size.

E finalman sa seksyon i osi donn gidans lo bann miting ek prosedir sa Komite.

Katriyem part i kouver ladministrasyon Lazans, lapwentman Sef Egzekitiv par Minis, pou en dimoun avek kalifikasyon ek leksperyans apropriye.

Sa CEO pou responsab pou zesyon lazans, annakor avek bann Polisi ek direktiv komite.

I annan provizyon pou annan en sef loperasyon. COO *Chief Operation Officer*, apwente par komite pou asiste sa CEO dan fonksyonnan Lazans. E sa parti osi fer provizyon pou Lazans anploy staff neseser, pou son fonksyonnan anba term ki komite i determinen.

Senkyenm part, kouver bann provizyon finansyel. Finansman pou Lazans pou sorti dan Bidze. Ki Lasanble Nasional apropriye, larzan pou ganny servi pou loperasyon Lazans pou bann depans ki ganny fer dan en fason apropriye. Larzan ki apropriye pou osi ganny servi, pou peyman bann manm komite.

I osi annan provizyon anba sa seksyon, pour ki larzan ki ganny bidzete pou enplimantasyon proze, ouswa

mentenans pou bann lezot Minister, Departman, pou pas anba kontrol Lazans Lenfrastriktir ler sa bann proze i ganny enplimante par Lazans.

Sa larzan ki ganny delege dan sa bann ka, pou servi selman pou sa bann proze spesifik. Bann depans ek zafer finansyel Lazans, pou ganny odite par Biro Oditer Zeneral, annakor avek Lartik 158 nou Konstitisyon.

CEO sa Lazans i definir koman *the accounting officer*. Me anba sa provizyon, i responsab pour tou larzan Lazans e osi tou bann aki. Lazans i bezwen fer en plan loperasyon pour sak lannen ki i ganny aprouve par Komite.

En plan provizwar, provizwar i bezwen ganny prezante, omwen 60 zour avan komansman lannen. E en plan final i bezwen ganny prezante, pa plis ki 30 zour, apre komansman sa lannen. Sa plan anyel i kapab ganny amande avek laprouvason komite.

Finalman Lazans i bezwen osi prepar en Rapor Anyel pa pli tar ki 31 Mars, apre finisyon sa lannen finansyel.

Sizyenm e dernyen parti. I kouver bann lezot provizyon, divers, bann resours propriyete, ek aki ki pou Gouvernman, ki ti

pe ganny servi pou bann fonksyon ki pou prezan ganny antreprann par sa novo Lazans pou ganny transfer anba son responsabilite.

Sa i ava enkli bann lezot Kontra, drwa ek *liabilities* relye avek sa bann fonksyon. Ki pou osi transfer sertifikasyon par Minis, i a konfirm sa bann transfer. Staff bann Minister ek Departman ki zot fonksyon pe ganny transfer ek sa novo Lazans pou osi transfer.

Annakor avek zot kalifikasyon, ek konpetans sa bann transfer pou lo term ek kondisyon ki pa mwen favorab ki dan zot lorganizasyon aktyel. Provizyon pou osi fer pou ki later, ouswa teren ki Lazans i bezwen fer pour son fonksyon pou tonm anba responsabilite Departman Later, pou akerir sa lo lapar Lazans.

Bann anplwaye Lazans, i konsidere koman bann travay servis piblik. E tou bann provizyon Kod Penal, ek lord servis piblik pou aplike pou Lazans.

Minis i osi annan pouvwar pou fer lezot regilasyon anliny avek prensip sa proze. *Monsieur le Ministre Rangasamy*, parey mon'n dir i pa la avek nou ozordi. I pou pran responsabilite lansman nou

Lazans Lenfrastruktir, lannen prosenn.

Mr Rangasamy, Minis Rangasamy i enzenyer ki'n ganny rekonnet atraver lemonn. En *chartered engineer*, e i annan en bon 30an leksperryans enternasyonal. Nou annan gran konfyans ki anba son direksyon koman Minis responsab, *SIA*, pou demar lo en bon direksyon e nivo.

Se Sesel, ki pou *victorieux* ler sa lesanz i kapab reisi, dan sa prosen letap devan nou. Alors, mon pe enplor e demann tou bann Manm Lasanble pou donn nou zot sipor pou sa novo Prozedlwa *Seychelles Infrastructure Agency*, Act. Mersi bokou Mr Speaker.

MR SPEAKER

Mersi Vis-Prezidan nou pou komans lo deba bann Manm. E mon a komans avek Onorab Naidu me atann en pti moman Onorab les mon a pran en pe non.

Bann kote isi, lev lanmen Onorab Aglae. Ou lanmen ti anler ou? Onorab Lemiel osi. Onorab Cosgrow mon'n gannyen, Gill mon'n gannyen. Byen mersi. Mon pou repas lo lalis, sa ki mon annan. Atann en pti moman.

Mon annan Onorab Lemiel, Aglae, Gill, Vidot Cosgrow, Sophola, Letourdie Labonte, Woodcock, Roucou, Arissol, Philip e Romain. Lekel ki mon'n manke? Onorab Samynadin laba. Byen. Mersi.

Bon nou a pran en, entervenan Onorab Naidu ti lev lanmen premye, si mon pa tronpe. Sa korek Onorab Naidu? Alors mon a pas ou entervansyon la premye.

HON SATHYA NAIDU

Bonzour Mr Speaker. Mersi Mr Speaker. Bonzour VP ek ou delegasyon. Bonzour tou koleg Onorab, e en bonzour spesyal pou zabitant Saint Louis.

Atraver ou Mr Speaker mon le zis pran sa loportinite, pour remersye mon bann zabitant, espesyalman bann ki ti'n *call* mwan, ki ti'n teks mwan apre sa lensidan Vandredi. Mon pa ti pe antisipe mon ti pou ganny otan sipor.

Me selman, sa sipor in donn mwan en kantite konfor dan en moman difisil. Zanmen eski mon ti pe antisipe, Vandredi ti pou'n termin koumsa apre en zournen travay dir lo teren pou byennet mon bann zabitant.

E ler ou pe travay dan byennet ou bann zabitant ou pou fer fas, avek adversite. Me

selman a sa ki konsern sa lensidan, mon pa pou al lo la akoz *case* i Ankour, e mon pou les Lakour fer son travay.

Me fodre ki mon dir mersi Bevil Narty mon *clerk* pour sa proteksyon ki ou'n donn mwan dan sa lensidan. E par lao tou mon bezwen dir mersi Bondye pou sa kouraz, sa proteksyon, sa determinasyon ki dan mwan, dan mon lavi toulezour, pou fer fas avek nenport ki defi.

E sa ki ti'n arrive, nanryen sa. Sathya pa pou zanmen les tonbe!

(APPLAUSE)

HON SATHYA NAIDU

E tou bann Manm lo mon kote latab, sa ki reprezent sa parti ki apel *LDS* pa pou zanmen les tonbe! Nou tou nou annan en aspirasyon, pou nou distrik.

E sak fwa nou asiz lo nou latab, dan *Caucus* miting nou a pe diskit bann problem. Ki mannyer eski nou kapab rezourd bann problem dan nou distrik. E sak fwa ler mon dan sa bann miting, mon dir mon fyer a sakenn parmi zot. Mersi pou sa travay ki nou, nou ape fer, pou anmenn Sesel ver en meyer letap.

E an sa ki konsern en meyer letap, mon vwar en *Bill* ki anbisye. En *Bill* ki pe pran

plizer Departman. E pe anmenn li dan en sel, anba en sel parasol. Nou annan *Agriculture Agency*, well i pou annan en *Bill* ki pou *repeal* sa i pou tonm anba Departman Lagrikiltir.

I pou annan Ledikasyon, Lasante, Gouvernman Lokal, *Housing* ek Lakaz. Zot tou zot pou tonm anba la. E ki pou arive se, i pou annan en zefor santral. Kot i pou annan sa sinerzi ant tou bann diferan Departman.

E anba sa ler i pou'n arive i pou annan aepre 159 staff. So souvandfwa nou tande, poudir i annan mankman mendev, i annan mankman resours. Mon krwar ler nou pe anmenn tousala ansanm, nou pou kapab fer sir ki nou pe fer bokou plis avek mwens ki nou annan.

E mon osi vvar dan *Appropriation Bill*, i annan en *Infrastructure Agency*, e byensir nou koman en Lasable, nou pou bezwen pas sa Prozedlwa pou sa kapab vin en realite.

Me sa ki nou, nou ti'n note se aepre 30poursan bann proze. Zis 30poursan bann proze, in arriv ver konplisyon. E se pourtan sa rezon, ki ti annan en Bidze Siplementer.

Alors in bezwen annan defayans, pandan sa 1an ki nou

nou'n la, dan Gouvernman. E nou'n pran en aksyon proaktiv pou nou kapab fer sir ki tou bann proze ki vin devan i kapab ganny delivre a en dele letan, a en rezon, a dele letan, ouswa pou fer sir ki tou keksoz i arriv, in a *reasonable timeframe*.

E lo bann diplikasyon ki'n arive. Mon rapel ki Mr Shah kat zour pase, lo Nouvel ler i ti pe koz lo sa *Bill*. I ti'n fer resorti, kot mon prezimen, *it's a - i bezwen leka*. Kot Gouvernman Lokal e zot in fer en *concept*, zot in fer en *design*, apre lo kote later ek lakaz zot in fer en *concept*, zot in fer en *design*.

Be ou a pe - ou vvar ou pe gaspiy resours, *and time is money*. Nou le vvar keksoz bouze o pli vit posib, sa se laspirasyon nou pep. Partou kote dan tou nou bann distrik.

Me selman mon'n remarke ki lo kote *PMC* i pa neseserman tonm anba sa Lazans. Mon ti a voudre ganny en leksplikasyon bokou pli kler. Espesyalman ler mon vvar serten defayans lo kote *PMC*. E mon swete ki zot kapab swa adres sa atraver *PMC* menm, ouswa sa Lazans.

La mon pe fer referans avek en avek en ka kot *ex-Gees*. I annan pres 44 units, ladan 22 partou kote pe *crack*. So mon pe demande. Eski sa *Agency*, eski i pou get ladan? Si non, akoz

eski *PMC* i pou reste *stand-alone*?

Menm zafer mon konnen, Minis ti'n fer resorti lo *Schedule*, ki bor lo *Schedule 4*. *I mean* lo sa *Schedule*, kot bann lorganizasyon i pe ganny *excluded*. Mon ti a voudre ganny en leksplikasyon *as to why?* Akoz o komansman mwan mon ti anba lenpresyon ki ler nou pe koz *Infrastructure Agency*, i pou kouver tou lenfrastruktir.

So pou ganny leklersisman pou benefis publik, mon ti a voudre ganny en pe plis lesplikasyon lo la. Me an tou mwan mon pare pou siport sa *Bill*. Akoz ozordi nou annan en Gouvernman ki le bouz Sesel dan en bon direksyon. Mersi Mr Speaker.

MR SPEAKER

Mersi Onorab Naidu. Nou pou pran poz dan travay la. E nou a reprenan lo sa *Bill* 11er. Mersi.

(BREAK)

MR SPEAKER

Bon nou a reprenan deba lo *Bill*. Mon annan en long lalis entervenan. Donk mon apel pou limit 10minit, rapel bann Manm. Onorab Vidot.

HON AUDREY VIDOT

Mersi Mr Speaker. Bonzour Mr Speaker, tou Manm Onorab. Tou dimoun ki a lekout. En bonzour spesyal pou bann zabitan Roche Caiman. Bonzour Minis ek ou delegasyon ankor enn fwa.

Mr Speaker, lenfrastruktir neseser pou bann developman fitir, i en konponan enportan, pou stabilite en lekonomi. Enn parey Sesel, ki'n agrandi e enn ki'n devlope pandan sa plizyer lannen.

E menm si nou pei in develop bokou, i reste touzour lespas pou anbelir dan bann lenfrastruktir ki deza egziste e ki kapab ganny devlope pou lefitir.

Byensir kot nou Seselwa, i ganny sans zwir e vwar bann lenfrastruktir de o kalite, e ki kapab dirab pou zot benefis personnel.

Se lo sa pwen ki mon le tous lo sa Prozedlwa ozordi, lo sa Lazans Lenfrastruktir. Petet mon pou annan plis bann kestyon ki petet Minis, Vis-Prezidan ou kapab elabor en pti pe dan ou repons.

Mon pou tous spesifikman dan mon distrik Roche Caiman. E petet ki mannyer i kapab atraver, sa Lazans vwar serten loportinite, pou okenn developman ki deza egziste. Ki sa Lazans i kapab anbelir lo la.

Oubyen vwar ki mannyer, lefitir okenn devlopman ki ganny fer, dan mon distrik ki sa Lazans i kapab kontribye dan en fason pozitiv.

Me osi annan serten konsern an menm tan. Letan nou pe koz planifye. Eski sa Lazans, an term bann lenfrastriktir aktyel ozordi, prenon kont ki ankor pou Gouvernman. La mon pe koz parey bann blok flat ki Gouvernman i ankor pe anmas reveni.

Bann dimoun pa neseserman in fini aste atraver sa lenfrastriktir, sa Lazans, an kordinasyon avek PMC. Prenon kont ki i annan keksoz ki menm si in met a la porte PMC.

Me nou pa pe vwar vreman lakkerte, an term travay pou rektifye bann problemm pou adres bann konsern, pour ki ler bann dimoun pou'n pare pou aste zot propriete zot vwar poudir zot pe aste, en keksoz ki zot vwar zot valer.

Me non-pa annan lenkyetid ki pou annan bann lezot, sa bann lezot issues ki deza egziste atraver bann lenfrastriktir aktyel pa pou kontinyen vini lefitir e ki zot pou vwar zot kwense e pa konnen ki bor zot pou ale pou zot ganny sa gidans.

Eski sa Lazans osi i pou annan bann - nou'n dir poudir pou annan bann laspe teknik ki zot kapab ofer, eski sa bann laspe teknik i pou zisteman pou lo kote zis bann proze Gouvernman?

Ki sipor adisyonnel an term parey si sa dimoun in aste ek Gouvernman. Me i bezwen - i vwar i annan serten *defect* ki'n vin apre zot proze devlopman? E ki mannyer zot pou antreprann pou donn li sa sipor adisyonnel?

E mwan osi, prenon kont ki bann defi ki egziste ozordi atraver sa Lazans, pou publik la deor santi zot pli soulaze. Ki adisyonnel - petet atraver bann devlopman ki zot pou fer, eski zot pou osi konsider asire ki bann kontrakter ki lepase ki'n fer serten devlopman, ki petet i pa'n sa nivo standar. I annan sa *carefulness* an term byen *vetting*, an term bann proze ki zot pou gannyen.

Me selman an menm tan, nou pa oule vwar poudir ki loportinite i pa vin zis pou serten. Me i vin pou tou dimoun ganny sa menm sans. Evite ki bann kritik parey nou'n resevwar, nou menm nou bann Manm Lasamble.

Nou'n met devan dan lepase atraver serten bann proze ki devlopman ki

Gouvernman i *tender*. Me nou vwar poudir i pa vreman a sa la oter. E nou pe vwar poudir i kontinyelman petet sa bann dimoun i annan detrwa, kat proze an menm tan.

Eski sa Lazans i pou annan - i pou vreman kapab vwar sa kapasite lo lakantite devlopman ki annan, lo Mahé, Praslin e La Digue? Pou asire poudir an term resours imen, zot pou kapab delivre pou adres e vwar bann konsern ki vreman bann distrik i fer fas avek?

E menm lo nivo lavil, ki i balizaz avek plizyer distrik. Ki mazorite nou popilasyon i servi. An term bann devlopman ki ganny fer. Pou asire ki keksoz, i al a nivo, ki popilasyon ti ava voudre ekspekte. Sa i pwen for ki mon ti anvi touse.

Apre prenon kont ankor de kalite, materyo ki ganny servi dan nou bann devlopman lenfastriktir ozordi, eski zot sa Lazans osi zot pou annan en rol - en *input* ki pou zwe ladan?

Pou anpeste ki nou ganny okenn lezot konplikasyon, ki kapab arive an term vreman standar letan bann devlopman i ganny fer. E ki sa Lazans li i la byensir pou kot i pe koz standar. Nou pe asire ki sa i pa vin en kontrent?

Sa i plizoumwen sa de pwen - detrwa pwen for ki mon

ti anvi fer resorti zisteman, an relasyon plis avek mon distrik. Mersi Mr Speaker.

MR SPEAKER

Mersi Onorab. Onorab Michel Roucou.

HON MICHEL ROUCOU

Mersi Mr Speaker. VP bonzour. Bonzour PS Choppy. Mr Shah, e osi koleg ki sorti kot, *Attorney* zeneral. Kot AG's Office sorti.

Mr Speaker mwan ler mon pe get sa *Bill*, i en *Bill* ki'n vin dan en bon moman. Akoz la nou pe viv dan en letan kot, nou vwar poudir bokou bann lenfastriktir pe ganny afekte avek *fungus*.

E sa pe lev bokou konsern, sirtou dan bann landrwa travay kot menm sa demen i kapab kout pei sitan ser. Akoz nou vwar poudir pli ale, bokou dimoun pe vin devan pou demann konpansasyon lo bann tel sityasyon.

E mwan mon panse poudir sa Lazans li menm li, i pou zwe rol la. Kot i pou kapab idantifye bokou bann landrwa kot i annan bann tel problem li menm li. E souvandfwa nou zwenn bokou piblik. Mwan menm mwan mon zwenn bokou piblik kot zot eksprim zot konsern sirtou anver bann

landrwa parey Lopital li menm li.

Fason ki sityasyon ki Lopital i ladan, akoz i pa'n ganny *Maintain* dan sa fason ki i ti devret dan lepase. Akoz ler bokou dimoun ki'n al Lopital, i pa nouvo, nou'n vvar poudir souvandfwa nou vvar i annan *crack, fungus* menm ater bann *tiles* kot in leve. I annan plizyer landrwa kot ou menm ou enn ler ou demann ou lekor bokou kestyon.

E mwan mon panse poudir ek sa Lazans osi ki pe abzorb bokou, bann Departman ki *deal* avek mentenans. Ki sa petet i pou donn zot plis sa langazman pou zot kapab *focus* plis lo sa bann *issue* lenfrastriktir li menm li.

I zis parey, nou pou vvar dan Bidze kot dan mon distrik i annan, i annan kot ki mannyer ou'n dir mwan kot i annan en sonm ki pe vini pou prepar en striktir ki'n la pou bokou letan.

Akoz in ganny fer avek bann materyo ki dan lepase ou kapab dir ozordi i pa vin soutenab dan sa klima ki nou pe viv ozordi.

E tousala i pou evite ki nou ozordi ki la nou pou vvar *tax payer money* pe ganny servi pou depans li, akoz - ennler ler ou asize ou gete eski vreman sa larzan ki ou pou donnen, eski i

pou benefisyé pou fer sa depans avek sa?

E osi mwan dan mon distrik, mon annan bann vye lakaz, parey Corgat Estate. Mon mazinen poudir ek sa Lazans la, nou pou kapab ganny en plan egzakteman ki mannyer redevlopman pou kontinyen bouze. Akoz sa bann zabitan zot in reste dan sa bann lakaz, pou sitan bokou letan.

E mon mazinen zot osi zot annan en rev demen. Sirtou la mon pe mazin bann dimoun ki vreman aze ki'n viv dan sa bann lakaz pou en bon pe letan. Ki demen zot osi zot annan en rev pou zot kapab bouz dan en lakaz nef. E demen ler zot frenm zot lizye, *at least* zot konnen zot in, zot in kapab zwir sa dernyen moman dan zot lavi.

Mr Speaker, mon pa pou manke osi pou mwan tous en pti pe an term bann lenfrastriktir, sirtou dan lavil. Mon mazinen avek sa Lazans la osi tou i pou donn bokou *advice* bann propriyeter ki annan bann *building*.

Akoz souvandfwa nou pase nou vvar kot bann lenfrastriktir pe tonm an rin, dan en fason ki ou kapab dir - vin en *eyesore*. I vin en menas pou bann motoris, pou publik ki la pe mouvmanter. E mwan mon krwar poudir se ki mwan

mon pou donn mon sipor sa Lazans. Akoz mon vwar poudir i pou anmenn bokou rezulta.

E bann proze ki ganny fer dan distrik osi tou. Mon mazinen poudir sa osi i pou redwir en pti pe lo kote bann pri ki bann kontrakter pe donnez ki vreman egzorbitan.

E kot la i annan plis lizye ki pou ganny mete, e ede osi lo bann proze ki Lotorite Distrik, ki pou anmenn devan. Pou ede ki bann dimoun i ganny bann proze ki ou kapab dir i valer sa larzan ki sa bann kontrakter pe *bid* lo la li menm li.

E mon pa pou manke, annefe pou mwan dir se ki ler nou get *PMC*, parey bokou mon bann koleg in koz lo la se ki nou annan bokou problem dan laplipar nou bann *housing estate*. Mon pa pe dir poudir sa bann *staff* kot *PMC* zot menm zot ki an defo.

Me selman, petet lo kote louvraz ki bann kontrakter i donnez. Akoz i en *retention*; en *retention*, savedir kantite letan ki Gouvernman i donn sa kontrakter pou kontinyen la pou *maintained* sa bann *building* ki apepre 1an.

Ki nou poudir apre sa 1an, ouswa apre ki sa bann dimoun in pey sa lakaz, ouswa zot in fini peye, i annan bann problem ki ganny leve. E mazorite sa bann

dimoun zot napa en sou *knowledge* dan konstriksyon. Ki sa aprezan i tant pou vin en problem pour zot.

Zis parey - mon fek vizit en site avek anler dan Rochon. Kot i annan en madam son lakaz pe *crack*, *sewage* in pas anba semen pe devid anba kot en lot son vwazen.

Aprezan nou menm nou lo kote Lotorite Distrik, ennler nou en pti pe bite kote nou pou ale. Akoz sa bann dimoun in fini pey zot lakaz. Mon mazinen ek sa Lazans ki la aprezan i pou ed nou pli fasil, kote direkteman nou pou ale. Ki sa i a fasilit en pti pe nou lavi avek nou bann zabitant.

Mr Speaker, mon santi ki sa Lazans i vreman enportan dan sa letan ki nou pe viv la, parey mon'n dir oparavan. Akoz sitan - sirtou avek klima ki nou pe viv ladan la. E i annan bokou konstriksyon dan bann kominate, ki lenpak sa kantite *volume* delo, ki pe sorti dan montanny pe desann ki sa i al refoul en pti pe dan leba, ki nou vwar poudir se ki delo i pe afekte bokou bann lenfrastruktir.

Mr Speaker avek sa, mwan mon pou donn mon sipor lo sa *Bill* e mersi.

MR SPEAKER

Mersi Onorab. Onorab
Cosgrow.

HON WALLACE COSGROW

Mersi Mr Speaker. Ankor enn fwa bonzour tou dimoun. Bonzour Vis-Prezidan.

Mr Speaker sa Lalwa ki devan nou li menm ozordi, i kapab ganny vwar, parey Vis-Prezidan in eksplike, i kapab ganny vwar koman en, en *attempt* pou armoniz keksoz, armoniz lafason fer ki Gouvernman, ti deza pe fer or pe fer ozordi.

Pour ki keksoz i kapab, bouz pli vit e vin pli efikas. Pou mwan sa, ler mon get sa Lalwa i kreasyon en Lazans kot tou keksoz, malgre i annan serten egzanpsyon dan bann *schedule*. Kot tou keksoz i vin ansanm e ki i kapab ganny vwar, kapab ganny vwar konmkwa keksoz pou bouz en pe pli vit.

Me mon annan serten rezervasyon. An dizan sa mon annan serten rezervasyon lo, petet mwan menm mwan ki mannyer avek mon leksperyans, ki mannyer mon vwar petet, sa i pa pou neseserman le ka.

E mon anvi elabor enn pti pe sa lo sa dan mon lantervansyon. Pou bann petet ki en pe pli aze, menm pli aze ki mwan, zot pou petet rapel ki'n

deza annan dan lepase bann tel striktir, petet pa en Lazans.

Me bann tel striktir, kot ti armoniz e kordin serten bann gro proze Gouvernman, bann proze devlopman pou bann *main* lenfrastruktir pei ki dapre bann lenformasyon ki nou annan - i pa'n neseserman bann - i pa neseserman en fason pou fer keksoz bouz vit, ouswa fer keksoz, al en pe pli efikas, parey petet ti dezir.

E sa lepase in montre nou in la, petet bann ki'n fer en pti pe plis resers zot a konnen. E ki sa ki ti rezulta. Rezulta se ki Gouvernman ti vwar poudir, ti annan serten bann *delays*, ti annan serten bann *issues* avek en tel lorganizasyon kot ou santraliz tou keksoz.

E ou, i fer ki petet keksoz pa bouz parey, parey pep ti a anvi vwar, Gouvernman ti a anvi vwar. E se sa ki ti fer, petet Gouvernman, pou vwar en meyer solisyon. E solisyon sete pou desantraliz en pe, bann diferan proze Gouvernman.

E avek kreasyon bann Minister, plis Minister, plis Departman, bokou sa bann Departman, Minister, Lazans ti annan kreasyon bann *unit* proze. Kot zot sa bann Departman, sa bann Minister ki konn spesifisite zot Minister, ki

konn spesifisite sa domenn ki zot ladan.

Zot ti *actually* pran zot bann proze ansarz, e zot devlop zot bann proze, zot *conceptualized* zot bann proze, zot devlop bann proze. E anmenn li ziska lafen.

So se sa ziska ozordi ki mannyer keksoz i ete e pa ... Bann ki'n dan Gouvernman, bann ki swiv Gouvernman, zot pou konnen poudir mazorite, bon pe bann Minister, bann Departman zot annan zot, zot *Project Unit*.

E menm i annan bann, koman en paraetatik par egzanp *PUC* ki enn gro. Ki fer zot bann proze Nasyonal, bann proze ki benefisyé pei li menm pou devlopman pei.

E en kantite dan sa bann, landrwa ozordi, nou'n vwar kot i annan kantite devlopman lendividji. Kantite bann zenn profesyonnel, ki'n pourswiv zot karyer dan bann domenn sirtou konstriksyon, *civil engineering (QS)*, zot in kapab ganny loportinite debouse dan sa bann landrwa.

E zot in kapab, fer zot kontribisyón atraver, atraver sa bann landrwa pou devlopman nou pei.

Ozordi Mr Speaker, letan nou pe koz lo ki mannyer keksoz i ete ozordi. Nou konnen

osi ki poudir par egzanp, i annan sa ki nou apel en *Development Committee*, ki Gouvernman ti kree ki sa *Development Committee* li, tou bann proze mazer - bann proze mazer pei ki annan en lenpak lo pei.

I pas devan sa komite, e sa komite i *assess* son vyabilite, son nesesite, e Komite li i donn son laprouvason, ouswa son bann konsey Gouvernman. Pou ki bann proze i kapab ganny realize.

So petet letan nou pe diskite, ozordi e ler Vis-Prezidan i koz lo son - i donn son larepons. Petet i, mon ti a kontan i koz en pti pe lo lavenir *Development Committee* an fas avek sa nouveau kreasyon ki pe ganny fer ozordi dan Lasanble.

E dir nou ki rol *Development Committee* pou aprezan zwe? Akoz *Development Committee* ti osi, gid Minister Finans an term, ki mannyer i pou diriz son bann resours *capital projects* an relasyon avek *budgeting for the next three years cycle*. So ki mannyer nou pou sitye *Development Committee*, avek sa nouveau kreasyon?

E mon osi okouran ki ozordi Departman Lenfrastriktir, parey i ete, i pa zis *deal* avek lenfrastriktir.

Akoz i tonm dan Minister Later ek Lakaz. So i pa zis *deal* avek lenfrastriktir lakaz.

Me i osi angaze, deza angaze avek bann lezot Minister, kot zot donn konsey. Akoz zot annan bann profesyonnel dan sa Departman. Akoz zot donn bann konsey bann diferan, Minister, Lazans, Departman.

Menm dan ka kot i bezwen *deal* avek bann lakonpannyen paraetatik. Akoz se zot ki zer later, se zot ki zer bann *main resours* pou ou kapab fer devlopman.

E zot deza angaze. Zot deza donn sa bann konsey, zot deza donn par egzant mon sir ki dan serten lenstans par egzant bann *advice* lo *design* pou bann diferan keksoz. Kote semen, lo kote lenfrastriktir delo elektriske.

I annan deza en kordinasyon ki pe arive. E eski ozordi Sesel nou bezwen, en diplikasyon, or eski nou bezwen enn - eski vreman nou bezwen en novo Lazans? E pa blye, ki Gouvernman letan ti vin o pouvwar ti dir i annan tro bokou Lazans, tro bokou pe mars lo lipye kanmarad.

So eski nou bezwen ozordi en lot Lazans, en lot depans, pou kapab fer sa louvraz ki dan

mon pwennvi deza pe egziste, i deza pe ganny fer?

Mon osi anvi koz en pti kou Mr Speaker lo lefe santralizasyon tou keksoz. Mon'n deza fer resorti dan Lasanble pa tro lontan pase, enn pti pe lo bann *best management practice*.

E mon ti koz lo ler ou fer, ou kree serten lorganizasyon *or* ou fer serten lorganizasyon vin sitan gro. Sitan gro, sitan bokou responsabilite, ki i defet sa *purpose* ki ou anvi.

E dan plas vin pli efikas, sa lorganizasyon parfwa i tant pou vin mwen efikas. I sa ki nou apel an Angle i *lethargy*. Keksoz pa mars parey ou anvi, e an repons sa devlopman ki soufer.

E se pep ki pa vvar sa rezulta petet, ki i ti a anvi vvar an term devlopman lenfrastriktir dan pei. So mon met sa la devan. Akoz mwan mon annan en krentif. Mon per pangar ki letan nou krwar nou pe sey fer, li bouz pli vit, i riske nou pe kree en pli gro bebet, ki pa pou neseserman bouz vit. Me akoz i sitan gro, i bouz sitan dousman, kot Lepep pa santi son lefikasite.

Now, mon anvi koz osi lo en pti pe Mr Speaker, letan mon get sa Lalwa, koz lo ki kalite enteraksyon ki sa Lazans, li

menm pou annan avek bann diferan antite proze, dan bann diferan Minister.

E la mon pe mazinen ki kekfwa, kekfwa bann antite proze dan bann Minister pou ankor egziste. Me i posib ki tou sa bann Minister ki pou ganny anmase anba sa Lazans zot riske napa en antite proze, zot riske napa en seksyon proze.

E ki fer ki petet sa spesifisite sa Minister, sa Lazans, sa Departman, i pou ganny neglize en pti pe an term ki mannyer, priorite i ganny *deal* avek. Akoz sa Lazans, i konn son spesifisite, i konnen ki proze ki anvi fer pandan sa lannen avek sa pti git resours ki annan.

Ki mannyer i prioritiz son proze? Ki mannyer i fer son proze marse pandan lannen dan en mannyer ki i annan en lefe lo sa bann dimoun ki pe servi son servis, *in the end*.

E la ...

MR SPEAKER

Ou'nariv10minit Onorab.
Mersi.

HON WALLACE COSGROW

Wi Mr Speaker. Mon pou terminen. E la, nou pe vwar en Lazans ki pe vin pran tou. So ki pou arive, par egzamp sirtou avek sa bann *human resource*

dan sa bann diferan landrwa? Eski nou pou vwar en sityasyon kot pou annan *redundancy*, pou annan dimoun ki pou perdi zot louvraz?

Akoz ler ou'n met tou ansanm i riske ki, ou pou sey fer en pe lekonomi, lekonomi *off scale*. Kot apre sertern dimoun, i perdi louvraz.

So, VP petet anons - dir nou dan ou repons, ki pou arive avek sa diferan seksyon proze e ki pou arive bann dimoun dan sa bann diferan seksyon proze?

Dernyen Mr Speaker, mon a pran detrwa segonn lo la. I an relasyon avek *procurement*. Akoz sak sa bann *unit*, sak sa bann seksyon, bann Minister ti *actually* fer zot *own procurement* pou sa bann proze.

So ki mannyer zot pou *deal* ek *procurement*. Eski en gro *procurement* pa pou fer li tro *cumbersome*? Kot apre dan plas nou vwar keksoz i vin pli vit, nou vwar keksoz i tarde, i tarde, en lenpak i lo sitwayen Seselwa.

So avek sa de mo Mr Speaker, mon vreman pa neseserman krwar, ki sa ki pe ganny propoze ozordi, i *the best forward*. Me zot in anmenn sa devan, nou ava ekout ki VPi dir. E nou ava kapab pran nou desizyon apre. Mersi bokou Mr Speaker.

MR SPEAKER

Mersi Onorab. Onorab Woodcock.

HON WAVEL WOODCOCK

Mersi Mr Speaker. Mr Speaker *Bill* ki'n ganny prezante devan Lasanble ozordi, se pou kree en Lazans Seychelles *Infrastructure Agency*.

E sa Lazans i annan de rol prensipal. Enn se pou donn servis teknik pou *civil engineering* e konstriksyon bann proze dan tou bann Minister Departman ek Lazans Gouvernman.

Dezyenmman i osi enportan, se pou fer *maintenance* lo bann propriyete, bann lenfrastruktur Gouvernman. E dan *Clause 5* sa *Bill* i donn plis detay lo fonksyon sa Lazans.

E mwan mon pou konsantre mon entervansyon lo enn ou de sa bann fonksyon sa novo lazans ki nou anvizaze kre ozordi. Dan *Clause 5* sa i dir ki sa Lazans i *provide project design procurement and constructive services e supervise lenplimantasyon bann proze*.

E mon bezwen fer resorti ki kontrerman avek sa ki Onorab entervenan avan mwan in koze, nou'n vwar poudir annefe se dan lepase atraver

sistemki'n deza an plas e nou'n vwar bokou retar dan plizyer proze. Kot nou'n vwar plizyer diferans dan lepase kot i konsern *project design* e menm lenplimantasyon plizyer bann proze.

Zis pou donn en de legzanp mon ava servi legzanp dan mon distrik en konparezon en proze ki mon pe mazinen la se Tamatave Estate en *housing estate*, kot pi perdi i devan lakaz. Dimoun pe antre se li i bezwen pas kot pi perdi pou antre se li. E sak fwa Mahé o pi perdi delo i ranpli dan pi perdi, e tou sa bann *affluent*, tou sa bann kosonnyen i devid dan lari dimoun.

Me sa i bann *issue* ki nou'n vwar dan lepase, akoz in annan sa bann *project* ki mannyer in ganny *design* i pa'n ganny *design* dan en fason adekwat. In kree bann *issue* dan lepase pou bann zabitan dan sa bann *housing estate*.

Zisteman nou fek aprann osi ki annan en proze depi 2014 kot i konsern lekol La Rosière en don ki Gouvernman *Kuwait* ti fer Sesel ti donn Sesel pou fer proze lekol. E nou'n vwar poudir plan pou sa proze i pli gran ki later!

Savedir i montre ou poudir i annan bann defayans ki'n arive dan lepase, akoz in

mank en pti pe sa *oversight*, sa *synergy* ant diferan bann antite bann Departman konsernen ki'n fer ki plizyer bann proze ki'n ganny soumet, i bezwen retourn lo *drawing board* ouswa sa proze pa ganny enplimante, akoz plizyer bann defayans ki nou annan.

Annou get *issue* bann kontrakter dan lepase. Plizyer bann kontrakter ki'n ganny *tender* dan lepase, annou get *Palais de Sports* e lezot legzanz ankor zot pa'n *deliver* lo sa bann kontra.

Zot pa'n *deliver*, selman sanmenm sa bann kontrakter ki pa'n *deliver*, zot reganny Kontra ankor pou bann lezot proze Gouvernman.

Sa i bann defayans ki'n arive dan lepase a plizyer repriz. Mon pou servi en lot legzanz ankor *daycare centre* Grand Anse Praslin. *Daycare* fek fini, ler DA pou al ouver *daycare* pou al gete avan ler ki sa *daycare* i ganny *lease*, konman i ouver laport tou *tiles* lo miray i sorti i grennen, i tonbe!

So i montre ou poudir i annan bokou bann defayans dan lepase lo si ou pa vizyon lo bann proze ki'n ganny enplimante par bann diferan Minister, bann diferan Departman Gouvernman, kot i annan en ki annan en louvraz

en pti pe pli en *oversight* pli direk pli serye lo plizyer bann proze gouvernmantal.

Mr Speaker ki ou vwar bann proze i *end-up* kot bokou pli ser akoz bann travay ki'n ganny fer, bann travay ki parfwa in ganny *cut corners*, bann keksoz bonmarse in ganny servi ki apre in *end-up* kot Gouvernman bokou pli ser.

Stad Lanmizik. En proze ki ti pou kout environ R6 milyon si mon pa tronpe. In *end-up* kout bokou plis, plis ki R10 milyon an plis ki ti'n ganny *forecast* pou sa proze.

Sa Lazans i annan responsabilite pou get finansman, *cost implication* pou tou devlopman proze e lenfrastruktir Gouvernman.

E kot i konsern finansman, nou'n vwar dan lepase kot i annan bokou bann proze Gouvernman ki'n ganny *inflated*. Nou'n vwar *bus stop* R1.5 milyon pou en *bus stop*?

Nou vwar miray 2milyon pou en pti miray. Apre de zour pas de semenn, detrwa mwan, sa bann miray i grennen ouswa sa bann pon i grennen.

Nou'n vwar sa bann kalite proze dan lepase, akoz i annan plizyer defayans ki nesesit en lenfrastruktir ki pe pran tou sa bann louvraz, avek tou sa bann resours dan tou sa bann

Minister, bann *surveyors*, bann *project managers*, se bann dimoun ki konnen ki zot pe fer ki kapab *monitor* swiv sa bann proze e fer sir ki *costing* i bon e fer sir ki bann kontrakter ki ganny *awarded* bann proze, bann kontra zot pe *deliver* lo sa bann kontra ki zot in gannyen.

Clause 5 (b) i koz lo maintenance and property management. Pli gro defayans pli gro problemm dan sa Gouvernman lepase Mr Speaker, se kot i konsern *maintenance* lo bann batiman Gouvernman. Parey mon dir Mr Speaker sa Gouvernman ki la nou'n erit bokou sa bann fardo, sa bann problemm ki'n ganny kree par Gouvernman presedan. Akoz? Sistenm, lafason ki *maintenance* ti pe ganny fer i pa ti pe ganny fer dan en fason ki adekwat.

Mon ava donn legzanp Mr Speaker *water sport centre* Grand Anse Praslin. E lenfrastriktir NSC ki bokou pli vye ki mon en sou *maintenance* pa'n zanmen ganny fer lo sa lenfrastriktir, laplenn osi i ordeta!

Bokou *building* partou mon kapab donn lalis bann *building* ki *maintenance* pa'n ganny fer lo la, akoz se ta ki, NSC sak Departman, sak Minister responsab son prop

maintenance ki kree en problemm akoz zot ganny difikilte i ganny finansman ouswa kekfwa sipor ki zot bezwen.

Ouswa akoz parey mon'n dir in napa parey en kad parey en Lazans, en sinerzi kot tou dimoun i vin ansanm nou tou nou pe *focus* pou nou fer sa bann *maintenance* lo sa *building*. Responsab *maintenance as a whole* lo bann lenfrastriktir Gouvernman Sesel an antye, Praslin, La Digue.

Mr Speaker nou vwar bokou fwa mwan. Legzanp i bokou. Mon kapab nonm en kantite, e mon kapab nonm basen naze Grand Anse Praslin, pa tro bokou lannen in fer e deza basen naze Baie Sainte Anne, sa kantite *issue* ki annan, bann *grill* lo drenaz in fini ganny bage.

Ou konnen i annan sitan, sitan problemm avek bann batiman Gouvernman! Zisteman nou Komite MYCC nou fek fer plizer vizit ankor nou'n al La Digue. Nou annan en *Sport Complex* La Digue, ki si ou mont anler ou kapab sorti dan plafon bat anba, ou kapab sorti dan lo son *first floor* akoz son i annan en *issue* avek kot ou kapab pas an pasan fouy

trou desann anba ou pa kapab mont anler.

Nou vwar kort tenis fek - li osi pa bokou letan in ganny fer ou vwar li dan en leta deplorab. Ou pe get plafon anler i annan trou ladan. Konmsi sa bann *building* bokou bann batiman dan plizyer distrik, in ganny neglize. I pa'n ganny *Maintain* byen. E mon santi poudir i annan en nesesite pou nou reget en *maintenance plan*, pou tou bann proze gouvernmental dan plizyer bann distrik.

Mr Speaker, e *at the end of the day* bokou sa bann proze akoz *maintenance* pa ganny fer i *end-up* kout Gouvernman bokou pli ser apre pou refer *maintenance* lo sa bann facilite.

Zisteman Mr Speaker i annan en lot keksoz ankor ki mon'n realize, se ki a plizyer repriz Gouvernman i ganny bann finansman pou fer plizyer proze. Me selman mon pa konnen kot sa problem i vini, kot menm si nou ganny finansman avek bann Pei Zanmi, nou vwar poudir bann proze pa ganny enplimante.

Parey mon pe dir i mank sa sinerzi, kot zisteman en lot *issue* ankor se Stad Amitie - stad foutbol Amitie Grand Anse Praslin kot larzan ti la, sa Pei Zanmi ti pare pou donn nou larzan pou fer proze. Me

finalman akoz nou'n tarde *submit* nou plan nou proze, ki'n arive se ki zot in taye parey apre pou sey fer proze i mank pou annan tou bann facilite neseser, parey kart *on track* bann lenfrastruktir pou *track and field*. E lezot ankor.

E akoz sa bann retar nou bezwen taye pou fer bann proze. E later ki ti sipoze fer sa proze in ganny vann avek piti en *ex-Prezidan* ! E la piti sa *ex-Prezidan* i pran later i pe vann avek en gro lakonpannyen Mahe en gro biznesmenn, i pe al fer li en gro magazen lo la !

Konmsi ou'n vwar bokou bann defayans dan lepase, ki fer nou konmsi vreman dezapwente! En lot travay sa Lazans i fer se kot i konsern *survey*. *Survey* i vreman tarde Sesel. E mon mazinen ek sa sinerzi ki pou annan tou sa bann ler pou ammenn tou sa bann dimoun ansanm, tou sa bann profesyonnel ansanm, tou sa bann profesyonnel ansanm, nou ava kapab ganny plis resours pou kapab fer sa bann *survey* ki neseser kot i konsern Gouvernman Lokal.

Nou pe ganny plizyer retar dan lepase avek bann proze pou 2an, 3an in tarde, pou akoz *alignment* pa'n ganny fer, *survey* pou sa semen pa'n ganny fer. Proze miray in tarde,

proze drenaz e lezot proze, akoz sa bann retar. Plizyer lannen ou bezwen espere, espere i met retar ennler i rann dimoun fristre, dimoun i ankoler.

E sa i bann defayans parey mon dir ki'n arive dan lepase, ki nou bezwen rektifye. E mwan mon santi ki sa Lazans ki pe ganny kree la, sa Lazans pou anmenn tou resours imen ansanm, pou *synergise* zot travay. E fer li pli kordinen.

E Mr Speaker e pou fini Mr Speaker mon konnen napa bokou letan, se ki i enportan ki dan lefitir *going forward* nou tir politik dan travay Gouvernman. Kot okenn desizyon i ganny fer i ganny fer lo baz merit, i ganny fer dan en fason ki enparsyal.

Fodore pa ekout bann *leader*, bann parti politik ki pe dir fer politik dan landrwa travay. Akoz nou pa krwar dan sa bann keksoz. Fodore i annan enparsyalite dan lafason ki okenn zofisyen Gouvernman en travay, ki okenn *civil servant* i fer zot travay. Nou bezwen tir politik.

Nou pa kapab retourn 40an an aryer avek bann filozofi fer politik, met dezord, met retar dan travay Gouvernman la ki tou son sa bann parey mon dir sa *synergy* antre tou sa bann travayer, sa bann profesyonnel, nou pe espekte ki

zot pe *deliver* lo zot travay e pa ekout sa bann ki anvi anmenn divizyon, ki anvi met retar avek travay, ki Gouvernman i anvi fer.

Avek sa de mo, mon dir ou mersi Mr Speaker.

MR SPEAKER

Mersi. Onorab Sophola.

HON NOLINE SOPHOLA

Mersi Mr Speaker. Bonzour VP ek ou delegasyon, e tou dimoun ki a lekout.

Mr Speaker sa *Bill* i annan pou bi pou annan en lazans lenfrastruktir, pou bi donn servis teknik pou tou proze Gouvernman e antretenir tou bann propriyete. Sa pou ede annan plis armonizasyon dan bann lenfrastruktir, e osi pou asire ki travay i al pli vit e dapre Vis-Prezidan dan son prezantasyon pou annan plis kontrol lo Bidze.

Mr Speaker, mon sipoze krwar ki osi kalite pri materyo kalite materyo e pri i ava ganny pran an konsiderasyon.

Mr Speaker mon demande ki sa Lazans pa met restriksyon lo serten distrik, ki pou annan lenpak negatif, lo bann biznes ek popilasyon.

Mr Speaker, me mon annan en lenkyetid toudmenm ki tou kontra pa ganny donne

zis avek en group kontrakter. Fodre tenir kont ki annan diferan kategori grad kontrakter dan pei ki fer diferan kalite travay.

Malgre ki mon konnen *VP* pou dir mwan dan son respons ki tou kontra pou pas atraver *Procurement Unit*. Sa i lefe me larealite parfwa i diferan.

Mr Speaker anliny avek sa *Agency* mon vwar ki pou annan en *Inter-Ministerial Committee*, kot *Chairperson* pou Minis *Land Use*. An plis pou annan en lot zofisyen ki pou sorti dan menm Departman Later.

Mon pe demann en leklersisman lo la. Akoz ki Minis pou later ki bezwen *chair* sa Komite? Pou mwan Minis i en politisyen. Akoz ki *Chair* pa sorti lo *Board of Directors*?

E dezyenmman pou annan de reprezentasyon ki pou sorti kot *Land Use*. Vedir Minis li menm, e sa zofisyen responsab pou later.

Petet ekliersi mwan ankor akoz de reprezentan dan menm Minister? Ki pou zot rol?

Mr Speaker mon pou refer mon pwen anliny avek *Physical Planning Bill*, ki ti passe semenn pase. Onorab Gill ti demann en reprezentasyon pou Praslin La Digue lo Komite.

Me sa ti ganny rezete, lo baz ki i annan deza en

reprezentasyon. Vedir pa kapab annan de reprezentan.

Me la dan sa *Bill* i annan de reprezentan dan Minister Later. Minis li menm ek sa lot zofisyen.

Mr Speaker eski *VP* pa krwar ki menm prensip i bezwen ganny aplike? Mon ti ava apresye si *VP* i ekliersi nou akoz i annan sa diferans dan sa de Komite. E pou terminen Mr Speaker, mon ti ava osi kontan konnen si bann batiman ki'n ganny konsidere konman Batiman Leritaz pou ganny konsidere anba sa Lazans osi? Mersi Mr Speaker.

MR SPEAKER

Mersi Onorab. Onorab Samynadin.

HON KELLY SAMYNADIN

Mersi Mr Speaker. Bonzour *VP* avek ou delegasyon, tou mon bann koleg Onorab. E zabitan Au Cap.

Mr Speaker sa *Bill* ki devan nou pe fer provizyon pou etablir en Lazans ki pou donn servis pou konstriksyon bann proze Gouvernman e osi pou mentenir sa bann tel facilite sirtou ki konstriksyon i konplete.

Mon santi ki inisyasyon en tel Lazans i enn ki pou benefis

pou pei. An vi ki bann facilite ki pe ganny ofer tel ki *structures surveys*, evalyasyon bann proze, konsep planifikasyon, evalyasyon *tender* eksetera, pou bann ki spesifik dan domenn konstriksyon osi byen ki dan zeson bann lenfrastruktir Gouvernman.

Me parkont Mr Speaker, mon pe swete ki sa Lazans - sa novo Lazans i ava kapab ede pou rezourd bann konsern ki nou bann MNAs ansanm avek Administrater Distrik nou pe fer fas avek, an sa ki konsern bann striktir dan nou distrik.

En legzanp tipik Mr Speaker se sa premye faz blok flat semen dan mon distrik Au Cap, ki alokasyon ti ganny fer le 13 Desanm 2019. Pa ni menm 2an apre ki in ganny konstri sa 3 blok flat 24 *units* pe rankontre serten konsern ase enkyetan.

Premyerman i annan en delo desarz ki konstaman pe mont lo sifras beton drwat dan milye sa *estate* kot bann zabitan i sirkile e tanzantan mon ganny *calls* avek bann lokater fristre, ki sa desarz pe annwiy zot akoz sa loder enpitwayab ki monte.

Mon'n ale mwan menm pou vwar konsekans reel sa sityasyon e mon'n menm an konversasyon avek PS Choppy,

a plizyer repriz pou fer rapor lo sa size.

Dezyenmman i annan en miray ki'n ganny konstri zis *half way* otour sa *estate*. E sa Mr Speaker i kree semen passe pou bann delenkan ek droger, ki frekant en *cartel* zis par deryer. Ki souvan poz nwizans pou bann zabitan souvan atraver vandalizm.

Nou osi annan bann *housing estates* ki napa ditou *fencing*, tel ki *ex-SADECO Pointe Au Sel, Teachers Flat* dan *Au Cap central* e byensir i annan ka kot bann malfeter in reisi antre, e koz dimal ase serye lo bann rezidan, ki nou'n temwannyen tou resaman lo televizyon.

Nou osi annan en laplenn foutbol standar ki fasilit en lalimyer ganny vandalize a plizyer repriz akoz lokasyon kot kab i ete. E ozordi nou tim foutbol Au Cap i vwar zot pe *train* souvandfwa dan fernwanr akoz se *PUC* ki bezwen vin met on e *PUC* ki bezwen vin tennyen.

Nouvo Lazans pou lenfrastruktir i devret kapab travay an partenarya avek Lotorite Distrik, Lapolis, *PMC*, *NSC* li menm ensidswit, pou ede ki zot manda pou asire ki zeson propriete Gouvernman i enn ki vin pli alaoter ki avan, e ki asir sekirite tou bann

stakeholders dan sa demars e pou ki tou dimoun i ava satisfe a lafen.

Mr Speaker, mon osi swete ki bann solisyon e Polisi pli realis, konkret e stratezik pou sa bann problemm ki mon'n mansyonnen, i ava kapab ganny trouve.

E byensir mon pe osi swete ki plis konsiltasyon ava ganny fer avek Lotorite Distrik, pou ki nou osi nou ava kapab anmenn nou kontribisyon devan, akoz se nou ki an komunikasyon avek nou dimoun dan distrik e zot osi zot konsern lopinyon i konte.

Avek sa Mr Speaker mon pe konfirm mon sipor total an ver sa *Bill*. Mersi.

MR SPEAKER

Mersi Onorab. Onorab Gill.

HON CHURCHILL GILL

Mersi Mr Speaker. Bonzour VP ou delegasyon. Bonzour tou Manm e tou dimoun a lekout.

Mr Speaker sa *Bill* pou sa nouveau Lazans, nou bezwen admet poudir sa Lazans pou annan en kantite travay pou li fer, akoz i tre sarze, akoz zot pou *deal* ek bann proze depi konsepsyon ziska ler ki proze i

ganny *handover* avek bann dimoun konsernen.

E sa i *warrant* en kantite travay ki devret ganny fer. Alors ti annan detrwa klarifikasyon ki ler *VP* i donn son larepons, petet i ti ava ekliersi pou nou.

Nou konnen ki sa Lazans pou pran bann desizyon lo en baz priyorer. Mon premye kestyon se lo ki baz ki sa bann priyorte pou ganny deside?

Eski Lotorite Distrik pou ganny konsilte lo bann priyorte proze zot bann distrik respektif?

Mon'n osi note ki annan en Bidze R480milyon ki pou ganny mete a laporte sa Lazans. Mon'n fer en kalkil ase vit lo la. Nou'n ganny konpran ki pou annan apepre 150 staff.

E si nou pran en saler *average* R10mil i tonm R18milyon. E sa i fer ki i reste environ R17milyon par distrik.

Mon premye kestyon se eski bann proze ki pe ganny fer sa lannen, ki pa konplete si zot bann valer ekivalan larzan ki bezwen kontinyen mete pou konplet sa bann proze, zot osi zot form par dan sa R480 milyon?

Akoz se sa i leka, i pou annan en pe defayans lo bann nouveau proze, ki pou ganny fer akoz lakantite larzan ki pou

available i ava depandan lo bann proze ki pa ankor konplete, ki pou bouz an 2022, i posib nou annan en defayans la.

Apre i enportan pou konnen kote sa Lazans pou baze? Akoz nou konnen poudir bann teknisyen i eparpiye en pe partou diferan Minister e si nou kapab ganny lesplikasyon kot zot pou baze.

Epi dan tranzisyon ziske ler sa Lazans i vin an fors, eski i annan en *roadmap* kler lo kote bann *asset*? EsKi i annan en ludit ki pou ganny fer, kot i ava annan en *proper handover* pou asire ki tou bann keksoz i annord e ki i kler.

Sa Lazans parey nou konnen i en nouveau Lazans. EsKi bann teknisyen ki pou ganny transfer, pou al anba sa nouveau Lazans preznan, zot pou ganny konsidere konman *continuous service*? Oubyen vi ki sa i en nouveau Lazans zot pou ganny peye apre zot pou konmans *fresh*?

Mon'n osi konstate ki en gro Bidze sa, ki pou laporte sa Lazans, e i pou annan en bon pe tranzaksyon an term *tender* e kontrakter ki pou bezwen partisipe, pou realizm bann plan e bann proze ki sa nouveau Lazans pou fer.

E si nou kapab ganny en leksplikasyon ant *Procurement Tender Board*, ki relasyon pou annan avek sa Lazans vi ki sa lazans osi pou *involve* dan bann *tender process*?

E an menm tan osi mon'n note ki nou'n ganny dir ki sa Komite i en *Ministerial Committee*.

Me selman si nou pran li konman sa kalite komite, *then* i ferm laport pou lezot kapab antre lo sa komite si pa dan Minister.

So ler in kouver li anba Minister i fer li difisil pou dimoun prive kapab antre. Petet sa osi nou ti ava kapab ganny en leksplikasyon lo la. Mersi Mr Speaker.

MR SPEAKER

Mersi Onorab. Onorab Labonte.

HON ANDY LABONTE

Mersi Mr Speaker. Bonzour Minis avek ou *panel*. Bonzour tou dimoun ki a lekout. Mr Speaker, pou mon sa Prozedlwa ki'n vin devan nou, mon vwar li konman en Prozedlwa ki vreman enportan. E parfwa petet ler mon'n tann Onorab Vidot koze, mon zis demande si petet i pa ti merit vin en pe bokou pli lontan akoz

ou vwar pirman poudir ti annan en bon pe dezord.

E *right now* nou Gouvernman depi ler ki in pran pouvwar i pe sey met en pe lord e an menm tan i pe fer sir ki keksoz i ganny striktire ki nou napa divizyon antre nou, e plizoumwen armoniz tou sa bann Departman neseser ki enportan, pou kapab fer sir ki ou Gouvernman i bouz an avan dan lentere lepep si oule.

Mr Speaker rezon ki mon pou dir sa, se ki akoz pirman ankor enn fwa petet i annan en *leader* parti ki ti vin dir kwa ki nou pe fer. E la i konfirmen par en Onorab lo lot kote, ler mon'n tann Onorab Vidot koze atraver ou Mr Speaker, in fer kler poudir vreman *LDS* pe travay akoz nou la pou nou sey koriz sa bann lerer.

So ler mon get sa Prozedlwa li menm li, i an 6 parti parey *VP* in dir 24 seksyon. E sa ki enteres mwan lo la s son *part* nimo 2.

Part limero 2 i koz lo sa *Agency* li menm li. E seksyon 3 (2) i fer nou konpran, ki sa *Agency* i pou en *body corporate*. Seksyon 4 i koz lo lobzektif sa Lazans ki pou donn sipor servis teknik pou *civil engineering, construction project*, pou tou bann Minister Departman e Lazans Gouvernman enkli

maintenance, pou bann propriete Gouvernman.

Mr Speaker, sa seksyon ki la i vreman enteres mwan e mon krwar i enteres popilasyon an antye. Akoz i dir tou ladan. I dir tou, ki vreman sa Lazans pou pe fer. E rezon ki mon pou dir sa Mr Speaker, permet mwan zis pou pran enn de bann legzanp lo nivo distrik, kot si sa Lalwa petet i ti'n vin oparavan i ti pou'n permet i ti pou'n anpes bokou sa bann dezord ki'n arive.

En legzanp tipik, se nou *Health Centre English River*. Ler ou get *Health Centre English River* li menm li, i en zoli *building* an deor, me menm depi son konsepsyon ler ou pe gete bann travayer ki pe travay ladan enkli dokter ek ners, zot santi zot poudir i pa'n pran kont zot demann.

Tipikman ou pe get en legzanp se kot seksyon *Public Health* sanniter anndan, zot napa ni menm en fasilité kot zot kapab ganny en lavabo pou zot kapab lav zot lanmen. Me solman zot ki pe ki sipoze pe *Maintain* nivo lizyenn dan kominate.

E ler ou pe get dokter li menm li, ler ou koz ek bann dokter zot dir ou ek ou poudir kantite dimoun k i zot vwar i pa vreman adekwat. Ki montre ou

poudir pa'n ganny pran kont plizer laspe. E byensir lo kote *maintenance* si nou pe koz lo *maintenance* i pou al an deor kontrol.

E en lot keksoz ankor, en lot batiman si oule Mr Speaker - ki mon pa pou kapab koz lo la - ki pli boner Onorab Woodcock in tous a la lezer, se sa fame Stad Lanmizik.

Premyerman mon zis demande si petet sa Lazans ti'n deza formen, i ti ava'n vwar poudir son landrwa kot i pe ganny inisyé pou *build* i pa apropriye premyerman, akoz i zis en dezord total. Tapaz ki pe *disturb* kominote.

Dezyenmman, se ki son pri ti ganny inisyé pou 6.5 milyon. E apre nou'n tann dir poudir i pou ariv aepre 14 milyon.

So i montre ou ankor dan planifikasyon in annan en gro defayans, ki mwan dapre mon konprenezon se ki sa Lazans i pou ede adres sa bann sityasyon parey pou anpese ki i arrive dan lefitir.

E en lot landrwa ki mon pou oblize koz ankor lo la, se *condominium*. *Condominium* tou dimoun i koz *Condominium Chateau Vallon*. Me annou zis demann sa bann zabitan ki pe reste laba - PS Choppy i konn tre byen lo la - (Annefe nou

sipoze pou rezwenn dan en *meeting* pou nou rediskit ankor lo la) se ki preski tou mon bann zabitan laba dan *Condominium* zot fristre.

Zot fristre akoz senpleman zot in aste zot en kabri dan sak. E ki problemm zanmen i ganny rezourd. E mon ti ava swete osi ki atraver sa lazans la petet nou ava kapab re adres sa bann *issue*. Malgre ki sa bann zabitan in fini pey *Condominium*, me solman zot ava ganny *at least* ranbours serten keksoz oubyen amelyor sa *building* pou zot.

Mr Speaker, petet Minis osi dan son *summing-up* petet ti kapab donn nou en pe leksplikasyon. Onorab Woodcock in koz lo bann donasyon ki nou gannyen ki pa ganny servi.

Be mwan mon pou koz lo bann ki nou gannyen, me selman ki nou servi. Petet ler pe ganny konstri, eski sa Lazans i pou annan Lotorite pou li kapab *supervise* petet en pe sa konstriksyon, pou gete si vreman i alaoter si bann materyo ki pe ganny servi, apropriye? Si son model ki pe servi dan Sesel i dapre nou *requirement* ki pa pou don nou en problemm dan lefitir?

Akoz mon pe koz sa? Akoz la i annan en gro batiman SBC

House ki pe ganny fer kot nou. Vre i en donasyon. E petet i ti ava enportan ki nou swiv sa konstriksyon, pou nou fer sir ki demen ler nou'n reganny sa dan nou lanmen in retourn kot Gouvernman ki Gouvernman pa pou vwar li pe depans bokou plis ankor lo en tel batiman.

Mr Speaker, mon pou bouz lo en lot legzanp ki petet zot pa pou tro, tro kontan. Ler nou pe koz *Maison Du Peuple*. *Maison Du Peuple* li menm li dapre mon resers ki mwan mon'n fer e mon konprenezon, se ki i ti en batiman ki ti ganny donnen par Gouvernman *Algérie* - mazorite kontribisyon, me selman byensir Seselwa in kontribye en bon pe osi par mendev fizik travayer e ede pou *build* sa batiman.

Ki ti en batiman ki ti kout nou aepre 10milyon. Apre nou'n vwar poudir Parti *SPPF/SPUP* in aste sa selman pou nou R9milyon. So petet sa Lazans osi i ava kapab gete dan lefitir, pou fer sir ki ler nou'n ganny en donasyon, oubyen propriete Leta, i pa zis ganny transfer *at* en *third party*, lo en baz kot ou kapab dir swa i ganny donnen kado, oubyen swa i en vol. Me petet sa larzan ti kapab get i ava get osi dan bann tel sityasyon parey.

Mr Speaker pou mwan ler mon get sa Prozedlwa, mon vwar son vreman gran lenportans akoz seksyon 5 li i koz lo fonksyon sa Lazans. E ler ou pe get son fonksyon li menm li, i kouver tou keksoz *from planifikasyon*, depi ler i pe ganny planifye.

Ler sa batiman ou sa lenfrastriktir pe ganny konstri, enkli son *maintenance*. Alor i montre ou poudir sa Prozedlwa in tous tou lesansyel. Tous lesansyel dan lesans ki pou ede fer ki dan lefitir tou planifikasyon ki Gouvernman pe mazin pou fer dan term lenfrastriktir, i ava fer en fason byen organize e ki pou anpes nou pli tar vwar nou pe depans plis ki sa.

Mr Speaker, avek sa de mo mon pou dir mon pou siport sa Prozedlwa e mon pou re konfirmen poudir i montre ou kler poudir *LDS* pe travay.

Petet la ki en Onorab lo lot kote in konfirmen poudir wi i apresye sa ki nou pe fer. I kapab petet koz avek son *Leader*, fer li konpran poudir be la, la enn de keksoz ki ladministrasyon *LDS* pe fer pou byennet Sesel. E avek sa de mo mon ava dir ou mersi Mr Speaker.

MR SPEAKER

Mersi Onorab. Onorab Aglae.

HON EGBERT AGLAE

Mersi Mr Speaker. Bonn apre midi VP, PS Choppy, Mr Jitesh, avek mon krwar *legal* laba.

Mr Speaker sa *Bill* ki devan nou, mon pe sey konpran direksyon ki en pe ki Gouvernman i anvi ale fas a lenfrastruktir dan pei.

Mr Speaker, mon krwar enn bann eleman enportan dan lepase, se ki sirtou pandan sa dernyen 15an, kot in annan en volim konstriksyon fas a demann pou nou devlope. Anmezir devlope pou ganny sa lespas pou kree bann lofis pou anmenn bann lezot lenfrastruktir atase, pou kapab pei kapab li menm li progrese e mon dir devlope.

E sa in ede kree plis biznes e pis larises dan li menm, e anmenn serten servis pli pre avek lepep li menm.

Me Mr Speaker sa lazans ki pou ganny kree, mon santi i pou bezwen annan li en lizye lo lepase e en lizye lo lavenir. Pou li kapab vvar ki mannyer i pou fer fas ek serten defi lepase e anmenn li dan larealite ozordi.

E pou konsevwar proze Mr Speaker, mon krwar i enportan ki i annan bann prensip ki atase avek lenplimantasyon

proze e bann teknisyen, bann eksper i sezi sa byen.

Premyerman eleman enportan ki touzour nou bezwen konstate se kou *costing*. E nou tou nou konnen poudir kou konstriksyon i deplizanpli kontinyen ogmante e i pa desann. Ki vedir lanvlop ki ou bezwen pou fer bann proze lenfrastruktir, i pou touzour pe ogmante.

Lot eleman, se valer atase avek letan. Akoz zot ki bezwen pre zir ki *timeframe* pou fer bann lenplimantasyon. E pli ou tarde pli i kout ou. E nou'n vvar sa dan bann diferan proze ki Gouvernman i antreprann li menm ki apre ou vvar Bidze inisyal ki ti'n ganny prozekte i ganny gonfle, i ganny ogmante akoz in annan letan ki'n sote ouswa letan ki'n bezwen ganny azoute.

Lot eleman Mr Speaker, se lafason ki sa bann konstriksyon i ganny *design* e nou en laspe kreolite osi nou bezwen pran kont bann diferan fakter dan sa laliny, pou kapab anmenn bann konstriksyon ki armonize avek sa Leta Zil ki nou viv lo la.

E souvandfwa in arive tou, kot nou'n vvar serten batiman ki pe ganny monte, ki apre bezwen al fer bann aliterasyon avek akoz *design* pa pe *suit* sirtou. Nou annan eleman

klima. E eleman sa lanvironnman ki pe ganny konstri ladan.

Lot pwen ki mon krwar i enportan se, apre ki ou'n fer konstriksyon se *ownership*. E se sa kot sa bann laspe *maintenance* i antre ladan.

Wi ou'n kree en zoli batiman. Me si i pa pe ganny okipe, i pa pe ganny *Maintain*, degradasyon valer sa batiman e *loss* i vin sitan vitman ki ou ti'n predir.

So Mr Speaker, mon krwar sa Lazans i bezwen mazin tousala dan sa gro *task* ki i pou annan devan li.

Lot pwen ki mon ti ava kontan demande Mr Speaker se, ki zistans ki sa Lazans pou ale kot i konsern proze lenfra striktir? Nou pa pe koz zis batiman la nou, nou pe koz semen, nou pe koz Por, nou pe koz bann drenaz, bann lenfra striktir ek sportif, lenfra striktir kiltirel. Eski zot pe al sa zistans?

Ki fer mwan mazinen poudir parey nou koz lo gouvernans lokal, ki i annan son bann pti proze, eski zot pou annan en lanmen lo sa? Ouswa eski zot pou konsantre zis lo proze ki nou apel Proze Kapital ki Gouvernman i annan, atraver bann lezot *entities*,

bann Minister e anmenn sa lo zot?

En lot lesplikasyon petet ki mon pou demande se, ki mannyer zot pou travay vi ki la zot pou annan tou sa bann *expert*, sa bann zofisyen teknisyen ki pou ganny mete ansanm, swadizan ki pou vin anba menm *roof* a lavenir, akoz mon ti tann dir dan en *interview* vi ki zot pe parpiye.

Nou annan bann lezot proze osi ki Gouvernman i antreprann ladan parey bann *public private partnership*.

Mon krwar i enportan ki zistans e ki zot pou ale ladan an vi ki parfwa s bann *private* ki pe *partner* Gouvernman, zot deza annan zot bann lezot enzenyer, zot annan zot arsitek, zot annan zot *QS*.

Ki mannyer zot pou antreprann ser ten travay avek sa avek zot? E osi egalman nou annan bann *Grants*, ki nou gannyen avek parey *La Chine* ki'n ed nou dan en Lasanble Nasyonal la, i annan Zidisyer lot kote. Nou annan *L'Inde* osi ki ed nou ek bann diferan proze lenfra striktir li menm li.

Eski zot pou pe vwar zot pe travay etrwatman? Zot pou annan bann lenfliyans dan bann desizyon lo la? Menm si proze apre i pa ganny neseserman ganny aksepte

lokalman, akoz zot annan bann prosedir ki zot bezwen fer dan zot pei laba, sirtou sa bann ki pe donn sa bann *Grant*.

So tousala i bann eleman mon krwar ki enportan pou nou kapab diskite, met devan, eklersi en pe.

Lo kote Bidze li menm li, vi ki orizinalman mannyer keksoz i ganny fonksyonnen. Sa bann Minister sa bann lenstiti ki annan zot proze zot, proze i ganny kapte dan zot *CAPEX* anba zot Minister.

Eski la ou pe dir nou petet eski pou annan sa remaniman sa Bidze dan son totalite? Parey i annan serten pei ki annan li en *Infrastructure Bill*, *L'Amerique* i annan enn ki deza lo la, akoz zot met en gro sonm larzan, e la i ava ganny desinen atraver sa bann proze.

Eski li i pou dan sa lokazyon ouswa keksoz pou reste byen parey i ete? Me zis ki ler peyman i ganny fer sa *responsible parent Ministry* li ki pou responsab pou fer bann peyman. Mon sa ti ava kontan en leklersisman lo sa.

Mon pe vwar poudir lo sa Komite li menm li, nou napa en reprezantan prive. Me en eleman sirtou mon krwar zot devret pe mazin sa a lavenir bokou bann lenfrastruktir, menm si zot pa pou al dan

prive, sirtou dan domenn touristik mon pe koze la en?

Nou pou annan nou ankor annan bann proze lotel ki an mars. I annan ki pou vini lefitir. Par egzanp Minister ki responsab *Tourism* li menm li. Fas a fas bann devlopman ki annan lenpak direk akoz nou koz lo sanzman klima la, i afekte kominote osi, nou bezwen fer bann *EIA*.

So eski pou annan en konzwen, sirtou avek sa Minister li menm li, pou zot kapab petet *advice*? Menm si *Planning* pou annan son bout rol pou li zwe.

Me mon santi poudir bann *expert* ki dan sa Lazans osi i bezwen kapab en pwen, donn serten kontribisyon kot i konsern bann devlopman ki arive dan prive parey mon'n dir - sekter touristik li ki annan bann gro lenfrastruktir ki antreprann detanzantan.

E pou terminen Mr Speaker mon swete ki sa eleman sipervizyon, sa eleman *maintenance* i vin enn zot bann *core area* ki zot *focus* lo la letan ki lenfrastruktir in fini i pe ganny konstri, in fini ganny konstri li menm.

Akoz nou pe vwar parfwa neglizans ki fer ki apre nou vwar bokou larzan pe ganny depanse e osi en bon

lenfra striktir i egal en bon lanvironnman ki tir presyon lo lanvironnman li menm li, ki anpe se ki annan bann lannwi ou kapab dir. I ogmant kalite servis osi e osi *provide* lanplwa pou nou bann dimoun.

So Mr Speaker mon ava esper VP dan son larepons, ekliersi mwan en pe lo sa bann size ki mon'n met devan. Mersi.

MR SPEAKER

Mersi Onorab. Onorab Letourdie.

HON JANY LETOURDIE

Mersi Mr Speaker. Bonzour tou dimoun. Mr Speaker mon osi mon ti ava kontan anmenn mon sipor pou sa *Bill*, ki pe rod anmenn en nouvo Lazans pou lenfra striktir.

Akoz mon vwar i annan bokou bann lobzektif ki vreman enportan, ki de tout fason ti devret la ki ti devret pe ganny konsidere letan i annan bann konstriksyon parmi, i pe dir i annan pli bon zesyon e planifikasyon bann proze Gouvernman, pou donn servis teknik.

Apre osi pou ankadre en pe bann kontrakter e pou fer sir nou ganny valer pou nou larzan atraver en bon travay ki zot donne.

Mr Speaker mon pou kontiny lo konversasyon diskisyon ki Onorab pou Roche Caiman ti pe fer dan son liberasyon, akoz mwan konman en dimoun ki reste dan enn sa bann lakaz, mon pa pou rat sa sans.

Avan ler nou ti annan nou lakaz, nou ti aste i ti pou Gouvernman apre nou ti aste byensir avek Gouvernman. Alors eski petet VP ti ava kapab adres nou, petet si nou osi nou ava kapab benefisye malgre ki nou'n aste, akoz pou bann defayans la deswit ki vin dan mon lespri bann tenk delo ki dan plafon, bann tiyo delo ki pas dan miray ki nou pa tro konnen ki bor i ete. E nou napa plan - ou konnen kommela fodre ou annan de plan ou annan plan feray avek lot plan, ankor tou sa bann keksoz nou napa.

So si nou, nou pou bezwen al fer nou renovasyon Mr Speaker i depas R100mil. Alors mon pe regarde si Lazans i pou osi kondire petet pou ranforsi bann *Schemes* ki pou asiste bann nou ki vreman i annan en kantite domaz ki pe ganny fer avek nou bann lakaz ki nou'n aste.

E vwala Mr Speaker, sa i mon kontribisyon e mon ava atann ki direksyon ki VP i ava donne. Mersi Mr Speaker.

MR SPEAKER

Mersi Onorab. Onorab Romain.

HON GEORGE ROMAIN

Mersi Mr Speaker. Bonzour VP avek ou delegasyon. Bonzour tou Manm koleg Onorab.

Mr Speaker mon osi mon pou donn mon sipor pou sa *Bill*. Akoz dan bokou lenstans Mr Speaker nou'n vwar ki bokou lenfrastruktir dan nou pei ki pa lo standar, e kot apre nou vwar ki sa menm Gouvernman i pou bezwen depans ankor plis larzan pou kapab readres sa problem.

Mr Speaker sa larzan ti ava kapab pou fer plis devlopman dan nou pei.

Mr Speaker dan mon distrik Anse Etoile prensipalman dan La Gogue, kot i annan en *sewage treatment plan* kot i pe *overflow* akoz move planifikasyon. Zot in *exceed* son kapasite ki kapab trete, la i pe afekte zabitant.

Alors ek en tel Lazans nou ava espere ki sa pa ariv ankor, an vi ki sa ti ganny konstri pou deservi bann blok flat.

Mr Speaker la mon osi kontan tande ki Minister Ledikasyon son bann proze pou ganny siperviz par sa Lazans.

Nou konnen ki bokou konstriksyon i ganny fer dan sa Minister.

E alors nou espere nou ava vwar plis zoli lekol e en pri pli affordab. E mon espere nou pa ava ganny ankor sityasyon kot plan konstriksyon i pli gran ki sa teren kot sa lekol ti pe al ganny konstri.

Alors ek en tel Lazans, i pou kapab siperviz travay konstriksyon ki Gouvernman pe antreprann, pou fer sir ki nou ganny en bon prodwir e osi i ava ede pou koup koripsyon dan nou pei.

Fodore ki nou pa oubliye Mr Speaker, ki sa larzan i *tax payers money*.

Mr Speaker mon vwar ki nou Gouvernman i serye dan donn pli bon lenfrastruktir dan nou pei, e pou sa mon pou donn mon *full* sipor pou sa *Bill* Nr Speaker. Mersi Mr Speaker.

MR SPEAKER

Mersi Onorab. Onorab Lemiel.

HON SYLVANNE LEMIEL

Mersi Mr Speaker. Bonn apre midi VP avek ou delegasyon e tou mon bann koleg Manm Onorab.

Ozordi Mr Speaker VP i devan nou in vin devan nou Lasanble avek en nouveau *Bill*, e

sa i en *Bill* lenfrastriktir kot i pe rod laprouvasyon Lasanble, pou met an plas Lazans lenfrastriktir ki pou *deal* avek bann zafer lenfrastriktir dan Sesel.

Sa nou pe koz lenfrastriktir tel ki lakaz, lekol, mon pe mazinen osi petet i bann pti proze distrik ki Departman Devlopman Kominoter ti fer e lezot ankor.

Sa Lazans li menm i parey tou mon bann lezot koleg in dir, i pou donn bann servis teknik bann Departman, bann Lazans ek bann Minister.

Kot i konsern mon lantervansyon Mr Speaker, mon pe vwar ki petet nou annan sa *Bill* i pe ekskli 6 byen sa ki'n nonmen dan sa *Bill*, i 5 Departman ki'n ganny ekskli, ki pou form parti sa Lalwa;- sa i Departman Transpor SLTA. *PMC* mon pe mazinen, *PUC* e lezot Departman ki'n ganny dir, ki petet Prezidan li menm i ava kapab determinen.

Petet mon pe mazinen ti ava bon ennler ou ganny en nide lekel sa bann lezot Departman kekfwa ki kapab ganny *exempt* zot osi from sa Lazans ki pa pou tom anba sa Lazans.

Mr Speaker ler mon pe get enn lobzektif avek rezondet kreasyon sa Lazans, i dir ou ki

sa Lazans pou donn bann servis adisyonnelle *property management and maintenance services* sa bann Minister.

Mwan mon annan en pti klarifikasyon ki petet mon ti ava kontan VP i fer avek nou. Mon krwar in sorti par serten Manm lo kote *PMC*.

Konmsi ki pou son rol an ver konmsi ant Lazans e *PMC* ki mannyer zot travay ansanm, eski *PMC* osi i form parti preznan sa lazans lenfrastriktir, ki i pou son - Akoz ler ou gete lenfrastriktir li menm i pli zou mwen en Departman teknik li, i en departman teknik avek bann teknisyen.

Par egzanp ladan pou annan *QS*, pou annan *architect*, bann *project managers*.

So e zot pa *manage property* zot sa bann dimoun. So petet nou kapab demande sa rol li menm e fonksyonman sa lazans anver par egzanp ki mon'n donnen *PMC*. Sa Lalwa osi i koz osi lo en komite. En komite li ler ou get li, i pa parey en *Board of Directors* li. I pa ranplas en *Board of Directors*.

Board of Directors par egzanp letan nou pou al dan *PMC framework*, nou pou vwar en pti pe ki dir ou li i annan sa kote lo kote bonn gouvernans, latransparans e *accountability* bann Lazans ki i pe get ladan.

Me ler nou pe vvar ki i pe dir ki sa *Board* sa komite li menm, i pou parey en *sort of* en *Board of Directors* sa Lazans e i pou ganny *chair* par Minis.

So mon ti pou kontan konnen egzakteman petet ki pouvwar apard sa bann fonksyon, akoz ler ou get pouvwar *Board of Directors* e pouvwar Komite li menm, i pa parey.

So petet ti ava bon nou ganny en pe lesplikasyon avek VP li menm, letan i pe rann nou larepons dan son *Right of Reply I mean.*

Mon osi annan en klarifikasiyon mon oule fer lo kote sa *Inter-Ministerial Committee*. Nou vvar lo sa *Inter Ministerial Committee* son *Chair* li menm i Minis, son *Vice-Chair* li menm in dir nou i Minis responsab pour Lanvironnman ek Sanzman Klima. Apre i pou annan bann reprezantan Departman Later. E ler ou gete tou sa bann reprezantan lo sa komite la zot deza dan lanplwa.

E nou pe ganny dir lo limero 3 anba sa seksyon ki tou sa bann manm sa bann Komite pou ganny peye en reminerasyon e *allowance*.

Ler ou gete sa bann dimoun i deza dan lanplwa. Ti a bon nou ganny en leksplikasyon lo kote ki sa

reminerasyon e ki sa *allowance* ki pou ganny determinen par Prezidan, anliny avek ki parey in ganny dir Polisi Gouvernman ki sa bann dimoun pou gannyen.

Akoz mon rapel dan sisyenm Lasanble ti ganny dir nou poudir si ou en travayer Gouvernman i lo en *Board* oubyen ou lo okenn komite en Minister, ou travay pe ganny fer dan letan Minister, ou pa sipoze pe ganny okenn *allowance or* okenn larzan an plis, apard ki sa travay ki ou pe fer, akoz i sipoze tonm dan ou travay.

So petet la nou ti ava kontan ganny en pti leklersisman osi dan sa laliny. Mon pou siport sa nide kot i konsern ler ou get seksyon 20 ‘transfer of staff and employees.’ Ler ou pe regarde ozordi nou pou vvar petet staff Minister Lasante, Minister Ledikasyon, mon pe prezimen Minister Gouvernman Lokal osi ki annan en seksyon proze.

E lezot Minister osi ki parey pe ganny dir pou ganny nominen or determinen par Prezidan, zot pou vin anba sa zot pou vin anba sa Lazans. E ler nou pe regarde lo kote lenfrazrikir li menm lo kote biro, plas pou kapab *house* tou sa bann *staff*.

Akoz nou tou nou konnen poudir lanvironnman travay i vreman enportan si nou oule ki travayer i delivre. Sa i en konsern pou mwan. E zis pa anba li letan nou pe koz lo konsern transfer staff, dan en lokasyon apropriye, mon pe vwar ki i annan sa seksyon 21 kot *acquisition and disposal of land*.

Petet lo sa kote i pe dir ou ki kot ki i annan en later ki sa lazans li menm i vwar ki i kapab ganny servi, sa later i kapab ganny servi pou li *perform* son bann diferan fonksyon, komite li menm i kapab demann Minis ki responsab pour Later pou li *acquire* sa later?

Eski la VP atraver ou Mr Speaker, eski Minis li menm li i *Chair* of sa Lazans li, eski mon pe mazinen i normal konmsi li menm li pou li komite li menm i *Chair* sa komite, komite pe demann li pou li pran sa later li menm li ki Minis Later? En pti pe leksplikasyon ladan.

E later li menm letan nou pe koze eski later, akizisyon later pou sa Departman or pou sa Lazans fer son travay, si i vwar en later prive ki apropriye?

Eski la nou pe koz later prive osi i enkli ladan, kot i kapab *acquire* pou li kapab ganny sa later, pou li kapab fer son travay oubyen pou li kapab

met son bann lenfrastriktir lo la?

Mr Speaker an zeneral letan nou regarde, sa *Bill* li menm mon pe panse Gouvernman in vin avek, akoz in vwar petet dan lepase nou pa kapab dir non i napa. Me petet nou'n vwar dan lepase petet sak Minister an fezan son bann proze dan son landrwa sakenn dan so *unit*, nou'n vwar serten linefikasite ki'n annan *ok*?

Nou bezwen avoue poudir wi, in annan serten problem. E par egzanp ler ou get an 2019, pran Minister Ledikasyon ek Minister Lasante, ou pou vwar ki bann proze ki zot ti'n aprouve, ti kapab ganny fer zis 30poursan sa bann proze ti kapab ganny fer.

E ler ou gete sa i met en kantite retar an term proze li menm. E an term linefikasite sa bann Departman, sa Minister li menm, an se ki konsern delivre.

Delivre an term sa bann lenfrastriktir ki ti vreman bezwen. I annan proze ki ou kapab dir ki depi 2019 menm kekfwa i lo latab, ki ziska ozordi pa pe kapab materyalize.

So mon panse ki avek en tel kreasyon Departman or Lazans Lenfrastriktir, Gouvernman pe mazinen petet pou li anmenn tou bann

resours ansanm. Sa i konpri larzan, i konpri resours imen, kot i pe mazinen anmenn ansanm e pou kapab annan plis sa sinerzi, e ki petet pe mazinen ki zot ava kapab delivre en pti pe pli byen. Me mwan mon konsern la ...

MR SPEAKER

... ou'n ariv 10 minit Onorab.

HON SYLVANNE LEMIEL

Pre pou mwan fini Mr Speaker.

MR SPEAKER

Mersi.

HON SYLVANNE LEMIEL

Mon konsern mon I lo kote bann *challenge* parfwa ki ou konnen in fer resorti, in ganny fer resorti par mon bann koleg letan parfwa nou annan bann group dimoun ek diferan lekspertiz;- enn petet sa *CEO*, ki petet i sipoze li *apply* pou li ganny sa louvraz, mon panse i pou bezwen *CEO* ki tre for e ki pou kapab annan bann bon supervizyon lo kote kot i konsern son bann diferan *staff*.

Akoz Mr Speaker ler ou pe koz lo *monitoring of proze*, e evalyasyon bann proze, ou bezwen annan bann dimoun ki kalib, dimoun ki kapab, e nou bezwen fer sir ki dimoun i ale lo teren, pou al gete sa bann

keksoz akoz petet souvandfwa dan lepasse in mank en pti pe sa.

E se pou sa ki ou vvar parfwa in annan sa bann lakin lo kote ler proze i ganny delivre kalite proze ki nou gannyen.

E i enportan osi avan mon fini pou mwan dir avek *VP* petet lo kote letan zot pou annan zot kreasyon sa Lazans, an se ki konsern levanter bann lenfrastriktir ki pei i annan, ki annan dan pei, ki annan dan tou distrik.

So i enportan ki zot annan sa. I kapab la petet zot pou dir wi nou annan. Me nou bezwen fer sir, akoz i annan en kantite keksoz sirtou ki konsern lo nivo bann distrik, ki zot bezwen fer sir ki sa i ganny byen sorti.

I la lo papye, lo levanter pou zot kapab konnen poudir be nou annan sa. E li osi i bezwen zot bezwen fer sir kid an letan zot pe koz *maintenance* zot pe koz aranze ki *maintenance* li menm i vin en pwen en pep li feb, akoz parfwa nou'n annan en kantite lenfrastriktir i tonm an rin, akoz napa *proper maintenance*.

So nou pou bezwen fer sir ki *maintenance of tou building Gouvernman*, i ganny fer e i ganny parey nou pe dir nou *uplift* li, pou fer sir ki i ganny byen garde, e byen zere par sa

Departman. So mersi Mr Speaker.

MR SPEAKER

Mersi Onorab. Nou'n depas midi edmi nou ava pran poz la. Mon annan apre mon annan Onorab Phillip Arissol e apre le de *Leaders* pou terminen. Mersi, nou ava pran poz.

(BREAK)

MR SPEAKER

Bonn apre midi tou dimoun. Bon nou ava repran kot nou ti'n arete. Onorab Phillip Arissol?

HON PHILLIP ARISSOL

Mersi Mr Speaker. Bonn apre midi tou dimoun. Mr Speaker sa Prozedlwa pou kree en Lazans ki pou responsab konstriksyon e zesyon tou bann batiman Gouvernman, pou mwan sa I en tre bon linisyativ. E mon pou definitivman aport mon sipor.

Tro souvan dan lepase nou'n vwar ki bann batiman tel ki Lopital, lekol ki pa pe ganny byen mentenir, ou plis ankor pe tonm an rin.

E sa ti kout Gouvernman en kantite lemoman i arive pou fer renovasyon akoz parfwa ou dekouver ki fodre kraz

konpletman e rekonstri de nouveau degre sa batiman ti'n avarye.

Sa bann sityasyon ti osi met lavi bann dimoun ki servi sa bann batiman a risk.

Mr Speaker ti annan tro bokou mank sipervizyon e mank mentenans par ser ten Minister ou Departman dan lepase. Pa neseserman ki sa ti ganny fer sa par ekspre. Me petet letan pa ti ase. Ouswa ti napa ase travayer pou fer sa travay.

La an se moman nou vwar ki Gouvernman pe al depans en bon pe larzan, zis pou fer renovasyon lo en bon pe bann batiman.

Lazans Lenfrastruktir pou anmenn ansanm tou bann teknisyen enzenyer konstriksyon e arsitek, ki travay dan diferan Departman e Minister, zot ava ganny mete anba en sel striktir e sa i ava fer ki travay ava santralize e pli byen ganny planifie e egzekite.

E lefe ki tou sa bann travay planifikasyon e konstriksyon Gouvernman pou ganny fer anba en sel striktir, sa ava donn a Lazans loportinite pou pli byen *manage* bann kontrakter e fer sir ki zot pe delivre e fer sir ki sa travay osi i lo en tre o nivo.

E ki swivi i ganny fer lo sa bann batiman menm bokou letan apre ki konstriksyon in fini ganny fer.

Avek kreasyon sa Lazans nou espekte ki sa ava ede e lev standar travay e osi fer ki resours imen i ava pli ganny byen itilize. E ler tou sa bann travayer pou anba en sel striktir, zot ava osi bann zenn sa loportinite pou devlop plis dan zot travay swa tir atraver plis letid.

Kreasyon sa novo Lazans pou osi ede vwar e donn konsey Gouvernman lo priorite e bezwen pei, sa ava fer ki sa landrwa ki pli dan bezwen ava benefisy. E sa i ava redwir sans kot i annan diplikasyon menm proze par diferan Minister ou Departman.

Mon prezimen ki sa Lazans ava osi ede pou vwar e donn konsey pou fer bann plan lakaz ki ganny fer par Gouvernman - pa parey bann lakaz ki ti ganny fer dan lepase, ki ler ou met en *double bed* dan en lasanm ou pa kapab ouver larmwar.

Mr Speaker sa Lazans osi i merit pran responsabilite pou antreprann zesyon bann batiman e lenfrastruktir sportif. Sirtou bann ki Sesel i ganny kado avek bann pei zanmi.

Tro souvan ou vwar ki sa bann batiman ou lenfrastruktir i tonm an rin, akoz napa mentenans ki ganny fer. Ki pou koup Gouvernman en kantite larzan pou rekonstri sa bann tel lenfrastruktir.

Alors finalman nanryen pa ganny fer, e sa bann lenfrastruktir ou batiman i zis vin bann moniman ki pa ganny servi ankor.

Alor mon espekte ki avek sa tel Lazans pli swivi e mentenans ava osi ganny fer lo batiman e lenfrastruktir sportif.

Mr Speaker travay bokou mon konnen. Me mwan mon krwar dan bann profesyonnel e mon konnen poudir zot pou kapab delivre e mon swet zot bokou kouraz. Mersi Mr Speaker.

MR SPEAKER

Mersi Onorab. Onorab Pillay in anvoy son leskiz pou son labsans, mon ava pas laparol Onorab Georges pou terminen.

HON BERNARD GEORGES

Mersi Mr Speaker. Bonn apre midi Mr Speaker, e tou dimoun ki a lekout. Mr Speaker mon pa pou tarde. Tou sa ki devret ganny dir lo sa Prozedlwa in fini ganny dir.

E i pa mon lentansyon pou repet sa ki'n deza ganny dir. E kekfwa mon ava al en pti pe pli lwen ki lentansyon sa Prozedlwa ki devan nou. Mon konpran parfetman parey mon krwar tou bann Manm Lasanble lo sa de kote latab ki nou kontan sa stratezi ou non, nou konpran merit dan annan en tel Lazans, ki pou regroup tou sa bann fonksyon ki anba sa Lalwa.

Mwan mon ti ava kontan vvar ki sa Lazans i ava vin enn ki pa neseserman reaktif. *In another words* pa enn ki pou parey bokou Manm in mansyonnen, ki pou vin rektifye bann problem ki nou'n vvar dan bann konstriksyon dan lepase.

Me enn ki pou vin plito proaktif e donn bann dan en serten mezir donn lide Gouvernman, lo ki mannyer dezormen nou kapab fer bann *savings* e servi bann sinerzi gouvernmantal, pou *achieve* en keksoz ki pli byen ki sa ki nou'n fer.

Mon mazin par egzanp ler nou regard propriete Gouvernman, nou realize ki i annan en gran defayans dan batiman pou *house* bann Minister par egzanp. E i annan plizyier Minister ki ziska ozordi ankor pe bezwen lwe landrwa.

Mon ti a kontan ki sa Lazans i ava vin en Lazans ki pou pouss Gouvernman dan en direksyon kot i ava *invest* dan son bann pros lenfrastruktir anba gidans sa Lazans.

Malgre sa nou kapab dir fer li antre kekfwa dan premye fonksyon Lazans dan anba sa Lalwa i pa dan bann lezot ki plito en *oversight* - en Lazans *Oversight* me mon krwar i ava annan sa rol.

E enn dan bann keksoz ki nou'n koz lo la e dan sa Lasanble dan sizenm Lasanble, se arriv a en fason kot Gouvernman ava kapab *invest*, oubyen demann lasistans (par egzanp Gouvernman *L'Inde* in pare pou asiste Gouvernman avek en *Government House*) servi sa bann don e bann larzan ki nou, nou kapab anmezir ki nou lekonomi pe *recover*, met a dispozisyon Gouvernman.

Pou annan plis ki en *Government House*, me pou annan sa ki nou apel en *Government mile* en landrwa kot tou bann Departman Gouvernman, tou bann Minister i a kapab regroupe, dan en fason ki olye sakenn zot servi oubyen ganny en lobligasyon annan bann landrwa ki pou zot, zot ava kapab servi bann landrwa an komen. Mon pe mazin bann

conference room, mon pe mazin bann *meeting rooms*, bann keksoz koumsa. Ler ou annan en kantite keksoz ansanm, ou kapab servi sa bann keksoz e fer en gran *savings* lo lafason ki Gouvernman i *run*.

Dezyenm keksoz ki mon ti a kontan vwar sa Lazans pe met en pe divan ladan, se pou annan en pe plis lekite - lekitabilite ant bann proze - tel parey proze lakaz ki nou vwar dan bann diferan distrik.

Kot nou pa pou annan bann e la mon bezwen demann leskiz avan ki mon kritik en keksoz, i pa mon lentansyon kritike, me nou'n vwar ki dan bokou ka dan lepase demann e presyon lo Gouvernman, in for nou fer serten fot.

Par egzanp si ozordi nou ti pou re *design housing* Perseverance kekfwa, nou pa ti pou fer li osi entans ki nou'n fer li avek lakaz, lo lakaz, lo lakaz, lo lakaz nou ti ava'n kapab *design* li dan en meyer fason kot nivo lavi bann zabitan laba ti ava *improve* avek en pe plis verdir, en pe plis landrwa pou lwazir bann keksoz koumsa.

Kekfwa nou pa ti ava isi nou ek Lakour a kote si ti annan en meyer klarifikasyon, si nou ti konnen ki Perseverance ti pou vin isi, kekfwa Gouvernman ti ava'n

met en stad isi tel parey i annan enn pou Victoria *South* dan distrik Onorab Vidot.

E olye nou isi nou ti ava kapab dan milye lavil Lakour avek Lasamble kot Stad Popiler i ete ozordi tousala se bann keksoz ki bann mankman, bann fot kekfwa ki nou'n fer ki mon pa ti ava kontan vwar reganny fer.

E si nou annan en Lazans si nou annan en Lazans ki kapab regroup tou sa bann Minister e annan en pilye dan milye ki pe fer sa *thinking*, kekfwa malgre ki sa se pa son rol prensipal, mon krwar ki ava en *driving force* pou kapab fer ki sa bann keksoz pa pou arive.

Ki ou pa pou annan par egzanp en lide ase ki nou tou ti dakor avek en nide 24/24, me kot en bann in ganny 24 en bann in ganny 8. E mwan mon'n ganny 8.

Nou ti ava kontan vwar kekfwa en pe plis parey mon'n dir en pe plis lekite, e en pe plis en pe meyer *planning* dan lafason ki nou fer keksoz e nou pa fer li at random zis akoz i annan en demann, oubyen i annan en presyon nou tay avek. Nou annan nou devret apros sa bann keksoz avek en pe plis lentelizans, avek en pe plis refleksyon, avek en pe plis foresight pou ki nou pa tonm

dan sa bann pyez ki nou'n tonm lo la.

E finalman trwazyenm pwen ki mon ti anvi fer sorti ti anvi demann Lazans ler i ganny *set-up*, e mon mazinen ki isi dan sa Lasanble i annan *at least* enn ou de dimoun ki pou *involve* ek sa Lazans ler in fini ganny *set-up* ki nou annan en pe plis en pe plis *planning* ankor, *foresight* dan lafason ki bann batiman Gouvernman i ganny etabli.

Par egzant sanmenm sa Lasanble Mr Speaker mon pa anvi kritik ou Lasanble. Me nou vvar par egzant ki nou annan en *Chamber* ki nou konnen i tro gran, e kekfwa in ganny mal konfigire, oubyen i ti ava kapab ganny pli byen konfigire. E nou annan par egzant en *Members Lounge* ki tou bann Manm Lasanble pa kapab *fit* ladan an menm tan.

Donk sa se bann pti defayans ki mon krwar pa ti devret arive, oubyen nou annan en *Supreme Court next door* ki'n ganny fer e zot in blye met en landrwa pou bann Avoka sanze pou met zot lenz avan zot al Ankour eksetera.

Se bann keksoz ki pa devret arive. Se bann keksoz ki mo krwar parey mon'n koz lo Ile Perseverance. Mon krwar sa se bann keksoz ki nou bezwen

kapab prevwar e anpes li arive. Akoz parey nou'n ganny dir mon pa anvi retourn lo kado bonmarse ki kout ser *in the long run*.

Me nou tou nou konnen, nou tou nou konsyan. Mon ti ava kontan ki sa Lazans ti ava kapab konfirm avek nou, ki set egzakteman sa bann kalite keksoz ki zot pou fer sir i pa arive pa arive dan lefitir.

Mr Speaker parey mon'n dir, mon pa ti anvi repet sa ki lezot dimoun in dir e mon'n pran loportinite pou fer sorti sa 3 pwen ki mon pa'n vvar ki'n ganny tous ase lo la.

E avek sa detrwa mo mon remersi ou pou lefet ki ou'n donn mon laparol.

MR SPEAKER

Mersi Onorab Georges. Avek sa nou'n termin deba lo sa *Bill*. E mon ava envit Vis-Prezidan pou fer son repons lo deba.

THE VICE-PRESIDENT MR AHMED AFIF

Mersi bokou Mr Speaker. Bonn apre midi Mr Speaker, *Leader, Business Gouvernman* tou bann Manm Lasanble e tou dimoun a lekout.

Mr Speaker mon ti ava kontan premyerman remersye tou bann Manm ki'n entervenir.

E mon santi poudir zeneralman i annan en konprenezon lo rasyonal par deryer sa *Bill*.

E ankor enn fwa son rasyonal i tre senp, nou anvi vin pli efikas, e nou anvi ki dan sa Minister kot i annan en gran konponan sa travay ki i annan pou fer avek superviz. E ansarz bann proze lenfrastriktir, nou santi meyer ki nou annan nou en Lazans avek en rol e manda klerman anba Lalwa.

E ki li i kapab servi tou bann lekspertiz dan bann diferan Minister ek lezot Lazans met li anba en sel landrwa e servi li dan en fason efikas, pou li kapab desarz responsabilite lenfrastruktir pou Gouvernman. Se sa an gro son lobzektif.

Selman dan bann entervansyon i annan plizyer kestyon ki'n ganny demande. Mon ti ava kontan profite la ek ou permisyon Mr Speaker, pou sey adres detrwa. Mon a konmans avek, mon pe al dan lord bann intervenan e Onorab Naidu ki ti demande akoz *PMC* par egzanp i pa enkli dan bann lalis ki deza dan sa *Bill*?

E mon kapab sa ki mon kapab dir zot se mon pa'n nonm li konman en Lazans ladan me selman i definitivman i en *enterprise* anba 5, ki annan bann keksoz spesyal ki li i fer konstri lakaz. E alor li i kapab

ganny konsidere konman en lazans ki enplimante.

Me selman zis pou zot lenformasyon *PMC* dan laplipar bann ka kot lakaz i ganny fer, se Gouvernman ki superviz konstriksyon lakaz. E se Gouvernman ki rod bann kontrakter fer bann kontra, supervize e fer peyman. E answit i pas sa avek *PMC*. Me selman enn fwa ki *PMC* i pran kontrol sa bann lakaz, *PMC* li prezan i fer *maintenance* lo la.

Alor anba sa laranzman pou annan sa ant sa Lazans ek *PMC*. Se ki *PMC* i pou kontinyen fer son *maintenance*. Gouvernman atraver Lazans i al fer lakaz. Me selman akoz sa Lazans pou annan bann *skill* spesyalize i kapab ed *PMC* ki li i pe fer son *maintenance* dan bann landrwa kot i bezwen kekfwa gidans.

Alors se en pti pe sa koneksyon ki pou annan ant *SIA* avek *PMC*.

Onorab Vidot ti koz en pe lo bann difikilte ki zot pe rankontre Roche Caiman. E sa ki mon kapab dir ou Onorab se sa ki'n arive dan lepase, e kot kontra in fini lakaz in fini ganny vann, problem i deza en keksoz ki prezan i vin problem propriyeter sa novo lakaz. Sa

i pa pou en keksoz ki sa nouvo Lazans pou antre ladan.

Me selman definitivman kot i konsern bann ki dan prosesis pou ganny vann, me i ankor lo liv *PMC Gouvernman* pou travay etrwatman avek *PMC* pou fer sir ki kot i kapab donn zot konsey lo tou sa bann diferan problemm ki ou'n mansyonnen.

Dernyen fwa ou ti koz e pe lo *access* tenk ki dan bann *water tanks* ki anler dan plafon. Kot problemm drenaz, problemm tiyo, tousala se bann keksoz ki lekspertiz ki ava santralize e i ava ed *PMC* kot i deza pe zer serteren sa bann problemm.

Eski nou pou *vet* bann kontrakter? Wi byensir parske bokou bann kontra pou vin atraver sa Lazans e byensir i pou swiv *procurement*, me selman vi ki i pou annan en bon rikord diferan kontrakter i ava bezwen fer sir ki zot tou zot pe travay selon lekspektasyon Gouvernman i kapab delivre dapre bann dele ki zot in ganny donne.

Mon krwar Onorab Roucou in koz plizoumwen lo problemm *maintenance* li osi. E sa bann difikilte ki zot pe rankontre e mon asir ou Onorab, ki sa os set en keksoz ki pa neseserman. Par egzamp dan ka *PMC* ki parey mon'n dir

Lazans pou al fer direkteman nou plifere gard sa louvraz spesyalize avek *PMC*. Me i pou toulstan la pou donn zot konsey, pou fer sir ki keksoz i mars byen a tou moman.

Onorab Cosgrow ti annan en pe dout an se ki konsern lepase, e i ti dir poudir i annan leksperyans dan lepase kot Gouvernman ti etabli en tel lorganizasyon, oubyen en tel striktir, me i santi poudir zot ti finalman sanze vin an faver diferan Lazans pou fer bann proze.

E petet akoz nou pe retourn an aryer pou refer en Lazans ki fer sa. Onorab mon krwar larepons i senp, si ou get nivo lenplimantasyon proze, dan *capital projects* sa dan li menm in fini donn ou en portre.

Si dan bann gran proze ou pe delivre 30poursan, lo target i vedir ou annan en problemm lo lenplimantasyon. Nou, nou santi dan Gouvernman ler nou get bann diferan *unit* ki pe esey mont en lekol, pe sey mont en lot pe fer en klinik. E enn pe fer lakaz e ou santi poudir i annan bokou sinerzi ki kapab ganny anmennen si ou ti met zot tou ansanm.

E enn bann rezon, endividyelman zot pa pe kapab enplimant zot proze, zot mank resours, zot mank leksperyans

ki pa pe ganny partaze, me si ti met ansanm i ti pou mars pli byen.

Mon kapab dir ou sa lannen par egzanz *capital projects* son nivo lenplimantasyon i bokou pli o ki menm lannen avan e lannen presedan.

E sa se malgre nou napa en Lazans nou pe sey met sa kordinasyon ansanm. Sa Lalwa ki devan nou, pou senpleman formaliz sa e fer li vin anba en sel *unit*.

Sa Komite ki i en *Inter-Ministerial Committee* i pa pou fer keksoz vin pli dousman. I pa parey en *Board* li. I plito parske ler ou annan dan en Minister rezon ou annan en Minis la ki pe *Chair* sa *Inter-Ministerial Committee* se i pa parey en *Board*. Li i plito en striktir dan Minister ki pe travay pou Minister. Alor i pa konman i pa i en annefe i en i diferan avek en lorganizasyon ki annan en *Board*, dan lesans ki i plito enn ki pe travay direkteman dan Minister li menm. Me selman i striktire pou la senp rezon, ki nou anvi tou bann resours i annan en lankadreman legal otour li ki ganny ki fors zot met zot anba en sel parasol.

Alor i en pti pe diferan ek bann lorganizasyon ki annan en *Board*. Nou krwar poudir sa

sistem pou mars bokou pli byen. I byen ki ou annan en landrwa ki kordin tousala.

E ou ti demann sa kestyon ki pou son relasyon avek lezot Minister. Son relasyon i pou pirman en relasyon kot sa lazans pou bezwen konpran bezwen bann lezot Minister.

E akoz i pou konpran Onorab? I pou konpran parske ozordi ler i pou formen bokou sa bann travayer ki dan sa bann diferan Minister, e la mon pe mazin toudswit bann Minister tel ki Lasante, Ledikasyon se la kot ou enplimant bokou bann proze.

Se zot ki pou dan sa *unit* sa Lazans ki pou konn vreman devlopman ki pou al fer dan sa bann proze.

Alor zot pou parey bann dimoun ki deza dan sa Minister – ki'n deza dan sa Minister, alor zot pou annan en pli bon konesans lo sa bann kalite proze. Me zot pou an menm tan kapab regroup lezot *expert* otour zot ki ava ed zot enplimant sa bann proze pli byen.

Eski i pou annan *redundancies*? Ou ti demann sa kestyon. Onorab si ou pe vin pli efikas, klerman ou pou bezwen en pe plis en pe mwens resours. Sa i kler. I pa lentansyon pou fer okenn

dimoun perdi zot dyob. Me nou pou bezwen vin pli efikas.

Ler mon'n konsilte avek bann teknisyen zot dir ek mwan ozordi dan konstriksyon lekol ek lakaz, nou annan plizyer resours en pe parpiye atraver bann Minister.

Me souvandfwa, bann resours spesyalize;- tel ki enzenyer, arsitek, menm *surveyor*, i bann resours ki nou fer vini. E alor nou krwar si nou santraliz zot nou pou vin pli efikas, me priyorite pou reste pou nou grad nou Seselwa. I kapab annan serten resours ki pou ale. Me sa i pou plito etranze lafason nou pe get li ozordi.

E alor mon ti ava kontan reasir tou dimoun ki pe travay dan en fason senser, dan en fason efikas kot i ete, si ou pou travay dir si ou pe vin, si nou, nou pou kontinyen fer bann proze kapital avek sa lavites ki pep Seselwa i espekte sa i ganny fer, nou pou bezwen resours. Definitivman nou pou bezwen resours.

E alor mwan mon pa vvar personnelman lafason mon pe get sa ki Seselwa pou perdi zot dyob. Me i annan possibilite ki akoz nou vin pli efikas, serten ekspatriye nou ava kapab les zot ale e nou ava kontiny bokou louvraz avek sa ki la.

Larestan bann komanter ki mon'n gannyen Onorab Woodcock in koz lo bann difikilte dan lepase. In koz lo nesesite pou nou vin pli efikas e mon antyerman dakor avek ou Onorab. E in osi koz o bann planifikasyon dan lepase, ki'n ede anmenn bann problem ki nou annan ozordi.

E ankor enn fwa se sa lazans ki pou i pou enplike ase fortman an planifikasyon e dan lenplimantasyon, e nou espere ki atraver kordinasyon nou ava ede evit bann fot lepase.

Onorab Sophola ti osi demann enn de kestyon e i ti pe koz lo serten difikilte ki'n arive La Digue e mon dakor avek ou Onorab. In annan bokou travay ki'n ganny fer dan lepase - pa neseserman avek lefikasite ki nou ti ava voudre.

Ou ti osi demande akoz dan ka Minis Later i lo la, i annan en lot dimoun ki la i sorti dan menm Minister e pareyman pou Minister Finans. Rezon i senp Onorab. Minis i la lo en pwennvi Polisi. I lo sa Komite, me an menm tan ou bezwen en dimoun avek en lekspertiz teknik. E se la kot Minister Later dan son ka ou pou annan sa dimoun ekstra.

Parske vreman sa komite e komite Gouvernman li i en travay Gouvernman ki pe ganny

fer la. E Gouvernman i servi son nivo Polisi son nivo teknik pou li enplimante. Pareyman lo kote finans. Si ou pe antann ou Minis, Minis i ganny siporte avek en teknisyen ki pou get lo kote Bidze.

Minis i kapab get 1 onivo non Minis Finans i pa lo la me selman ou annan en reprezentasyon *economic planning*. Sa i pe get Polisi pei an zeneral. Savedir i pe gete ki direksyon nou pou ale, ki kalite lenfastruktir nou bezwen. Eski sa kalite konstriksyon i pa pou afekte sa ki apel nou *debt sustainability*.

Sa lo kote planifikasyon ekonomik zot regard sa bann eleman koumsa. Me ler ou annan en lot dimoun sorti dan Minister Finans lo kote *financial planning* e Bidze, li i pou get si sa Lazans pe zer son larzan byen. I en lot fonksyon. Alors se sa rezon ki nou annan sa de dimoun diferan dan Minister Finans lo la.

Onorab Samynadin in koz en pe lo problem *sewage* ki annan dan son distrik. E sa ki mon kapab dir avek ou se i annan travay ki pe ganny fer an se moman, zisteman pou adres sa problem *sewage*. E osi sa miray ki ou ti pe fer referans avek kot dimoun i kapab vin

ekoute, konstriksyon pa ti ankor fini.

I annan plan pou kontiny sa miray e bar sa landrwa e dan sa ka ou pa pou ganny sa bann delenken eksatera ki vin servi sa landrwa.

Onorab Gill ti pe demande lekel priyelite dan proze Gouvernman, e Onorab sa i pou en travay ki pe al ganny fer zis par Lazans. I pou en travay ler ou pe get priyelite pei ou pe koz Bidze. E ler ou pe koz Bidze se Minister Finans ki pou konnen ki groser lanvlop i pou annan pou *capital budget*.

E ler i pou desid lo sa groser lanvlop, diferan Minister pou vin dir lekel zot bann proze ki enportan pou zot. E proze i pa neseserman zis kapital.

Me selman kot i konsern Kapital enn fwa en lanvlop pe ganny deside sa Komite ki la, *Inter-Ministerial Committee* i ava desid lo son groser lanvlop e ki mannyer li avek son konesans bezwen diferan Minister, i ava kapab met tousala ansanm, pou fer sir ki priyelite Gouvernman i ganny adrese dapre groser lanvlop ki pou annan.

So annefe ti annan en lot Manm Onorab ki ti mansyonn *Development Committee* e ki pou arrive avek *Development Committee*. Annefe sa *Inter-*

Ministerial Committee i ranplas Development Committee. Parske se li ki pou annan sa portre tou bann lenfrastriktir devlopman ki pe ganny fer dan pei, e alor se li ki pou fer sir poudir tou sa bann keksoz i ganny pran kont.

Tou bann larestan eleman parey *procurement*, servi lekspertiz sekter prive, pa anpes nanryen dan sa Lalwa pa anpes sa arive. Par egzanp ou konnen si ou vvar lo sa komite i permet lapwentman en dimoun ki annan lekspertiz teknik.

E sa dimoun i kapab en dimoun ki sorti ki kapab prive, i kapab en dimoun *retired* ar egzanp. E menm ki en dimoun i pa lo sa komite pa anpes komite koz avek tou dimoun dan lenplimantasyon son travay ki i annan pou li fer. So se sa ki mon kapab dir Onorab.

Onorab Labonte ti koz bokou lo armoniz proze e travay pou fer sir ki nou fer keksoz byen. Zis en pti koreksyon Onorab ler ou ti dir *Music Stadium*, in sorti 6milyon pou vin 14milyon, annefe in sorti 4.5milyon pou ariv ziska 25 milyon.

E si i ti azout lezot eleman ti pou ariv ziska 40milyon. Ankor enn fwa i souliny lefe ki napa en fason santral kot en

proze pe ganny kordinen. Sa letan ou ti annan ou par egzanp Minister Kiltir ki ti pe travay ansanm avek Minister ki li i ti annan son *unit* pou li ki pe regard proze.

Apre ou ti annan Minister *Land Use* li osi anba lenfrastriktir zot, zot ti pe fer en bout. E ou ti annan lezot lazans *involve* dan *kiltir* ki ti pe met en *input* ankor. E tousala ti fer ki finalman personn Pa tro konnen ki bout paz pou azoute. Lekel ki devret ganny tire lekel ki devret ganny azoute. E finalman ou *end-up* avek en proze bokou pli gro e ki finalman ler ou mal planifye li ou kou i pou gonfle en kantite.

Eski ou ti osi koz lo bann donasyon si sa Lazans i kapab fer sir poudir siperviz tou sa bann donasyon. Sa Lazans i kapab siperviz tou bann proze ki pou tonm anba li. So si i pe fer proze lakaz, si i pe fer en Lopital, si i pe fer en lekol eksetera, sa i ava kapab fer.

Me pou bann lezot proze tel ki spesyalize tel ki en Por par egzanp. En devlopman kot *Airport*. Kot i annan en Lotorite ki zot pa pou neseserman *SIA* e dan *schedule* ou ava vvar par egzanp *Land Transport*, Departman Transpor, *PUC*; bann keksoz spesyalize i deza

annan bann dimoun spesyalize ki fer, alor i pa pou tonm anba sa Lazans pou zot siperviz sa bann.

Selman pou anpes zot kolabor ek zot pou donn zot en pe gidans teknik kot i fodre. Onorab Aglae ti pe demann en pe direksyon ki pei pe ale. Akoz dan serten lenstans nou tir Lazans e nou dir nou pe *streamline* e dan serten lezot Lazans lenstans nou kree en lot Lazans.

Onorab sa kreasyon sa nou krwar i enn ki pou *streamline* ler ou kree li konman en sel *unit*. Akoz? Akozakoz i pe fer en louvraz ki sorti dan lezot Minister. Par egzamp lekol. Selman i menm zafer sa. Malgre ki en lekol, malgre ki en klinik i en konstriksyon i en proze.

Me alors si ou ti santraliz li, la i fer sans pou annan en Lazans. Me i annan serten lezot ka kot si ou vwar en Minister i kree li 3,4 diferan lorganizasyon tousala en Lotorite, me selman i pe fer preski menm keksoz. La ou *streamline, e la ou fer li vin en,*

So i depan sirkonstans kot nou ete kot ozordi nou santi kot i konsern konstriksyon, i meyer annan en sel group, ki kordin lo kote enzenyer, lo kote arsitek, lo kote QS, lo kote konstriksyon, e

ki mannyer sa i ganny sipervize. E nou krwar anba sa sistem i pou mars bokou pli byen.

Rezon nou krwar se parski sa lannen malgre ti napa sa nou'n sey fer sa. Nou'n sey fer bann travayer kot *infrastructure* Departman i ete ozordi kordin en kantite bann *loperasyon deor*, bann lezot Minister. E i pe marse e nou santi avek sa e zis donn li en lankadremen legal ki pou fer sa marse.

Public private partnership pa anpes sa arive kreasyon sa Lazans, akoz sa Lazans fodre nou pa ganny lenpresyon ki sa Lazans pou soudan pe al vin en lakonpannyen konstriksyon, ki li prezan i pe al konstri tou keksoz. Se pa sa lentansyon.

Lentansyon se annan en lorganizasyon, ki siperviz e i kordin bann proze. Se sa rol. Alor dan pe fer sa, pa fodre ki li ki kontrakter. Li i ava rod en kontrakter apropriye, li i ava annan son prop enzenyer posib. I posib i kapab si ou kontrakte avek lezot lakonpannyen enzenyer pou zot fer sa louvraz osi.

Me li i kordinen li. I parey en project manager. I parey en dimoun ki annan sa lekspertiz dan lenplimantasyon proze, e i konn tou bann domenn ladan, alor i konn tou bann meyer resours, pou met ansanm ki

kapab fer delivre sa prodwir pli vit posib. Se sa son bi.

Alor par egzamp si ou annan en public private partnership ki anvi ganny etabli i prezant son proze, Gouvernman pou annan en par ladan e li i ava fer sir poudir sa par ki Gouvernman i annan ladan, i pou en bon par parske sa proze pou ganny enplimante byen. E li i ava sipervize petet. En siperviz lo kote en aksyonner ki Gouvernman i ava dir ek Gouvernman be ok, be mon vwar ou proze pe devlop byen mwan. Selman mon vwar tel eleman ladan, mon krwar ou ti kapab anpes li donn son bout, zwe son rol dan en public private partnership.

E parey mon'n eksplike Onorab, sa Lazans pa pou al fer Por, i pa pou al fer semen. E lo kote Bidze lafason i pou marse se dizon ki Minister Lasante i annan li en Bidze, pou fer par egzamp en klinik oubyen en Lopital. Sa Bidze ler i pou vin kot Lasanble Nasyonal, pou ganny klasifye anba sa Minister li. I pou reste kot li.

Me selman kan Bidze pou al ganny enplimante pou konstri sa batiman sa Lazans i pou annan en rol management lo sa Bidze. Savedir avan okenn peyman i ganny fer ladan, zot, zot pou parey en project

manager ki pou siperviz sa proze, e zot menm kapab otoriz tou bann peyman pou ganny fer anba sa Bidze ki anba sa Minister.

Savedir pou bezwen annan en travay etrwat avek sa bann zofisyne dan sa Minister. Akoz sa i vin pli bon? Parske i liber lanmen sa Minister. Dizon ki ou, ou Minister Lasante, ou pe al fer en klinik e Minister Lasante li son rol se donn en servis medikal dantis, eye clinic e donn Lasante, tou bann forme lasante.

Me i pa neseserman expert lo fer en Lopital li. Alor malgre ki i annan en Bidze pou fer en Lopital, i les en lot dimoun siperviz sa konstriksyon, parske sa se pa en keksoz ki fer toulezour.

Me sa dimoun ki fer sa, i servi son Bidze, i dir li mon siperviz ou konstriksyon apre mon ava donn ou ler in fini. Se ou ganny en meyer prodwir akoz ou annan meyer dimoun dan Gouvernman pou ed ou administre ou Bidze.

Onorab Lemiel in koz lo mon krwar mon'n adres serten son bann kestyon par egzamp lekel Lazans ki ganny ekskli, lekel ki pa ladan? Sa mon krwar nou'n adrese.

Ki rol PMC avek sa Infrastructure Agency pou

annan? Mon eksplike sa rol. Akoz i pa en Board? Mon'n osi eksplike. I pa pou ne Boardien Komite. I en pe diferan avek sa ki nou'n abitye vvar. Me selman nou krwar poudir akoz i en keksoz ki antyerman Gouvernman, i pou marse dirize par en Minis.

Petet enn bann keksoz ou pou demande be akoz en Minis e i pa en lot teknisyen en politisyen ki lo en komite? Sel konparezon mon kapab donn ou, se parey dan en Minister. En Minister i ganny dirize par en politisyen.

Answit mon annan en PS, e normalman i teknik avek bann lezot dimoun. I en pe sa li. Sa Minis i still ansarz sa Lazans. Me i ganny dirize answit par en management. Me lo son nivo Polisi e gidans ou annan bann dimoun senior - pli senior dan Gouvernman senpleman pou annan sa kordinasyon lo nivo pli o posib.

Eski bann allowance eski bann allowance bann Minis, ek bann lezot dimoun ki dan Gouvernman pou ganny peye? Akoz nou'n dir I fer provizyon pou donn sa bann dimoun. Larepons i kler. Nou pe regard egzakteman Polisi ki nou ti anonse dan lepase.

Savedir si ou travay dan Gouvernman ou annan en saler

ou pe travay dan ler Gouvernman, ou pa sipoze ganny okenn allowance. Me selman parski in fer provizyon pou sertern dimoun ki pa neseserman dan Gouvernman ki kapab vin donn en koudmen lo nivo sa Inter-Ministerial Committee, sa bann nou krwar zot devret kapab gannyen.

Me travayer Gouvernman enkli Minis enkli lezot zofisye, non. Dan ler Gouvernman napa okenn allowance ki pou ganny peye avek zot.

E ou ti pe demande si sa Minis petet ki pa vin en dimoun en pe tro for, parskie li menm li Minis Later, li menm li ki lo sa Lazans. Onorab sa ki mon kapab dir ou se ozordi koumsa ozordi i deza koumsa. Me nou problem ki nou annan, se Minis se li menm li Minis Later, se li menm li ki al fer sa lakaz apre.

Me selman kordinasyon ki manke. Sa kordinasyon ki nou pou me li ansanm pou fer pa zis lakaz me lezot proze lenfrastrikfir. E nou krwar sa pou anmenn bokou plis lefikasite.

Levanter an distrik, absoliman kritik nou bezwen fer sir ki sa Lazans ki enn son manda se maintenance. Bezwen konnen tou sa ki Gouvernman i annan dan sa

Formatted: Font: Not Italic

distrik enkli son lenfrastruktir sportif, enkli son bann semen, enkli son bann pti pon partou e tou lezot lenfrastruktir ki nou apel sa lenfrastruktir Gouvernman, ki lo en sa ki nou apel en *balance sheet* Gouvernman ki Oditer Zeneral normalman i prodwir tou le lannen.

I pa dan son rapor labitud me selman i annan sa ki apel en apel li parey en *asset*, en *inventory* pou tou Gouvernman. Tousala i devret a dispozisyon sa Lazans pou li fer.

Mon dernyen entervenan Onorab Arissol in koz nesesite pou vin pli efikas - absoliman mon dakor avek ou. E Onorab Georges in osi koz lo bann proze dan lepase, ki'n ganny fer ki'n kapab e donn sa legzanz Lasanble Nasional mon antyerman dakor avek ou, ler mon gt sa lespas ki la.

E la mon pe get par egzanz *House of Commons* kot tou dimoun i byen o bor kanmarad servi en lespas dan en fason tre efikas, sertennman set ankor la kot planifikasyon. E sa *Bill* ki devan nou i vize ver meyer planifikasyon, meyer efikasite e se sa rezon ki nou'n drafte li parey i ete.

E avek sa Mr Speaker, mon espere ki mon'n kapab ekliersi laplipar bann kestyion

ki'n poze. Mon ti a kontan rekemann sa *Bill* avek zot, parskie i pou fer nou ankor enn fwa met keksoz dan en fason striktire, anba en lankadreman legal me ki pou fer nou delivre pli byen pou e selon lekspektasyon pep Seselwa. Mersi bokou Mr Speaker.

MR SPEAKER

Mersi Vis-Prezidan. Avek sa nou ava pran vot lo *general merit of the Bill*, Manm ki an faver lev lanmen silvouple. Mersi, okenn Manm ki kont?

Vot lo *general merit of the Seychelles Infrastructure Agency Bill, 2021 - 21* Manm in vot pour, 0 kont e 8 in *abstain*. Alor *Bill* in pase lo *general merit*.

Madanm Clerk ava fer *Formal Second Reading*.

Formatted: Font: Not Italic

MADAM CLERK

Mersi Mr Speaker. A *Bill for an Act to establish the Seychelles Infrastructure Agency and to provide for all the related matters*. Mersi Mr Speaker.

MR SPEAKER

Mersi Madanm Clerk. Nou ava pas dan Staz Komite pou konsider bann amannman e en reprezantan *Bills Committee* pou diriz nou. Onorab Henrie, wi.

HON GERVAIS HENRIE

Mersi Mr Chair. Bonn apre midi tou dimoun. Mr Chair nou annan en pe lamannman. Donk nou ava konmans *I suppose we have to proceed in English because of Mr Laurence.*

First of all in the arrangement of sections, where number 4 is 'object' - "objects of the Agency we want to add an 's' to the word 'object'. Is that ok?

MR SPEAKER

Yes zis kontinyen Onorab. Panel si i annan komanter si i annan soz i ava lev lanmen silvouple. I annan letan pou li.

HON GERVAIS HENRIE

Then we proceed to part II Seychelles Infrastructure Agency in Clause 3 just underneath Clause 3 (2) 'objects of the Agency again we want to insert 's' with the word 'object.'

In Clause 4 where it reads the object of the Agency is, we want to change add an 's' to object the word 'object' and then substitute the word 'is' with 'are.' So the sentence will read - "the objects of the Agency are."

On the same Clause 4 we want to split it into 2 sub

sections (a) and (b). So 4 (a) will read, "to provide technical services for civil engineering and construction projects to all Government Ministries, Departments and Agencies other than those specify in schedule 1.' And then sub section (b) will be 'to provide maintenance to Government properties.'

Ok and we are going to insert semi column (;) after the words 'schedule' in Clause 4 (a) is that ok?

MR SPEAKER

VP? yes Vis-Prezidan.

THE VICE-PRESIDENT MR AHMED AFIF

Mersi Mr Chair. Mr Chair zis pou dir avek Onorab Henrie ki ler i pe dir (a) ek (b), (b) i dir "to provide maintenance to Government properties."

Me ler i ti ansanm i ti pe koz lo bann civil engineering construction projects ki to all Government Ministry, Departments other than those specified in the schedule.

E ler ou pe dir to Government properties, i napa en link avek (a), alors i kapab donn lenpresyon ki se sa Lazans ki pou responsab pou maintenance semen par egzanp, maintenance Por, maintenance

lezot lenfrastriktir ki pa pou lir byen dapre son manda.

Alor petet nou devret annan en mon napa en term la, me petet Onorab Georges i kapab ed nou vi ki zot in *split li*, met li dan en langaz ki fer sir sa bann *Government properties* i bann ki tonm anba sa lazans.

MR SPEAKER

Onorab Georges.

HON BERNARD GEORGES

Yes mersi Mr Chair. Mr Chair sa ki mon propoze se nou tir “*others than those specified in the schedule*” dan (a), e nou met li apre (b). So it would read “*to provide technical services for civil engineering and construction project to all Government Ministries, Department and Agencies; and (b) “to provide maintenance to Government properties.”* And then below that “*other than those specified in the schedule.*”

MR SPEAKER

VP, panel ok? Onorab Georges in aksepte. Onorab Henrie.

HON GERVAIS HENRIE

Yes Mr Chair we move now to function of the Agency Clause 5 (g) where it reads “*record and keep register of*

rating”, we want to add an ‘s’ to the word ‘register’ and an ‘s’ with the word ‘rating.’ So it reads, “record and keep registers of ratings of performance by contractors.”

Clause 6 Powers of Minister. Clause 6 it reads the Minister shall exercise.

MR SPEAKER

One moment, Onorab Espanon, ou ankor lo sa enn prezan?

HON REGINA ESPARON

Non Mr Speaker les li kontinyen mon bezwen tourn backward mwan.

MR SPEAKER

Mon pa’n konpran ou Onorab Espanon, sorry.

HON REGINA ESPARON

*Mr Speaker, mon anvi retourn lo Clause (d) mwan, pou mwan demann avek Vis-Prezidan in mete la, “*provide project design, procurement and construction services and supervision of project implementation.*”*

Mwan mon anvi demann avek Vis-Prezidan lo kote kot - dan bann ka kot pei i ganny bann Grant, pran parey case in point mon ava met lekol Glacis.

Lekol Glacis ti ganny fer anba en *Grant Chinois*.

Me prezan eski sa Lazans li i pou annan sa *supervision* lo sa parey sa proze pe ganny fer? Parski nou konnen avek lekol Glacis kantite defo ki'n ganny annan, e Gouvernman in depans pa mal larzan *over 2.9 millions* pou fer renovasyon, reparasyon - parski i annan sa bann defo ki arrive dan konstriksyon.

Ki mon pe demande mwan, eski sa Lazans la li anba son manda i pou kapab *supervise* bann konstriksyon ki pe ganny fer par bann kontrakter etranze, sirtou parey letan ou pe regard bann *Grant* ki pei i gannyen?

MR SPEAKER

Mersi. VP ou ava eklersi sa silvoupe.

THE VICE-PRESIDENT MR AHMED AFIF

Mersi Mr Chair. Mr Chair larepons se ki dan pe negosye dan sa bann *Grant*, mon krwar nou devret annan *involvement* sa Lazans, pou fer sir ki dan son *design* ek son lenplimantasyon e tou son bann laspe teknik, i ganny fer dan en fason ki Lazans pou satisfe poudir sa proze i pou

ganny enplimante dan en fason ki pou deservi son bi byen.

Pa anpes sa Lazans malgre ki proze i pa'n ganny enplike dan sa negosyasyon, demen ler i pe ganny enplimante, pa anpes li konman Lazans Gouvernman ki pe al pran sa byen atraver sa don, pa anpes li antre dan sa rol sipervizyon.

E mon krwar Lalwa pe donn li sa pouvwar fer li. E dan enplimante mon pa vvar naryen ki anpes li pou li vin dan sa kontra konman Gouvernman pou vin siperviz sa proze. Mersi.

MR SPEAKER

Mersi. Onorab Esparon ou reasire. Onorab Henrie ou ti'n arriv lo 6.

HON GERVAIS HENRIE

Thank you Mr Chair. So we proceed we on Clause 6 now 'Powers of Minister.' In the second line where it says "performance of its functions and may give" we want to replace the word 'give' with 'issue.'

So that it would read, "performance of its functions and may issue policy directives to the Agency."

And in the same Clause third line, we want to add capital 'A' with 'agency.'

Now we proceed to part III the Inter-Ministerial Committee. In Clause 7 (1), where it reads "the Agency shall be administered by an Inter-Ministerial Committee", we want to replace the place 'administered' with 'govern.'

Mr Chair we now move on to, there's a proposal for a new insertion in Clause 7, that will read 7 (h) and may I leave the floor with Honorable Gill to make the proposal? Thank you.

MR SPEAKER

Wi Onorab Gill.

HON CHURCHILL GILL

Mr Chair the proposal reads," it is proposed that this sub-section, either caters for a representative for Praslin and La Digue." I think there was a typing error, it should not be 'either cater' the proposal is, 'there should be.'

MR SPEAKER

*VP panel oule adres sa?
Yes VP.*

THE VICE-PRESIDENT MR AHMED AFIF

Mersi Mr Chair. Mr Chair mon pa oule don lenpresyon ki

mwan mon pa kontan Praslin oubyen La Digue. Lwen ek sa. Mon konnen lenportans sa de zil e Gouvernman sertennman i konnen bezwen pou fer pou enplimant proze lo sa zil, e dan en fason osi efikas ki ganny fer lo Mahé, malgre ki nou konnen toulstan lo sa de zil, i pou vin pli ser, parski i annan pou transportasyon e lozistik.

An se ki konsern sa Ministerial Committee se li ki fer planifikasyon travay ki Gouvernman in deza mete dan en lanvlop.

E alor si ou regard sa kalite travay ki pe al ganny fer Mr Chair, mwan pou mon set en travay lenplimantasyon. Se pa sa komite ki pou al neseserman desid lo diferan proze. Diferan Minister pou desid lo zot proze. E li i pou enplimant baze lo resours e groser lanvlop ki pou gannyen.

Mon pa konnen si i pou fer lazistas pou lezot distrik, si zot trouve ki zot, zot pa ganny reprezante me i annan de distrik si zot ganny reprezante lo la. Parske zot osi zot annan zot bann bezwen spesifik.

E mon santi petet i pa si ou pa met li i pa vedir ki Praslin ek La Digue pa pou ganny son lenportans. I pa vedir sa ditou. Mon krwar si nou annan bann dimoun ki konpetan lo sa

komite ki enplimant e sa Lazans li menm i annan dimoun eksperyanse. E dan sa Bidze ki'n ganny aprouve se la kot desizyon ki ganny fer lekel ki pou al - ki groser Bidze i pou ete, se pa sa komite. Se la ki sa lenportans sa de zil pou vin pli enportan, pa dan sa komite.

Alor mon pa trouve ki mannyer sa dimoun si zot deside met li la, i pou vin sitan enportan. E mon pa konnen ki mannyer mon pou defann sa vizavi lezot distrik.

So personnelman si ou demann mwan, mon pa trouv en plas pou li la. Me selman mon trouv sertennman lenportans pou annan ou fer sir ki Praslin, La Digue, toulstan i annan resours i ganny donnen pou zot. Me mon pa krwar son plas i vin atraver la. Mersi Mr Chair.

MR SPEAKER

Onorab Gill.

HON CHURCHILL GILL

Mon'n konpran tre byen largiman VP. Me selman konteks Praslin, La Digue pa zanmen ganny kapab konpare avek distrik La Rivyer Anglez, Mont Buxton. I de diferan keksoz ki nou tou nou konnen dan Sesel poudir i pa konparab sa de.

Apre zisteman pou lenplimantasyon, akoz Praslin ek La Digue pou bokou letan, nou'n vvar bokou keksoz in ganny fer ek Mahé i annan keksoz ki'n ganny fer Praslin. Me selman nou pa kapab dir nou'n ganny *the first share of* sa ki ti devret kapab fer Praslin.

E prezan baze lo sa, nou pa anvi konmsi la i annan en loportinite ki keksoz pe ganny refer, novo Lazans pe fer, nou pa anvi mank loportinite kot nou kapab adres sa anomaly, ki nou'n fe fas avek pou bokou letan.

Alors mwan mon krwar poudir ki nou devret ganny reprezante, e mon ensiste ki nou ganny reprezante apre Lasanble i ava deside si zot krwar i en keksoz ki zot devret siporte oubyen non. Mersi.

MR SPEAKER

Mersi Onorab Gill. Eskiz mon Lasanble, lotrozour nou'n pas en kantite letan lo sa size, e mon krwar bann Manm in eksprim zot diferan fason *at length*. Mon krwar size issue i senp e mon pa anvi ki nou extend en kantite letan lo la.

So Onorab Bistoquet in lev lanmen, mon pou donn li laparol, apre nou pou bezwen rod en mannyer rezourd sa, si zot pou dakor pou nou zis pran

en *amendment* e vot lo la.
Onorab Bistoquet silvouple.

HON ROSIE BISTOQUET

Mersi Mr Speaker pou donn mon laparol. Bonn apre midi Mr Speaker. Bonn apre midi *VP* avek ou delegasyon. Bonn apre midi tou bann Manm.

Mr Speaker mwan mon pe demann kestyon, akoz letan mon pe regard sa komite mon pa konnen ki kalite Komite i ete. *Is it a Technical Committee ouswa en Steering Committee, ouswa i en technical ...?* Ler mon gete i *more or less* en *Technical Committee*.

Mon pe get vizavi sa ki Onorab Gill pe demande lo letan mon pe regard depi *from (a) to 12 (g)* i annan reprezantan *technical representative from different Ministries from - letan mon pe regarde from parent Ministries, Climate Change, i annan Department of Responsible Lands, i annan Economic Planning, Control Division Department of Finance, Legal Affairs and Department of Transport.*

So si nou pou met sa *(h)* i mon pa vvar li i annan en *technicality ladan. It's more a less to do probably with coordination.*

So ki rezondet konmsi ki nou pou donn levidans, akoz ki nou bezwen, menm i annan konstriksyon ek lezot ki nou bezwen met Praslin, La Digue konman lo sa komite.

Mon pa dir mete pa mete, me solman mwan mon ti ava kontan ganny lesplikasyon ki akoz ki nou bezwen met li, akoz ki nou bezwen pa met li. Mersi Mr Speaker.

MR SPEAKER

Mersi. Onorab Gill mon ava les *VP* reponn kestyon Onorab Bistoquet lo ki kalite komite i ete. E apre mon ava retourn lo ou pwen. *VP* ou kapab zis donn en pti lesplikasyon silvouple.

THE VICE-PRESIDENT MR AHMED AFIF

Mersi Mr Chair. Mr Chair sa komite i en komite ki i annan en rol alafwa i pe donn direksyon, me alafwa i teknik osi. Akoz parey ou vvar i annan zis de dimoun vremen de Minis *Chair e Vice-Chair* ki plito lo en nivo direktiv e Polisi.

E larestan i plito bann dimoun ki pou annan en bagaz teknik. E laplipar dimoun lo la i pou annan en bagaz teknik.

Alor mon vvar li konman en komite ki ekipe pou siperviz sa *management* ki pou la ek sa

CEO eks sa COO, pou zot fer zot louvraz vreman byen avek lekip anler, ki annan en bagaz teknik avek en lafors Polisi tre for.

So mon vwar li en pe koumsa. E petet zis pou adres en pti pe konsern Onorab Gill zis pou dir ek ou par egzant si zot santi poudir lenfrastriktir Praslin pa pe ganny adresse oubyen La Digue, e zot santi pa pe ganny ase latansyon. Dizon ki ou pran legzant en Lopital zot krwar devret ganny en Lopital.

Me se pa la ki sa desizyon pou ganny fer. Sa desizyon i ganny fer lo nivo Gouvernman, Minister Finans kot i pou donn en Bidze Minister Lasante pou fer en Lopital. Pareyman pou en lekol. Pareyman pou lezot lenfrastriktir ki ti pou ganny fer. Se pa la ki fer sa desizyon.

Enn fwa sa desizyon i ganny fer, ki ou reprezantan pa ladan, parske sa i en desizyon Bidze Finans oubyen i en Lasante oubyen Lekol par egzant? Sa Komite prezant li i pou al enplimant sa ki in fin aprouve.

E dan lenplimantasyon sa, pou fer sir i ganny fer byen, ou annan en tim ki teknik, pa anba li i annan en tim pli teknik ankor. E zot, zot plito supervisor.

Alor mon pa tro asire si sa lobzektif ki ou ti ava kontan ki en bon lobzektif i pou ganny li atraver met sa reprezantan isi.

Mon krwar sa bezwen pa pou deservi ou la. Sa i mon pwennvi. Me mon krwar mon'n repet larepons mon pa pou repet larestan Mr Chair. Mersi.

MR SPEAKER

Mersi. Wi ou ankor lo menm pwen Onorab William silvouple.

HON WAVEN WILLIAM

Mersi Mr Chair. Mr Chair mon ti ava kontan demann avek Vis-Prezidan, par lefe *well* sa ankor zis pou ekliersi en pti pe manm publik ki pe ekoute, letan mon pe regard fonksyonnan sa konpozisyon sa komite, prezant kestyon ki monte se *Planning Authority where does it come in?* Akoz ler mon pe get bann reprezantasyon, ki fason sa travay pou ganny fer ansanm.

E an menm tan anba *Physical Planning Bill*, tou bann distrik i sipoze konplet en *National District Development Plan*.

So la ankor ki fason sa i maryonnen? Konmsi zis pou ekliersi. Akoz i annan plizer bann ki'n pase oparavan e prezant i annan sa novo

Lazans. So how does these function together? Mersi.

MR SPEAKER

VP ou ava adres sa *please*.

THE VICE-PRESIDENT MR AHMED AFIF

Mersi Mr Chair. Mr Chair *Planning* son rol i kler li. *Planning* se pa li ki pou fer desizyon, lo ki proze pou ganny enplimante e pou resours Gouvernman pou ganny servi. Sa se Gouvernman. E pa li ki fer desizyon, sekter prive si i anvi fer en lotel, si i anvi fer en lakaz, si i anvi fer lezot keksoz.

Planning son rol se enn fwa sa proze in ganny aprouve par son - sa ki par deryer li, i soumet en plan kot *Planning*. E *Planning* ava kapab dir ou ek ou si sa devlopman ki ou anvi fer i tonm dan lankadreman *land use*, i pou swiv bann norm enzenyer e konstriksyon.

E fer sir k si ou anvi fer sa proze, i kapab ganny fer dan en fasin ki pa pou afekte lanvironnman e i pa pou afekte sekirite. E i pou afekte plan ki Gouvernman in rezerve an term later pou sa landrwa. Sa se rol *Planning*.

Sa komite son rol i diferan li. Sa komite son rol se pou enplimant bann proze ki Gouvernman in aprouve. I pa

Planning li, li in ganny dir i annan en Lopital pou ganny fer tel landrwa, e en lekol dan en lot distrik. E i pou ganny fer dan en dele letan.

Son rol se pou rod bann resours dan Gouvernman fer sa bann keksoz, tout an swivan gidans *Planning*. Sa son rol. Li i al enplimant proze, *Planning* li i fer sir poudir ou proze ganny fer swivan bann norm ki'n ganny etabli pou pei. Alor se sa ladiferans. Mersi Mr Chair.

MR SPEAKER

Onorab Arissol.

HON SANDY ARISSOL

Mersi. Bonn apre midi ankor enn fwa. Ou konnen sa ki Onorab Gill pe rode se sa reasirans. Reasiran dan lesans kot li konman *MNA* ki lo en zil, ki lwen avek Mahé kekfwa letan pou annan serten konstriksyon, i pou annan serten renovasyon ki pou ganny fer anba sa novo Lalwa, kekfwa i santi zot bezwen ganny konsilte, an relasyon avek sa ki ganny fer lo zot de zil menm lo La Digue.

Kekfwa zot santi sa dan lepase pa'n arive. Prezan parey VP i dir ek nou, i pa bezwen la dan Lalwa. Me selman toutfason pe ganny fer. Me mon krwar sa ki Onorab Gill pe rode

depi lot fwa. Se sa reasiran poudir zot konman *MNA*, li konman *MNA* Baie Sainte Anne, si i annan okenn konstriksyon, i annan renovasyon ki pou ganny fer lo serten letablisman Gouvernman par egzanp zot, zot bezwen konsilte.

Par egzanp si sa ki mon pe dir *VP*, kekfwa si i annan R5 pou nou fer serten depans, li an konsiltasyon avek li i ava dir *ok VP* nou Baie Sainte Anne, nou santi poudir sa R5 i bezwen ganny depanse dan sa enn, dan sa enn.

Be sa enn ki ou pe mazinen pa neseserman korek. Mon krwar sa reasiran ki Onorab Gill pe rode an relasyon avek sa. Me selman parey ou'n eksplik nou i pa bezwen neseserman dan Lalwa.

Me kekfwa sa mon krwar ki i ava en parol final, ki ou kapab donn Lasanble e menm Onorab Gill an relasyon avek sa. Mersi Mr Speaker.

MR SPEAKER

Tre byen. Onorab Gill nou ariv lo en pwen vitman. Onorab Vidot lo sa pwen ale adrese silvouple.

HON AUDREY VIDOT

An solidarite avek mon koleg Onorab Gill. Mon pa vwar li mon pa konpran ki mannyer

Gouvernman pa vwar, oubyen pa kapab idantifye oubyen pou met li ki lo nou bann zil ant Praslin ek La Digue, nou pa kapab ganny dimoun teknik ki kapab vin en reprezantan lo sa kote.

Konmsi kwa ki fer li difisil pou zot konsidere? E si zot pou *still* sa mon pare pou segonn propozisyon Onorab Gill. Mersi.

MR SPEAKER

Tre byen Onorab Gill ou ava dakor ki nou met sa size pou Lasanble vot lo la. Konman en mannyer oule fer en dernyen pwen lo la silvouple? Nou bezwen regle sa, akoz sansan nou pou reste lo la.

HON CHURCHILL GILL

Non i enportan mon ekliersi pou dimoun Baie Sainte Anne ek La Digue ki pe ekoute. Akoz *VP* i dir mon poudir Bidze sa komite pa li ki deside naturelman sa Gouvernman ki o pouvwar li ki bezwen desid son Bidze.

Sa komite li i pou egzekite. So mwan mon pe koz sa bout egzekisyon mwan. Egzekisyon apre bann priyorite. Akoz sa komite li menm li ki pou desid lo priyorite baze lo lanvlop parey ou'n dir.

Mwan mon santi poudir *when it comes to priority*, lakanlite ki mannyer fodre fer, mon santi poudir pou tro bokou letan sa de zil pa'n ganny reprezante. E la i en loportinite e mwan mon krwar poudir sa i en keksoz ki kapab ganny mete, me selman i ava depan lo Lasanble pou li deside.

MR SPEAKER

Mersi. Onorab Gill in propoz son lamannman. Onorab Vidot oule segonde.

HON AUDREY VIDOT

Mon segonn lamannman Onorab Gill Mr Speaker. Mersi.

MR SPEAKER

Mersi Lasanble i ava pran en vot lo la silvouple. Bann ki an faver sa lamannman? Mersi Manm ki kont? Mersi.

Lo lamannman propoze par Onorab Gill lamannman *number 1* lo *Seychelles Infrastructure Agency Bill, 2021*, 8 Manm in vot pour, 9 in vot kont e 12 in *abstain*. Alor lamannman pa'n ganny aprouve. Onorab Gill ou ava zis repet lankourazman ki mon ti don ou dernyen fwa.

VP avek *panel* nou fer ou en lot mannyer, pou kapab sey ganny sa reprezantasyon ki ou bezwen. E fotespere ou ava

pran lankourazman pou ou al lo la. Nou a kontinyen silvouple. Onorab Henrie.

HON GERVAIS HENRIE

Thank you Mr Chair. So (g) will stay as is. So (h) there was a proposal for two new insertion, and it would read this like this, "a person with extensive experience in auditing, accounting, engineering, or construction appointed by the Minister."

This is the proposal from the Bills Committee to widen the scope of expertise the Minister may choose from.

MR SPEAKER

Onorab Andre.

HON CLIFFORD ANDRE

Mersi Mr Chair. Mr Chair parey Onorab Henrie in dir, letan nou ti get ki mannyer i egziste ozordi, letan nou ti diskit avek *panel*, ki ti a leksepsyon VP, nou ti pe dir letan nou pe get konpozisyon komite, i paret ki *focus* plis lo finans. Akoz i annan finans, *economic planning*.

E se la osi kot nou ti pe sey *accommodate* en pti pe lide ki Onorab Gill in anmenn devan, kot i posib, i ava annan en *QS*, i posib i ava annan enzenyer ganny met lo la. Akoz si i

spesifye ki zis dimoun ki leksperyans dan *auditing* avek *accounting* i plito pe espekte zis dan sa domenn.

Alors nou, nou ti pe dir elarzir sa, donn Minis en pe plis sans pou li kapab met en dimoun. Bomaten mon'n tann Onorab Lemiel letan mon pe ekout li QS ek enzenyer.

So la i en landrwa kot sa i kapab ganny antre, kot sa dimoun sa kontribisyon. Alors mon pou siport sa *proposal* ki pe ganny met devan. Akoz mon vvar i fer li vin pli for plito. Mersi.

MR SPEAKER

Mersi. *Panel* zot annan en pwennvi VP? Wi.

THE VICE-PRESIDENT MR AHMED AFIF

Mr Chairman mon krwar sa i donn en pti pe plis opsyon pou sa dimoun, sa dimoun teknik, parske parey nou dir sa i pou vreman en *supervisory level*.

So plis ki ou donn opsyon, Gouvernman i kapab swazir sa dimoun. E alor mon krwar nou napa lobzeksyon avek. Sa Mr Chair.

MR SPEAKER

Byen. Eski Lasanble i annan okenn lot. Ok dan sa ka

nou ava kapab aksepte sa amendment. Onorab Henrie.

HON GERVAIS HENRIE

On this point Mr Chair, although we not explicitly expressing it the law, but as much as possible if that person could be from the private sector. I think it would be useful for the komite.

MR SPEAKER

Mon sipoze *panel* i ava'n not sa. Mersi. Ou ava *move on*.

HON GERVAIS HENRIE

We won't to insert a new number 4, and it would read, "a member of the committee may resign for the members office by a letter addressed to the Minister and the committee."

MR SPEAKER

Panel. Ok VP. Kontinyen Onorab Henrie.

HON GERVAIS HENRIE

Also Mr Chair a new insertion 5, that will read "subject sub-section 4, the Chairperson shall give 3 months prior notice of resignation and a member shall give not less than 1 months notice of the member's resignation."

MR SPEAKER

Panel. Onorab Lemiel.

HON SYLVANNE LEMIEL

Mersi Mr Chair. Sorry Mr Chair mon oule retourn lo nimer 2, kot pe donn sa komite ...

MR SPEAKER

Un instant Onorab Lemiel. Les mon a fini. VPavek panel lo sa dernyen sizesyon Clause 5, zot pa'n met okenn ...? In ok? Wi VP.

THE VICE-PRESIDENT MR AHMED AFIF

Mr Chairman si ou donn mon zis 30 segonn mon ava konsilte vitman avek mon lekip, zis pou mwan kapab pran en pozisyon. Mersi.

MR SPEAKER

Wi VP.

THE VICE-PRESIDENT MR AHMED AFIF

Mr Chairman mon pe zis rod en klarifikasyon petet bann expert legal ava dir sa i pe koz lo the Chairperson si li i anvi resign. The Chairperson is the Minister.

So Lalwa i fer sir poudir li ki Minis Later ki Chair. Fodre amwen i pa kapab sorti dan sa rol. Otan ki reste Minis Later. Parske Lalwa i fors li i vin Chair.

Alor i paret en pe drol zot pe donn li en keksoz pou li fer pa kapab.

MR SPEAKER

Ok eski ou anvi tenir lot pwen. A member resignation.

HON GERVAIS HENRIE

Yes Mr Chair. So if we amend it and say subject to subsection 4 'a member shall give not less than 1 month notice of the member's resignation.' So we delete.

MR SPEAKER

Ok tre byen. Napa Manm ki obzekte. Onorab Lemiel ou ava kapab trouv lo 2 please.

HON SYLVANNE LEMIEL

Mersi Mr Speaker. With regards to point number 2, I want to have a clarification, when you see that tenure of members on the Inter-Ministerial Committee its 5 years put 5 years. And maybe this is not in line with the current practice right now, which is 3 years.

So I know maybe from the perspective of continuity, there are some merits, but why is it that you want to put 5 years and not stayed with 3 years but renewable? Thank you.

MR SPEAKER

Renewable shall be for eligible for reappointment i ladan deza. VPoule adres pwen Onorab Lemiel.

THE VICE-PRESIDENT MR AHMED AFIF

Onorab mon ava adres ou an Anglais pou benefis Lawrence. *The reason that we have stated it as 5 years rather than 3, is for the simple reason that a lot of the projects often drag or span of a period more than 3 years some of the bigger infrastructure projects. Such as housing for an example.*

And therefore we prefer if we appoint somebody that he spends his time supervising something until it is finished. And often it's over 3 years.

So that's the reason, we put 5 instead of 3. So that you have continuity in terms of supervising body. Thank you Mr Chair.

MR SPEAKER

Wi Onorab Lemiel.

HON SYLVIANNE LEMIEL

Thank you Mr Chair. But in my point of view I think that there will still continuity, if we leave ... because if a member for example resign from the Committee, you see, it will have to reappoint somebody else.

So I don't see why we cannot consider 3 years, but we reappoint that person for that continuity. Thank you.

MR SPEAKER

VP?

THE VICE-PRESIDENT MR AHMED AFIF

Thank you Mr Chair. I think that resignations are the exception usually rather than the rule.

If we put it 3 it could be the rule. So you will force everybody to be to have to be reappointed. And the intention was to live them well beyond 3.

So my preference is that let it be ... if the exception happens for some reason somebody wants to resign, they are free to do so, of course. And we can deal with the exceptions.

But if you force the rule that everybody has got to go after 3 years, then you defeat the purpose of ensuring continuity. Because if what's the point of saying well we will renew after 3 years and you will reappointed. You might as well put it for 5 years and deal with the exceptions. That was the only reason. Thank you Mr Chair.

MR SPEAKER

Thank you. Nou ava bezwen settle sa Onorab Cosgrow ou ti le entervenir lo la? Silvouple.

HON WALLACE COSGROW

Thank you Speaker. I will also proceeding in English for the benefit of gentleman from AG's office. VP I have a more logical explanation as to why we should do 3 years instead of 5 years.

As you would know the Budget cycle, the Budget is prepare for a period of 3 years. So any projects - ok there will be exceptions that would overlap, but any projects should be within that budget cycle - a budget period which is 3 years.

So it makes a lot of sense to have it for 3 years and then reappointed thereafter if there is a need to keep the continuity. Thank you.

MR SPEAKER

Mersi. VP ou ava fer dernyen ladres lo la. Apre nou ava regarde ki mannyer nou kapab.

THE VICE-PRESIDENT MR AHMED AFIF

Wi I agree that the Budget usually presented in 3 years, but the budget plan is actually

whatever 3 years. And often we go 5 sometimes more years.

So all my simple point is this if you have - if in the law you can make provision for continuity let's do so and continuity for projects which span well over 3 years, is by putting a period in excess of 3 which 5. Thank you Mr Chair.

MR SPEAKER

Onorab Lemiel ou kapab les sa mannyer i ete. Ok Onorab Lemiel in aksepte. Onorab Georges wi.

HON BERNARD GEORGES

Thank you Mr Speaker. Mr Speaker in fairness to the panel and the Members of the Assembly, I would like to come back to Clause 4 and 5. And suggest a merger of the two given that we will delete Chairman from 5, I would like to propose that we retain only 4 which will read "a member of the committee may resign for the members office by letter addressed to the Minister and to the committee, giving not less and 1 months notice of the member's resignation. It's a neater ... Thank you.

MR SPEAKER

Panel i aksepte si lezot Manm pa raise counter

arguments. Ok. byen. Nou a move on. Onorab Henrie?

HON GERVAIS HENRIE

Mr Chair. We now move to Clause 8 the function of Committee. And 8(c) mean the second line, we want to capitalize 'government'. So it reads 'the Government based on the capital 'G'.

MR SPEAKER

Ok panel pa pe ... Carry on Onorab Henrie.

HON GERVAIS HENRIE

In Clause 8, the Bills Committee want to propose a following new insertion. So we have a new 'G' and it reads "monitor and oversee the management of the Agency by the Chief Executive Officer with objective of ensuring that, Roman (I) the internal management and financial control of the Agency are adequate. Roman (II), the sources of the Agency are utilized economically and efficiently.

Roman (III), the Agency operates in accordance with the principles of good governance and Roman (IV) the Agency fulfils its statutory obligation and properly discharges its functions and a new (h)

approving the Agency account under section 15.

This was circulated this morning Mr Chair I hope that the panel had time to considerate.

MR SPEAKER

VP?

THE VICE-PRESIDENT MR AHMED AFIF

Thank you Mr Chair. We don't have any objections to that. I think it just adds small more specification to the job of the Agency, which it would have had to do anyway, because it being a Government body, so it would ensure there is in general financial control and use of the resources like economical. It would that anyway. But if does no harm to put it in the law. So we have no objections to that.

MR SPEAKER

Si lezot Manm napa lopinyon diferan. This is accepted. Onorab Henrie. Onorab Bistoquet wi ou annan en pwen?

HON ROSIE BISTOQUET

Wi Mr Speaker mon annan en pti pwen. Letan mon pe get en pti pe sa manda for the functions, ou a krwar i en pti pe long.

But at the same time at 3 ki'n fer antre i (e) avek well non, non Roman (I) and Roman (II) anba (g) mon pe rode ki son diferans ki i annan "the internal management of financial control of the Agency are" apre i annan sa. Apre i annan sa lot resourcement Agency "are utilized economically."

And then (g) li menm li letan ou regarde petet it should include "not only monitoring but evaluate as well. A periodical evaluation rather ki zis sa monitoring, be selman apre pou napa en bon financial report, ouswa en bon narrative report ki petet ou a konnen since the mandate is for 5 years, so at least there would be some interim reviews ki whether you are on the right track or not for replanning purposes. Mersi.

MR SPEAKER

Panel. Wi VP.

THE VICE-PRESIDENT MR AHMED AFIF

Mersi Mr Chairman. I think the idea of evaluation has an addition is good, but when you say monitor and oversee - oversee kind of encompasses evaluation anyway. Because when you approved the development which is under Clause 8 'review and approved

development' 8(a) you would have set targets.

And therefore you oversee these target you would be evaluating anyway. Maybe it's a play onwards and we don't have objection to the principle, but maybe it could be find ways to put that within the amendment that's included. Thank you Mr Chair.

MR SPEAKER

Onorab Andre.

HON CLIFFORD ANDRE

Mersi Mr Chair. Mr Chair parey mon krwar ki mannyer i ete, I believe that the way it is, serves the purpose. And if you are putting 'monitor, evaluate the management of the Agency,' The Agency - the committee cannot evaluate the management.

I am trying to understand but I believe the way it is, is correct. And at (e) there was an 'and' which is being deleted, I believe the 'and' should come at the end of (f), because it would mean 'and (g)' which would entail everything that falls under (g). Thank you.

MR SPEAKER

VP yes?

THE VICE-PRESIDENT MR AHMED AFIF

Thank you Mr Chair. Not a lot here but I hear but I think the 'and' is correct where it's put after Roman (IV) after (g) (4). Because from that that you have the last point. Yeah? Thank you Mr Chair.

MR SPEAKER

Thank you. Si mon kapab zis soz lo la, si ou met 'and' after (g) ou pou annan after (f) ou pou annan (f) and (g) and then after (g) and (h) i sanble mwan en pe drol.

From the point of your organizing - of organizing the section. Anyway nou kapab aksepte perspektiv VP ki mannyer i ete la, it's covered. Thank you. Onorab Henrie.

HON GERVAIS HENRIE

Thank you Mr Chair. We now proceed to part IV administration of the Agency in Clause 10(2) there is a few insertion. It reads the chief Executive Officer is an employer of the Agency, and shall be responsible for the day-to-day management of the affairs of the Agency in accordance with this Act, policy directives by the Minister and we delete the word 'the policy.' So it reads 'policy

directives by the Minister and direction of the committee.'

MR SPEAKER

Panel i ok avek sa? Next one.

HON GERVAIS HENRIE

We now move on to Clause 12 'employment of staff.' In the second line where it reads 'necessary for the effective performance of its function', we want to insert 'under this Act 'and delete 'on the terms and condition determined by the committee.'

MR SPEAKER

Panel ok.

HON GERVAIS HENRIE

Ok Clause 13 'funds of the Agency in the second line, we want to insert 'under the Appropriation Act', so that it read 'by the National assembly under the Appropriation Act for the use of the Agency.'

MR SPEAKER

Yes Onorab Georges.

HON BERNARD GEORGES

Yes Mr Chair. In fact this was accepted as a principle in the previous Act last week, and it will come up again.

And in the next Act that it will come up, I have asked a question, is this strictly necessarily? Is this the way we want draft to - because otherwise you're going to have to do it every time now.

Unless there is another way of appropriating money other than the Appropriation Act, then perhaps we don't need to insert under the Appropriation Act.

Which is why perhaps it has not been inserted in the past. But if it is something that we want to insert for consistency, and because it places the matter beyond doubt, then I have no objections to it. But I was just raising this as an issue, because it will come up later today or tomorrow. Thank you.

MR SPEAKER

Panel? Yes VP.

THE VICE-PRESIDENT MR AHMED AFIF

Mr Chair we don't have any objections to the way it's drafted.

MR SPEAKER

Ok, so we have to deal with the next one when we come to it. Onorab Henrie.

HON GERVAIS HENRIE

Thank you Mr Chair. We now move on to clause 14, Delegated Funds, in second line where it says, and maintenance of government, we want to put a capital 'G' with Government.

MR SPEAKER

Yes.

HON GERVAIS HENRIE

Then we move on to Clause 15, Accounts and Audit. 15, after 15(3), we want to insert a new (4), which will read, "where accounts and the statement of the accounts of the Agency in respect of a financial year have been audited by the Auditor General, the Agency shall, not later than 3 months and after the end of the financial year, submit to the Minister responsible for Finance, a copy of the audited statement of the Agency."

MR SPEAKER

Panel? Yes VP.

THE VICE-PRESIDENT MR AHMED AFIF

Nou ok avek sa Mr Chair.

MR SPEAKER

Ok. Onorab Georges.

HON BERNARD GEORGES

Finance will take a small f Mr Speaker, because I think that's the way drafts are done. Minister capital 'M', but the ministry small letters. Thank you.

MR SPEAKER

Thank you. Next one.

HON GERVAIS HENRIE

We move on to Clause 188, Annual Report. We are proposing the insertion of a sub-Clause 18(1). So 18(1) in that paragraph, in the fourth line where it reads "report, outline the performance of the Agency".

We want to add a Capital 'A' with Agency. And we want to delete the word 'dealing'. So it will read, report, outlining the performance of the Agency and generally.

In the next line insert the word 'addressing' and delete the word 'with', so it will read, "and generally addressing the administration of the activities of the Agency during the preceding financial year."

MR SPEAKER

Panel, agreed?

HON GERVAIS HENRIE

And Mr Chair, we want to insert a sub-Clause (2) that will read, "The Minister shall, within

30 days of receiving the Agency's audited accounts and report, cause them to be laid before the National Assembly."

MR SPEAKER

Agreed. Next.

HON GERVAIS HENRIE

Mr Chair that was the last proposal from the Bills Committee. Thank you.

MR SPEAKER

Thank you. Eski lezot Manm i annan okenn klarifikasyon? Ok, me dan sa ka nou a sorti dan Staz Komite, nou a repas dan Lasanble pou Third Reading. Mersi, nou'n pre pou Third Reading. Onorab Georges ou ava anmenn Mosyon.

HON BERNARD GEORGES

Mersi Mr Speaker. Mr Speaker anba Order 76(1) nou Standing Orders, mon move ki Seychelles Infrastructure Agency Bill, 2021 as amended i ganny lir en Trwazyenm Fwa, mersi.

MR SPEAKER

Nou a ganny secondment pou sa Mosyon? Onorab Arissol.

HON SANDY ARISSOL

Mosyon *as amended* i ganny
amended Mr Speaker. Mersi.

MR SPEAKER

Mersi. Nou a vot lo *Third Reading*, Manm ki an faver lev lanmen silvouple? Byen, Manm ki kont? *Thank you.*

Lo *Formal Third Reading of the Seychelles Infrastructure Agency Bill, 2021 as amended*, 21 Manm in vot pour, 0 kont e 7 abstansyon. *Bill* in pase lo *Third Reading*. E Madanm Clerk a fer *Formal Third Reading*.

MADAM CLERK

Mersi Mr Speaker. *This Act may be cited as the Seychelles Infrastructure Agency Act, 2021.* Mersi Mr Speaker.

MR SPEAKER

Mersi. Alor mon deklare ki sa *Bill* in pase par Lasanble. Bon, be nou a pran en *break* 30 minit, nou a fer li 27 minit, nou a retournen 4er 10, pou kontinyen travay lo prosen *Bill*.

Mon a remersye *panel* ki'n avek VP pou sa. Akoz mon konnen zot pe al sanz *panel* zofisyé. Me mersi pou zot bann partisipasyon e bonn rantre. Nou ava pran *break* la.

(BREAK)

MR SPEAKER

Nou pou pran *Seychelles Agricultural Agency (Repeal) Bill, 2021*. Madanm reporter mon ava demann ou pou apel panel.

Bon *welcome back* VP, e mon a swet labyenveni Mr Keven Nancy *Principal Secretary* pou Lagrikiltir, Mr Randy Stravens *Senior Biosecurity Officer* e Mr Victor Pool, *Senior Legal Draftsperson AG's Office*.

Nou pe pran *Seychelles Agricultural Agency (Repeal) Bill, 2021*. Onorab Georges i a prezant Mosyon pou *Second Reading* sa *Bill*.

HON BERNARD GEORGES

Mersi Mr Speaker. Tre bonn apre midi Vis-Prezidan avek bonn apre midi ou nouveau panel. Mr Speaker anba *Order 69(2)* nou *Standing Orders*. Mon move ki the *Seychelles Agricultural Agency (Repeal) Bill, 2021* i ganny lir en Dezyenm Fwa. Mersi.

MR SPEAKER

Mersi. Mon a ganny en segonnman lo Mosyon. Onorab Sandy Arissol.

HON SANDY ARISSOL

Mersi Mr Speaker, Mosyon i ganny segonde.

MR SPEAKER

Mersi. VP, ou a fer prezantasyon sa *Bill please*.

THE VICE-PRESIDENT MR AHMED AFIF

Mersi bokou Mr Speaker, bonn apre midi ankor enn fwa. Mr Speaker, *Leader Business Gouvernman*, tou bann Manm Lasanble prezan e tou dimoun a lekout.

Mr Speaker tou dabor mon isi ankor enn fwa dan mon, pou reprezant Minis pou Lagrikiltir, ki malerezman i pa dan pei. I pe reprezant pei dan COP26 an se moman.

Mr Speaker mon annan gran plezir pou prezant sa Lalwa, *Seychelles Agricultural Agency (Repeal) Bill, 2021*.

Sa lamannman i anliny e kontinyasyon sa bann lezot lamannman ki nou'n deza fer dan bann lezot Lalwa.

Avek bi pou fer en restriktirasyon dan bann Lazans Lotorite e lezot lenstans bann lofis ki desarz bann fonksyon Gouvernman, pou anmenn pli bon ladministrasyon e retir birokrali, gaspiyaz e ogmant lefikasite dan gouvernans sa bann lenstitisyon.

Gouvernman alors in war li neseser pou *repeal* sa

Lalwa ki devan nou ozordi, e transfer sa bann fonksyon avek Departman Lagrikiltir, ki ava pran sa bann fonksyon.

An rezulta *repeal* sa Lalwa, i pou osi neseser pou fer bann lezot lamannman dan bann lezot Lalwa, ki nou apel bann *consequential amendments*, pou retir okenn mankman, ouswa anbigite, ki vini an rezulta sa *repeal*.

Sa bann lamannman konsekan ki ganny trouve dan *schedule* sa *Bill* i comme swivan;

Premyerman, en lamannman dan seksyon 2, *Control and Protection of Dogs Act 2018*, pou amann definisyon ‘Competent Authority’, pou fer ki *Competent Authority* i ava prezan Departman Lagrikiltir.

Dezyenmman, 2 lamannman dan Lalwa *Animal and Plant Security Act 2014*, alor premye seksyon 2 i ganny amande pou ranplas definisyon *Agency*. Par *Agency*, means:-

‘The Agency Ministry Department of Government or a public body as designated under section 4(1)(e).’

E dezyenmman, amann seksyon 4(1), sa menm Lalwa, *Animal and Plant by Security Act, 2014*.

Pou ki Departman Lagrikiltir i ava vin sa Lazans ki ava responsab pou *Biosecurity*. Vwala Mr Speaker. Mon konnen petet, pou annan ki pou dir, taler ou ti vin kree en Lazans, me la ou vin retir en Lazans.

E son leksplikasyon i tre senp e i baze lo menm lobzektif. Se pou vin pli efikas, dan sa ka oparavan ti differan akoz aktivite ki ti pe ganny fer. Setadir planifikasyon eksadera ti pe ganny fer atraver plizyer Minister.

Alor, pou ou vin pli efikas, ou santraliz li avek tou son resours anba en sel ki pa ti egziste, ki nou'n kree li. Tandis ki dan sa ka, tou sa bann aktivite pe deza ganny fer anba en menm twatir.

Me selman tousala anba differan Lazans. Alor fer li vin pli efikas, tir sa bann birokiasi, fer li ganny *managed* par Departman Lagrikiltir, parey ti deza ete, e ti mars byen lontan.

E avek sa Mr Speaker, mon espere ki nou pou ganny sipor pou sa *Bill*, pou fre Gouvernman vin pli efikas e pou fer ki i kapab delivre dan son manda, pou devlop sa Sekter Lagrikiltir dan Sesel. Mersi bokou Mr Speaker.

MR SPEAKER

Mersi Vis-Prezidan. Bon nou pare pou pran deba lo sa *Bill*. Byen, mon annan 4 entervenan. Nou a komans avek enn kote latab. Onorab Woodcock.

HON WAVEL WOODCOCK

Mersi Mr Speaker. Mr Speaker sa *Bill* ki devan nou ozordi, i fer provizyon pou nou *repeal* (*SAA*), *Seychelles Agricultural Agency*. E sa Lazans annefe ti ganny kree an 2009 pou devlop e promot lagrikiltir.

E sa *Bill* pe fer provizyon pou *repeal* sa Lazans e transfer tou son fonksyon anba Minister Responsab pou Lagrikiltir. Parey *VP* in dir, pou tir en pe bann *duplication* ki deza egziste.

Olye ki i annan plizyer Lazans, sa bann fonksyon i kapab ganny konsantre anba Departman Lagrikiltir. E tou bann travayer e lezot *assets* sa Lazans, pou ganny transfer anba Minister pou Lagrikiltir.

E en kestyon ki nou bezwen demann nou lekor ozordi, se, annefe 2 kestyon nou kapab demann nou lekor ozordi se, eski sa Lazans ti pe akonplir son manda pou devlop e promot lagrikiltir, akoz sa ti son manda.

Eski nou bezwen sa lazans, ouswa ti pou fer plis sans pou transfer sa lazans anba Departman Lagrikiltir? Pou regran premye kestyon Mr Speaker, eski sa Lazans in akonplir son manda pou devlop e promot lagrikiltir depi 2009?

Mon larepons Mr Speaker, dan mon lopinyon, baze lo sa ki mon'n obzerve, se non. E COVID-19 in montre nou sa e in montre nou bann defayans dan sa Lazans. Annefe Mr Speaker, anba Gouvernman presedan, ti napa ase lanfaz lo Sekter Agrikol, lo Sekter Lagrikiltir.

Lagrikiltir pa ti pe kontribye en gran keksoz dan nou lekonomi. E nou ankor pe depan bokou lo lenportasyon lavyann ek plizyer legim, poursantaz prodiksyon, poul ek koson i ankor ba. I pa ase pou konsonmasyon lokal.

E nou annan problem, plizyer *issue* ki ozordi relye avek sa Lazans. Parey en konparezon, nou ankor annan problem labatwar Mahe.

Nou ankor annan problem labatwar Praslin. Ki nou Gouvernman dizour ozordi pe sey rektifye sa bann konsern, sa bann *issue*.

Prodiksyon agrikol osi, i pa lo en nivo ki garanti nou sekirite alimanter. E bokou

later lagrikiltir pa pe ganny servi lo nivo, lo poursantaz ki i merite. In annan mank sipor e finansman pou fermye.

Konsern SAA Praslin, e i annan osi plizyer konsern ki'n ganny resorti SAA, Praslin. Ki annefe son biro i baze dan mon distrik Grand Anse Praslin. Plizyer *issue* in ganny fer resorti par bann fermye, e plizyer lezot parti prenon.

Parey en konparezon, dan lepase enn bann gro konsern ki nou'n war, se materyo lo *store* dan lepase, in annan bokou mankman. Mankman legren, langre, pestisid ek lezot prodwir.

E nou'n war bokou bann keksoz, bann labi, e in annan bokou afilyasyon, ki ou'n war poudir i annan bokou desizyon in ganny pran, i baze lo politik, ouswa i baze lo nepotism. Ennler zis bann fanmir, dalon ek zanmi ki'n ganny materyo.

Sirtou ler ti annan bann *scarcity* lo *store*, olye ki ti ganny partaze dan en fason ki tou ti kapab ganny en pti keksoz, ki pou fer zot bann travay lo zot bann laferm.

Nou'n war kot SAA Mr Speaker, kot zofisyen ansarz dan lepase in akimil later lagrikiltir. E, pe pas later lo li menm, ouswa son fanmir pros pou fer lagrikiltir lo la.

Ki en konfli lentre Mr Speaker, me sa bann *issue* pa'n ganny adrese dan lepase. Me mon bezwen fer resorti Mr Speaker, ki sa en konsern ki plizyer fermeye. *In fact*, i annan detrwa *issue* la mon fek dil avek, ki mon'n bezwen met dan latansyon Minis Joubert ki'n dil avek ase vitman.

Fermeye in ganny pini malapropo. E nou'n vwar bann ka, kot bann fermeye ki dan lepase ti dan lapartenans politik avek *LDS*, nou war lafason ki zot in ganny abize.

En ka, en *casing point* ki'n arive ase resaman, kot en zofisy'e Lapolis in ganny later lagrikiltir e in menm oule pran later en fermeye ki ti deza annan *crop* lo son later. Annefe i ti annan mayok lo son later.

E en zofisy'e Lagrikiltir, mon pe demann mon lekor ki mannyer in kapab ganny sa grander kare later lagrikiltir pou fer agrikol lo la? E an menm tan i oule later lezot fermeye otour.

E i zis i mont lo sa later, in met pwazon, in touy bann *crops* sa dimoun. E SAA pa ti pran okenn aksyon. Sa dimoun in ganny soutire, ziska ler mon ti met sa *case* dan latansyon Minis Joubert, ki'n antre pou dil avek sa sityasyon.

Minis in annan tro bokou keksoz ki'n pase kot SAA, ki nou pa kapab kontinyen tolere. E Mr Speaker, sa bann zafer dalon, ler pe fer alokasyon later, nou pa kapab kontinyen. Nou pa kapab kontinyen avek sa bann keksoz koumsa.

Annefe, en lot ka ki mon mazinen en madanm - en madanm fermeye lo Praslin ki'n fer en kantite in devlop son later, i sonny koson, son later i servi preske to maksimonm use.

Zot pini li, zot pa donn li permisyon pou met koneksyon elektriske, akoz son piti i bezwen sorti kot li al dormi en lot landrwa.

Tousala i bann keksoz ki'n arive, bann labi ki'n arive dan SAA Praslin, ki ozordi mon dir, mon dakor avek sa propozisyon ozordi, sa lamannman ki pe ganny anmennen pou sa Prozedlwa pou *repeal* SAA.

Akoz mon pa war vreman ki in fer pou bann fermeye lo Praslin. Mon'n war ka kot in annan fermeye Praslin, ki pe *lease* later lagrikiltir. Me zot pa pe devlope.

E i annan en bann ki pe *sublease* zot later ek lezot fermeye e sa bann lezot fermeye i bezwen pey zot. I annan fermeye ki bezwen peye avek koson.

Sa bann keksoz ki'n arive Mr Speaker, ki nou bezwen, nou'n vwar poudir in annan bokou bann labi.

Alokasyon later, lafason ki in ganny fer dan lepase, i enportan ki ler sa Lazans i ganny *repeal*, i al anba Departman Lagrikiltir, nou get pli en pe serye.

Zisteman, mon a donn ou en ka ankor Mr Speaker, i annan en zoli morso later, detrwa arpan ki fek ouver par lao propriete defen Mr Barra. E alokasyon later pe al ganny fer byento.

Me se ki mon'n aprann se pa tou bann fermeye ki SAA in enformen. E i annan bann fermeye ki plizyer lannen, en bon pe letan pe espere, pou ganny en bout later ouswa pou agrandi zot later.

E sa bann zafer dalon la, mon war i ankor annan, son rasin i ankor kot SAA. E nou bezwen arete ek sa bann kalite labi. Zisteman mon bezwen mazin enn bann fermeye ki'n met son konplent devan mwan, ki i pe espere pou ganny en bout later.

Mon mazin Mr Kenneth Hoareau ki son later pe ganny afekte avek bann desarz ki sorti lo *landfill*, ki pe espere pou li ganny en bout later lagrikiltir. En sou, personn, personn kot

SAA pa'n kontakte sa msye, ki pou plizyer lannen pe met son konsern devan e nanryen pa'n ganny fer Mr Speaker.

Mwan mon pou dir, mon senserman krwar ki i merit annan en pli bon *oversight* lo alokasyon later lagrikiltir, *monitoring* lo pozisyon agrikol, *farming*, e ki sa Lazans i merit ganny *repeal* e tou fonksyon prey pe ganny fer, ganny transfer anba Minister pou Lagrikiltir, anba Departman Lagrikiltir.

Nou Gouvernman ozordi in pran en novo lelan, pou ankouraz Lagrikiltir lo zil, prodiksyon lezot *crops*. E Gouvernman pe met plis lanfaz lo lagrikiltir, plis ki in ganny mete oparavan.

E alor sa ki mon pe demann tou bann Manm dan Lasanble Nasyonal ozordi, annou sey fer en keksoz dan en lot fason. E nou ava get rezulta. I annan en *saying* ki dir "*insanity in doing the same thing over and over again, and expecting different results.*"

Nou bezwen sanz keksoz ler keksoz pa marse. Alor, avek sa provizyon ki pe ganny fer dan sa Lalwa pou *repeal* SAA. E transfer tou son fonksyon, son *asset* anba, Departman Lagrikiltir i enn ki mwan mon

pou siporte. Avek sa 2 mo mon dir ou mersi Mr Speaker.

MR SPEAKER

Mersi Onorab Woodcock.
Onorab Cosgrow.

HON WALLACE COSGROW

Mersi, sorry. Mersi Mr Speaker. Mr Speaker ler mon'n ekout prezantasyon Vis-Prezidan, in gid nou en pti pe lo akoz nesesite sa (*Repeal Bill*).

Mon sey konpran, me parkont Mr Speaker, atraver ou, ler mon ekout entervenan ki'n koze avan mwan, i paret mwan ki i krwar ki tou sa bann fonksyon pe al ganny aret fer.

Tou sa bann dimoun ki pe travay dan SAA, sa bann ki dir, pe mal zer SAA, pe al ganny pouse, e ki tousala pa pou vin anba Minister. So petet mon krwar entervenan i devret koz ek Minis, dir li adres sa bann issues dan SAA.

Me la nou pe koz lo *repeal* en Lazans, pa bann fonksyon, pa bann dimoun ki travay dan sa Lazans. So si i annan problem avek dimoun, avek sa, sa mon krwar i devret adresse, me pa kraz en Lazans akoz i annan serten problem.

An dizan sa Mr Speaker, mon pran laparol ozordi apre midi, koman enn bann ansyen travay SAA. Annefe bann,

parmi bann premye group ki ti zwenn SAA an 2009, ler ki Minister, bann fonksyon, bann Minister ti sanze.

E servis ti ganny anvoy dan en Lazans e Polisi ti reste avek Minister. Mon 2 zanmi devan la, CEO avek Mr Randy, nou ti bann premye staff SAA sa letan an 2009. Zot ankor la, mwan mon'n bouze.

Mr Speaker mon dir sa la apre midi, akoz konmsi mon en pti pe, pa pou dir emosyonnel, be selman mon dezapwente, akoz nou konn rezondet akoz SAA ti ganny kree.

I ti enn bann premye Lazans ki ti ganny kree anba programm reform ekonomik avek IMF sa letan. E i ti ganny kree zisteman, akoz ti annan en kantite lezot Lazans ankor ki ti ganny kree ki ankor bokou egziste ozordi.

E i ti ganny kree avek en bi si mon konpran byen. Sete pou separ en pti pe *the Polisi side of Gouvernman*, avek *the implementation side* Polisi Gouvernman, avek bann servis ki Gouvernman i donnen.

Sete sa nide, e mon krwar Vis-Prezidan sa letan, ou pou osi ofer avek bann diferan rezondet pou sa reform striktirel Gouvernman ki IMF ti endorse sa letan.

I zis met en pti kestyion dan mon latet, 12an apre, preski 13an apre, nou annan en programm *IMF* lo pei. *IMF* i dir ki tou i *ok*, dapre dir. Me solman *IMF* menm ki ti propoz sa bann zafer avek nou.

Mon ti a kontan konn en pti pe ki zot pwennvi lo sa bann *u-turn* en pti pe ki novo Gouvernman pe fer an term tir en pe *or deregule* en pti pe servis Gouvernman, tir servis, tir enplimantasyon, met dan bann Lazans.

Ki zot pwennvi lo la? Akoz dapre sa ki mon'n ganny dir, sa i en kontinyasyon reform 2008. Bokou bann dimoun ki mon'n koz avek, ki ozordi i partisip da reform, zot in dir mon poudir sa i en kontinyasyon.

So, ler nou kontinyen, nou ti sipoze *build* lo sa ki nou'n fer. So, akoz ozordi ki nou deside *reverse* sa ki nou'n fer, ki ti sipoze pli bon. Si nou annan serten defayans an term *management*, dimoun, petet sa nou adrese dan en fason.

Me eski, akfer nou bezwen frenm en Lazans, zis pou petet cater pou serten defayans. Mon santi Mr Speaker ki, mwan pou mon, mon santi ki poudir sa i en *step backward*.

E mon'n deza dir dan bann, dan keksoz, dan bann diskisyon ki nou'n gannyen isi

anndan, dan bann diferan letan kot bann Lazans Gouvernman, in anmenn bann Lalwa pou *repeal* serten bann lazans.

Mon santi ki i en *step backward*. E mon santi ki Gouvernman, malgre dan tou sa letan ki zot ti dan Lopozisyon, zot in koz lo desantraliz keksoz, tir pouvwar santral dan lanmen politisyen, dan lanmen bann Minis, ki ozordi zot pe tourn *back to* sa ki zot pa ti anvi tou sa bann letan, letan zot ti dan Lopozisyon.

E si nou'n arriv la, si nou'n arriv la Mr Speaker, pou mwan i en pti pe regretan. I en pti pe regretan akoz nou sipoze *look forward*, nou sipoze annan en sanzman ki anmenn keksoz pli byen.

Me parkont nou war nou pe tourn an aryer. Enn bann keksoz ki mon ti a kontan koz lo la for, ki mon krwar i enpakte en pti pe lo sa ki pe al arrive ozordi, se sa Lazans ti ganny gide par en *Board of Directors* dan son formasyon.

Taler nou'n war en Lazans ki pa'n neseserman annan en *Board of Directors*. Me plis en konsey en Komite Ministeryel. Me sa enn ti *actually* ganny divize par en *Board of Directors*.

Lo sa *Board of Directors*, ti annan partisipasyon prive. Sirtou partisipasyon bann

dimoun ki *involve* dan Sekter Prodiksyon Manze.

E lo sa *Board* zot ti ganny en loportinite pou zot met across zot bann konsern, zot bann laspirasyon, e ede *steer* sa Lazans dan direksyon ki ti pou benefisyab pou tou dimoun ki dan Sekter Prodiksyon Manze.

Taler nou'n tann enn de bann, pa lakizasyon, me solman, bann keksoz lo ki mannyer SAA in mal fer. Mon pe mazinen sa bann fermye ki ti lo *Board*, eski sa bann lakizasyon i tonm lo zot. Eski zot in mal fer lo *Board*?

Eski sa direksyon *Board* in sitan mal fer, ki ozordi Gouvernman i deside frenm sa lazans e met tousala anba Minister.

So sa i bann kestyon petet ki nou bezwen asize demann nou lekor ozordi. Ler nou pe *repeal* Lalwa pou en Lazans, ki vreman enportan, nou get son *sister Agency*, SFA, ki ankor reste. *Fisheries* i annan li en Minister, Departman.

I osi annan SFA ki enplimant Polisi e osi Lotorite pou bann zafer *fisheries* Sesel. Me parkont nou war lot kote, en lot kalite mouvman. So mon krwar ozordi bann fermye, nou bezwen demann nou lekor, eski sa ki ti egziste avan 2009, zot ti satisfe avek?

Eski sa ki'n vini atraver SAA, malgre tou son enperfeksyon, eski ti donn zot en fason pou zot met zot bann pwennvi devan? Zot ava analize zot ava gete.

Si zot krwar poudir 2009 ti pli bon, or pa ti tro bon, sa ki zot pe al gannyen la, se sanmenm sa ki zot pe al gannyen, zot pe al ganny sa ki ti 2009.

Akoz tou pouvwar, tou Lotorite i santre lo Minister e Minis ki deside. E dernyen pti pwen Mr Speaker, parey tou kou mon dir dan sa bann diskisyon, ki lenpak VP sa pou annan lo bann travayer sa Lazans?

Nou annan en nouveau CEO fek ganny apwente la, ki i arive avek nouveau CEO? Nou annan bann profesyonnel, kantite zot mon'n travay avek zot. Bann dimoun ki dedye zot lenerzi, zot letan dan lagrikiltir.

Ki i arive ek sa bann dimoun? Vi ki ler ou santralize, nou fer li vin pli efektiv, donn sa bann *staff* en garanti ki pou arive avek zot lanplwa. So avek sa Mr Speaker, mon pa oule koz plis ki sa.

Mon a donn lezot Manm loportinite, akoz i deza tar. Me solman sa i bann refleksyon ki mon ti a kontan Lasanble, bann fermye, bann *food producers*

laba deor i asize i mazin lo la. Akoz mon krwar sa i pou annan en lefe lo sa sekter *going forward*. Mersi bokou Mr Speaker.

MR SPEAKER

Mersi Onorab. Onorab Hoareau.

HON JOHN HOAREAU

Mersi Mr Speaker. Bonn apre midi Mr Speaker. Bonn apre midi *Vice-President* avek ou lekip. Bonn apre midi tou dimoun a lekout.

Mr Speaker swivan Diskour Prezidan lo leta la nasyon ki ti fer le 01 Fevriye 20201. I ti anons restriktirasyon dan Gouvernman. I ti anons nouveau fason fer. I ti pe anons sa pou anmenn plis lefikasite pou maksimiz resours ki nou annan, nou resours imen, nou resours finansyel.

E pou permet pli bon planifikasyon a fas a sa pti gin resours deza ki nou ti pe fer leksperyans avek pandan sa pandemik *COVID*. Mr Speaker sa pa en *step backward*, sa i en *step an avan*.

Mr Speaker, ozordi nou pe retir en kantite sa diplikasyon ki'n egziste avek bann kalite fason fer keksoz dan sa vye

mindset. Nou pe anmenn nouveau *mindset* dan sa pei.

Nou pe retir birokiasi. Nou pe permet lepanouisman sa pep. Nou pe permet travay mars pli vit. E parey zot ti fer oparavan pou fer dimoun vir an ron, nou pe retire sa bann baryer.

Mr Speaker lagrikiltir pe anmenn en nouveau lorian dan Sesel, pe get keksoz dan en nouveau direksyon. Ozordi nou pe tann bann zenn ki pe enterese dan *intensive agriculture* pou anmenn *vertical agriculture, vertical farming*.

Nou pe vvar en *drive* ki zanmen nou'n vvar avan *towards lotosifizans ek sekirite alimanter*. E par sa nou bezwen *pull up* nou tou, nou resours, pou fer sir annan *maximum use of* nou bann dimoun, *of* nou bann resours ki a nou dispozisyon.

E se pou se la rezonn ki tou keksoz i bezwen ganny vvar dan en fason, parey nou dir sa, an Angle, dan en *holistic approach*.

Mr Speaker i fer mwan mazin, par egzanp sa lanvaisman *tutta absoluta*, ki ti arive Praslin.

E sa ti bezwen parey nou dir, en lapros milti sektoryel - en lapros kot tou bann diferan

sekter dan lagrikiltir i zwenn ansanm pou met zefor, pou kapab evalye sityasyon, rod en solisyon e fer sir ki sa kalite keksoz pa ganny propaze.

E par sa almalgamasyon SAA avek *Biosecurity*, ki pou tonm anba en sel Departman Lagrikiltir i pou permet fasilit kordinasyon sa kalite travay koumsa.

Mr Speaker, an fas ki Sesel in antre dan lagreman lagrikiltir avek *WTO*, i fer ki serten lobligasyon ki nou ti annan, ki nou'n *commit* nou lekor avek anba *WTO*, pa ti pe ganny kouver par sa Lalwa anba SAA.

Alor i neseser pou kapab retir sa bann baryer pou fer sir ki nou kapab *fully onor* nou bann komitman e nou bann lobligasyon.

Ozordi osi nou pe vvar poudir i annan en logmantasyon dan *trade and tourism*. I annan bokou keksoz ki nou pe enporte, manze ki nou pe enporte, lagrenn nou pe enporte.

Menm sours, parey nou dir, bann *bloodline*, bann *livestock bloodline*, bann diferan resours zenetik ki pou nou re enplimant sa dan nou, pou *beef up* en pti pe nou prodiksyon.

Nou pou ganny kalite lavyann, pou ganny plis

prodiksyon dan lagrikiltir. Alors tousala i demann en lapros *holistic* parey mon dir. En lapros kot nou met tou zefor ansanm pou nou kapab achieve.

Mr Speaker, en keksoz ki fer mwan tre fyer ler mon pe get sa *repeal*, i en *repeal* ki donn garanti osi tou sa bann travayer ki travay anba SAA.

I dir zot koumsa, dan Clause 3, poudir tou dimoun i pou ganny anploye avek Gouvernman dan en fason ki i pa pou mwens favorab ki i ti ete avan. Savedir zot travay i garanti.

Mr Speaker, mon krwar poudir sa Lalwa pe al dan bon direksyon e pe anmenn plis lefikasite dan Gouvernman *LDS* ki o pouvwar, dan Gouvernman Sesel ki formen par *LDS* ki o pouvwar.

Alor, mon krwar poudir mon pou siport sa lamannman antyerman parey i ete. E mon demann tou lezot Mamm lot kote pou siport sa lamannman parey in ganny anmennen pou *repeal SAA*. Mersi.

MR SPEAKER

Mersi Onorab. Onorab Aglae.

HON EGBERT AGLAE

Mersi Mr Speaker. Ankor enn fwa bonn apre midi Minis

ek bann zofisyé Lagrikiltir ki la devan nou e reprezantan AG's.

Mr Speaker sa *Bill* ki la devan nou pou *repeal* en Lazans, ki boner nou'n entrodwir en lot Lazans, pou mwan Mr Speaker mon krwar i enportan ki nou sitye nou lo konteks ki nou pe koz lo en sekter ki sipoze prevwar nou sekirite alimanter a tou pri.

E osi annan en zistwar ki antase avek devlopman lagrikiltir dan Sesel. Mr Speaker listwar in fer ki apre '77, nou ti vvar poudir pei ti anbark li lo en reform dan en sans pou kapab annan logmantasyon dan bann prodwir agrikol.

E la kot nou ti war nesans bann diferan bloker, bann diferan akter ki ti enterese. E nou osi nou ti vvar kot preske sak lakour, ti annan bann fanmir ki ti pe fer elevaz zannimo e menm plante.

Me avek letan Mr Speaker, devlopman in anmenn nou dan en direksyon. Kot premyerman bann sityasyon lasante, lizyenn presizeman, ti fer ki ou ti nepli annan serten permisyon pou ou kapab, sirtou koson, pou ou sonnyen kot ou lakour.

Menm parey avek elevaz poul. E sa ki in tradwir se ki nou'n war en degradasyon lo *availability* sa prodwir lo marse

ptitapti, an mezir ki bann lezot fermye, se ou pe repran lanfaz met lagrikiltir koman en biznes dan li menm.

E osi en eleman osi ki'n ede fer koz serten degradasyon, se ki pep in vin pli edike. E lekol a en pwen letan si ou en etidyan ou pe konsider en metye dan lagrikiltir ouswa dan lapes, ouswa fermye, parfwa ou ti ganny dekouraze.

Sa osi in ede pou napa la releve lazenes dan sa sekter parey. E si ozordi nou vvar poudir nou pe annan en kriz, sirtou travayer, se petet, mon pa pou blanm Gouvernman, me selman lafason ki serten keksoz nou'n enplimante.

Mr Speaker ozordi ler ou koz ek tou fermye, zot dir ou nou bezwen get lagrikiltir koman en biznes. I enportan sa. E rol Gouvernman atraver son Minister avan kreasyon Lazans an 2009 li menm, ki tousala ti ansanm, se ki zot ti pe revwar Polisi, regilasyon, e an menm tan zot ti pe fer lenplimantasyon avek lenfrastriktir donn akse bann kredi.

E zot ti vvar poudir a sa moman letan i bezwen annan en separasyon. E se la kot Lazans in ganny kree pou kapab *focus*. Lazans li ou ale *focus* sa ki Polisi pe dir

enplimante, donn sipor bann fermye.

E la kot nou ti war bann *extension officer* avek bann diferan zofisyé, ki'n ozordi in al etidyé, in vin dokter, in vin eksper dan sa domenn. I montre ou poudir ti annan zefor pou fer sa.

Me si ozordi nou'n arriv sa pwen kot nou pe dir poudir lagrikiltir, prodiksyon pa alaoter, pa o nivo, se ki i osi i annan bann gran demann. E *COVID* in montre nou, kote bann demann i sorti.

Pei in devlope, domenn touristik in devlope, plizyer etablisman touristik, lotel, *guest house*, ozordi Mr Speaker pe konsonm en gran poursantaz nou bann prodwir agrikol.

Ki fer ki a en pwen fermye ti pe tay kot i pou ganny gro larzan byensir. E nou vwar poudir nou bann dimoun dan lakominote, petet pa ti pe ganny sa marse ki zot ti ekspekte.

Me ler *COVID* nou'n war poudir fermye in sorti, zot in war poudir zot annan tro bokou sirplis, se akoz bann akter dan lekonomi, dan lekonomi, dan zot biznes, ti annan en ralanti dan zot biznes e zot pa ti bezwen sa volim prodwir.

Sa osi nou konstate poudir i annan en kantite

prodwir agrikol. Me selman dan domenn demann li menm li, nou war poudir lekonomi pe releve. Nou'n war poudir lakantite ki pe ganny demande.

So mwan Mr Speaker, sa ki mwan mon oule met devan VP ozordi, se ki pe enport ki zot anvi fer avek Lazans Lagrikiltir, fermye i bezwen kontinyen prodwir, fermye i bezwen kontinyen asir nou sekret alimanter.

E si nou serye, pou nou redwir lo kou lenportasyon ki atase avek demann pou deviz etranzer, nou bezwen premyerman, *take stock* tou bann later lagrikiltir ki nou annan e fer sir ki i ganny prezerve, pa ganny servi dan li menm li, parey nou pe vwar, nou'n war.

Ki later pa pe ganny servi dan sa fason ki i sipoze. Ouswa nou war pe ganny fer konstriksyon lakaz lo la - bann estate, tousala nou bezwen fer sir ki nou *take stock* sa bann later. E gard li pou bann fitir fermye demen.

Dezyenmman *issue* ki i annan pou fer ek sa sekter, i annan en gran demann pou zouvriye, pou travayer, pou fermye. E nou pe vwar poudir en kantite etranze in antre dan sa sekter, i napa ase Seselwa.

Se sa ki mon'n dir oparavan. In annan en mankman par la, ki in fer ki ozordi demann pou travayer etranze in ogmante.

Lot eleman ki enportan Mr Speaker se annan bann materyo ki bann fermeye i bezwen. Souvandfwa nou tande poudir nou annan en *store* lagrikiltir, me napa se materyo pou *supply* bann fermeye. Ozordi i annan fermeye ki pe fer li lo *baz extensive farming*.

I annan bann gran laferm ozordi, ki pa ti le ka dan lepase. E i fer ki zot nivo prodksyon i vin pli vit. E ki si napa ase materyo de baz, byensir zot pou sibir serten ralanti. So sa i en keksoz zefor ki bezwen ganny mete.

E mon ti a kontan VP, ki pou arive ek *store* Lagrikiltir, ki zot plan anba sa Minister pou *revamp* sa *store* Lagrikiltir?

Eski zot pou antre ek sekter prive, pou garanti poudir zot osi zot annan en rol pou zwe dan lenportasyon sa bann materyo ki zot pou bezwen pou zot servi.

Lot eleman mon krwar ki nou pou bezwen adrese, ki ankor annan problemm. Sirtou parey dan mon distrik Mr Speaker, se bann lenfrastriktir.

Nou pa ankor kontinyen annan bann fermeye ki bezwen

sot kap ros ler zot pe fer zot rekolt. Napa pon, napa semen. So i bann eleman ki Minister i bezwen pase, sirtou sid was.

Kot nou annan sa gran popilasyon fermeye ki bezwen ganny gete pou asire ki zot eze e zot kapab delivre osi. Initil ou vini ou pou dir zot, fodre zot later i plis ki 80poursan ganny okipe avek bann prodwir lagrikiltir. Me li menm li, i pa pe kapab ganny en bon akse pou li arive kapab organiz son teren pou li fer son bann prodwir.

I bann keksoz ki nou bezwen etablir e Minister i bezwen pran kont sa. Lot eleman se eleman *marketing* parey ou'n dir. Souvandfwa nou annan sirplis.

I annan fermeye in mont lo televizyon dan lepase, ki in dir ou, be mon annan tro bokou, napa lavant, mon bezwen zete. Tousala i bann eleman ki nou bezwen konsidere e al ver sa *added value* ki nou, nou krwar i merit annan.

E ladan i a vin ek son ledikasyon pou nou. Minister i bezwen fer sir ki i annan sa ledikasyon, si fodre anmenn bann eksper pou vin montre sa bann fermeye ki ou fer avek sirplis, avek serten prodwir ki nou santi i kapab ganny anbale, met dan en *container*. Si fodre i

kapab ganny menm eksporte dan la rezyon.

Tousala i kapab ganny fer. Akoz mon'n vwayaze Mr Speaker, mon'n war sa bann keksoz valer azoute, dan fason senp posib ki kapab ganny fer.

Lot eleman petet ki nou bezwen konsidere Mr Speaker. Fermye i prodwir, dan lagrikiltir i annan sezon, i annan sezon ki ou fer byen, i annan sezon ki ou pa fer byen.

I annan letan ki lapli i tonbe e ou prodwi i ganny detri. Fermye parfwa i fer perd plizyer mil roupi. Akoz, e i pa pe ganny okenn ranboursman apre.

So nou bezwen vvar sa, si fodre revwar sa lasirans ki egziste, ouswa remet bann mekanizm an plas.

Menm si i annan bann Fon parey anba *Livestock Trust Fund*, annou gete ki mannyer nou bezwen kapab soutenir fermye.

So Mr Speaker, mwan sa sekter i en sekter ki vreman enportan, akoz li ki garanti' nou sekirite alimanter. Pe enport ki sa Gouvernman *LDS* i anvi fer avek Lagrikiltir, avek sa Lazans, son devwar, akoz nou *form* par, sirtou anba *FAO*, anba Nasyon Ini.

Kot i annan bann rekomandasyon ki nou bezwen swiv, kot i konsern met Bidze

an relasyon avek sa Sekter Lagrikiltir, nou bezwen onor sa bann komitman e osi garanti fermye poudir zot annan en sipor 100poursan par deryer zot.

Mr Speaker avek sa, mon pou gete ki direksyon i pe pran. E mon a fer mon konklizyon. Mersi.

MR SPEAKER

Mersi Onorab. Onorab Henrie.

HON GERVAIS HENRIE

Mersi Mr Speaker. Bonn apre midi tou dimoun. Mr Speaker an Oktob lannen pase, in annan en nouveau Gouvernman ki'n vin o pouvwar.

E dan tou pei lemonn, i responsabilite ouswa i swa Gouvernman elekte, pou li pran en direksyon novo dan keksoz ki deza egziste. E napa personn ki annan drwa pran sa swa avek li.

E se sa ki nou vvar. I en sanzman dan Polisi ki klerman diferan avek sa ki ti la avan, kot SAA ti egziste koman en Lazans. E Gouvernman in santi i oule met li anba Minister Lagrikiltir.

E akoz sa? I pa en kestyon nou pe re grese, i pa en kestyon nou pe al an aryer, i pa en kestyon nou pe met pei retar. I

en kestyон ki ladministrasyon Prezidan Ramkalawan i pe met lanfaz lo diversifikasiyon ekonomik.

E dan sa diversifikasiyon ekonomik, i pe met lanfaz lo Sekter Lagrikiltir. E ankor i pa en plan ki'n sorti dan lesyel in tonm ater.

Tou sa letan ki in dan politik, tou sa letan ki in ekrir en *column* dan bann zournal, Prezidan Ramkalawan in souvan, souvan, souvan met lanfaz lo lagrikiltir.

E dan manifesto ki'n ganny elekte lo la, in ekrir poudir lagrikiltir anba son ladministrasyon i pou ganny regarde koman en lantrepriz Nasional.

Be zot vwar, sa i sanz konpletman fason ki nou ti pe regard lagrikiltir. Akoz dezormen sa ladministrasyon i oule vwar lagrikiltir koman en sekter kot dimoun i ganny zot lavi, non-selman atraver lanplwa, me i vin en souris ekonomik, kot nou merit pe menm kapab mazin eksport. Kot dimoun i fer lagrikiltir koman en *hobby de choix* e lotosifizans nou re anmenn dan nou *national consciousness*.

E sa i enportan, i en *shift* dan *mindset*. Prezan nou ozordi apre midi Lasanble letan nou pe diskit sa, nou bann *community*

Leaders nou, nou reprezent bann kominote.

Ki mannyer nou kapab *translate* sa vizyon Nasional dan nou kominote. Mont Buxton nou napa later, me *PS* i la, i kapab dir zot laverite. Mon'n al war li, akoz mon'n dir, sa size *agroforestry* fodre nou anmenn dan Mont Buxton, akoz nou annan bwa.

Nou annan Mont Signal, nou annan Zarden Nwanr. Ki mannyer nou kapab devlope pou ankouraz dimoun Mont Buxton regar lagrikiltir. Donk pou mwan lenportans la se lavenir.

I annan bann, nou pa kapab *deny* zistans ki nou'n arive ziske la, fondasyon ki in ganny mete e ki mannyer nou batir lo la. In donn nou en *springboard*, man nou *takeoff*.

Donk pou mwan, koumsa mon anvi regard sa remaniman Mr Speaker, dan sa ki pe arive ozordi devan nou. E zis sa lannen koman Manm Lasanble *let's be fair*.

En kantite keksoz pe arive dan nou pei e nou, nou dir toulstan. Sanzman in arive, sanzman i la, nou pe viv sanzman. Si nou fer krwar nou aveg, sanzman pou kit nou deryer, malgre nou pa anvi kit personn deryer.

E nou pou bezwen koz lo bann keksoz ki pe arive e annou donn lanmen pou dir ki mannyer nou kapab fer li al pli vit.

Byen boner an Mars sa lannen, Prezidan Ramkalawan ti zwenn avek bann fermye *State House*. Akoz zisteman i oule ekout zot konsern, i oule met son plan devan zot, pou zot kapab zwenn kanmarad lanmwatye semen.

E sa rankont ti byen apse, parski mon war Lasosyasyon Fermye reprezante par Dr Barry Nourrice, in remersi Prezidan pou fer letan pou vwar zot e eksprim lapresyasyon lo lapros ki son ladministrasyon pe adopte.

E ti annan 7 pwen ki le 2 kote ti tonm dakor lo la. Ki Gouvernman i pou plas lagrikiltir lo en lenportans vreman o. E ki i pou donn tou lankourazman posib sa lendistri.

Get mo ki'n ganny servi, lendistri. E lasosyasyon li lo son tour i *pledge* pou li fer *maximum* ki i kapab pou asir sekirite manze dan pei, e ki i prodwir ase pou koup lenportasyon.

Be sa en *pledge* fantastik pou mon *parle* le 2 kote. E sa remaniman i bezwen soutenir sa *pledge* ki le 2 kote in fer.

Gouvernman i pe *exempt* bann fermye pou pa pey *tax* pou 3an. Avek possibilite pou *review* dan lavenir.

Fermye a zis fer kontribisyon anyel baze lo zot bann *lease* ki zot annan, si zot lo later Gouvernman, ouswa grander zot laferm, si zot dan Sekter Prive.

E en lot pwen, i se ki zot in agree ki bann later lagrikiltir ki pa'n ganny devlope, i ava ganny retournen avek Minister pou fer nouvo alokasyon avek dimoun ki serye. Sa i enportan sa.

Later lagrikiltir i bezwen ganny proteze a tou moman, i dan manifesto *LDS* sa. Poudir i pou anmenn bann lezislasyon neseser.

E sa nou koman en Lasanble serye, mon lapel partikilyerman lo kote nou latab, pou nou *follow through* avek sa promes nou manifesto.

Gouvernman pe tir tou kota lo prodiksyon lavyann e travay pre avek bann fermye pou bann kestyon *storage*.

Finalman Mr Speaker, Gouvernman pou ankouraz Sekter Prive pou aste lokalman, partikilyerman Sekter Tourizm, pou ki alor nou osi pei, sa resours presye deviz etranzer ki nou annan.

Donk, vwala en Gouvernman avek en vizyon ki kler, ki pare pou siport lagrikiltir. E sa sipor i ganny gide par bann konteks spesifik. E sa pou mon i enportan.

E i enportan osi ki dan sa remaniman, nou fer sir ki bann stratezi ki nou pe vin avek, e sa bann stratezi nou bezwen regarde, letan zot anmenn Bidze apartir semenn prosen.

Pou fer sir ki i enn ki dinamik, ki ganny prioritize. Me pli enportan i annan swivi pou nou asire poudir i annan rezulta, akoz nou pe al anmenn konsep bidzeter, ki nou oule vwar poudir i annan *result based*. Sa i enportan sa en?

E nou osi bezwen fer bann lantervansyon targete. Akoz si nou pe travay avek bann dimoun dan kominate, fokaliz sa ki nou pe fer, pou fer sir poudir i annan bann rezulta ki ganny akonplir.

Analiz byen bann sityasyon bann fermye, servi data, bann keksoz koumsa. E alor pou nou kapab vreman *take off* lo sa *spring board* ki mon ti fek pe koz lo la taler Mr Speaker.

E remaniman, i bezwen ankouraz plis akse avek later. Lilitizasyon nouvo teknolozi, servis ekstansyon i bezwen alaoter.

E ki napa, nepli annan ban kritik ki ti annan dan lepase. Bezwen asire ki poudir i annan akse avek marse, partikilyerman dan Sekter Tourizm.

Parski la nou war i annan lakantite touris ki vin Sesel, i 3 ou 4 fwa plis ki nou grander popilasyon. Akse avek finansman, fasilitasyon lenvestisman, partikilyerman pou Sekter Prive.

E Mr Speaker taler mon ti pe dir en kantite keksoz pe arive sa lannen o tour nou, e ki fodre pa nou zwe aveg avek sa. Nou'n koz lo Prezidan ti zwenn Lasosyasyon Fermye an Mars.

An Me i fer deklarasyon enportan poudir son Gouvernman pe met lanfaz lo diversifikasyon. In koz lo lapes, in koz lo tourizm. E akoz zot krwar poudir lagrikiltir avek sanzman klima i ansanm.

Parski sa 2 keksoz i marye. Tousala i form parti en vizyon kler ki sa ladministrasyon pe met devan. Pli enportan, an Out Mr Speaker, COGA i fer en vizit Bazar partou, mon'n war lo zot lop televizyon.

E mon rapel tre byen, Chairman Onorab Lemiel i eksprim satisfaksyon dan progre ki Minister pe fer. Me selman i kosyonn zot, i dir zot,

asire ki i annan en pe plis vizibilité, pou ki dimoun i konn bann developman e zefor ki sa Minister pe fer.

Pa fini, menm mwan, Minis Lagrikiltir i mont Praslin avek La Digue, i al koz ek zot laba direkteman, i lo teren, Linyon ki mannyer nou kapab anbelir keksoz ki pe arive otour nou.

Menm mwan mon anmenn kestyon dan Lasanble pou get sa zafer *ADF - Agricultural Development Fund*. E nou vwar poudir zis Zanvye ziska Me sa lannen, R8.9 milyon in ganny pran koman *loan*, bann fermye pe debourye.

E sa an konparab avek 2020 ki ti zis 11.2milyon pou lannen antye.

2019 - 7.3milyon e 2018 - 5.3milyon.

Savedir parey Onorab Hoareau in dir, i pe annan en novo lentere.

E nou sa ki nou kapab demande Lasanble, se ki mannyer nou koman en Lasanble, nou kapab pli konsantre lo sirtou letan sa remaniman la in arive.

Pou asire poudir bann target i ganny akonplir. Petet olye annan tou sa bann lezot Komite, akoz nou pa kapab annan en Komite lo Lagrikiltir.

Ki nou kapab met en lizye, donn sipor.

Souvandfwa letan Prezidan Ramkalawan ti asiz lot kote laba, i ti kontan koz avek nou lo *Malabo Declaration*, ki Onorab Aglae in mansyonnen. Pou asire ki en poursantaz Bidze pei i rezerve pou lagrikiltir.

Be sa Lasanble i kapab fer li arive. Si nou senser avek nou parol, poudir lagrikiltir i enportan akoz i tous vant, be annou met nou parol, annou met nou aksyon kot nou parol i ete.

Donk annou donn Gouvernman en koudmen. Annou siport nou kominote kot nou, nou sorti, kot nou, nou reprezante. E asire poudir vreman, vreman, vreman nou *takeofflo* sa *springboard*. Mersi Mr Speaker.

MR SPEAKER

Mersi Onorab Henrie. Onorab Pillay.

HON SEBASTIEN PILLAY

Mersi, bonn apre midi e bonswar petet tou dimoun ki pe ekoute. Bonswar Vis-Prezidan avek ou delegasyon. E byenveni bann zofisyé sorti kot Lazans Lagrikiltir e dan Departman Lagrikiltir.

Mon remersi zot pou zot travay ki zot in fer. E malerezman ozordi nou pe vwar *repeal* en Lalwa lo bann baz ki depi ler mon pe sey ekoute, pou mon kapab vreman ganny en konpran ki son bann baz, mon pa ankor vreman tann nanryen.

Sa ki mon'n tande, mon'n tann avan mwan, en leloz lo Gouvernman aktyel ki mannyer pe fer sitan byen. I byen nou dir sa. Akoz ler nou pou demann serten kestyion *going forward*, annou pa dir i pe fer sitan byen, me isi laba.

Akoz nou pou demande serten kestyion lo sa sitan byen ki Gouvernman pe fer. Akoz si Gouvernman pe fer sitan byen, i kapab fre en kantite keksoz plis pou dimoun alors.

Lo sa nou pou met li devan Onorab. Demen nou pou *remind* ou lo la. Nou pou gete ki ou dir nou. I enportan Mr Speaker pou nou sitye nou dan sa deba ozordi.

E ler nou sitye nou dan sa deba, nou sitye nou avek lentansyon ki sa Lalwa pe ganny *repeal*. E mon'n tann bann menm largiman ganny avanse lo travayer Lagrikiltir, ki mannyer zot koronpi, ki mannyer zot donn gous, ki mannyer zot fer isi pou dalon, eksetera.

Challenge i se ki si ou annan sa bann levidans, okenn Manm ki annan sa bann levidans, apres Vis-Prezidan oubyen ACCS e donn zot sa bann levidans. E demann ACCS pou pran bann aksyon neseser. Sa i en pwen.

Dezyenm pwen, mwan mon pa pou vin akiz okenn *public servants* pou okenn aktivite ki in fer si mon napa levidans. So mon ava les sa avek bann ki annan sa bann levidans, pou zot akiz sa bann dimoun.

Akoz akiz dimoun malapropo pe tro komans vin en patant dan sa pei. Si en dimoun i lev lavwa ek ou, ou akiz li pou *threaten* ou ek vyolans.

Si en dimoun i - ou vini ou pe *obstruct* laliberte en dimoun, ou oule vin dan son figir, ou oule tir son portre, i pe *threaten* ou ek vyolans.

So i annan plizyer keksoz ki pe passe dan nou pei e nou, nou bezwen pran konsyans. Pran konsyans pou nou zis pa sant leloz, me onor sa lobligasyon ki nou, nou annan anba Konstitisyon pou nou fer nou travay.

E ki sa bann lobligasyon i anmenn nou pou nou fer, sa lobligasyon i anmenn nou pou regar rezondet akoz *Attorney*

Zeneral dan son gran sazes, in drafte en Lalwa pou li fer *repeal* Lazans Lagrikiltir.

E ki son rezon? Son rezon prensipal se pou li donn lefe lanons ki Prezidan Larepublik in fer dan son diskour. Mwan mon krwar senserman Prezidan pe regret serten sa bann lanons ki in fer.

Me in fer, prezan i napa swa, i bezwen al avek. In fer i bezwen al avek, akoz problemm ki li i annan ...

(*Interruption*)

MR SPEAKER

Kontinyen Onorab Pillay.

HON SEBASTIEN PILLAY

Ou pa pou dir zot nanryen, en?

MR SPEAKER

Kontinyen Onorab Pillay.

HON SEBASTIEN PILLAY

Mersi. In fer tou sa bann lanons, e in deside prezan, e in vvar poudir prezan i bezwen *go avek* sa bann lanons. So annou *repeal* tou sa bann Lazans.

E Attorney Zeneral i dir dan son gran sazes, pou donn lefe lanons ki Prezidan in fer, alors nou bezwen fer sa. Be si demen Prezidan i vini i dir nou annou *repeal* en provizyon *Public Assembly Act* akoz i vin

en nwizans si dimoun i a rankontre tel landrwa.

Attorney Zeneral pou vini, pou dir ek li koumsa, poudir, be wi i pou donn lefe sa ki Prezidan in dir annou fer parey. Me eski nou'n vin dan en pei sitan otokritik, en pei ki bokou zot lo lot kote latab ti denigre, ki ozordi zot pe tonm dakor nou bezwen viv ladan.

E pou mwan sa i enteresan, ler mon vvar lafason ki zot anmenn largiman e lafason ki zot *praise* tou bann *repeal*, tou bann sanzman Lalwa ki ganny fer, san pran konteks, menm zot bann *co-sitwayen* deor, zot bann *constituent*.

Ki a pre dan plas konplent ek zot i al konplet lo rezo sosyal e demande kan tel Lalwa ti pase. Legzanp tipik, *Companies Act*, ros dan fles, nou pa ti la dan Lasamble nou. Apre tou konplent i deor.

Be sa bann ki pe konplent an 2025 al vot ankor. Wi, zot ava ale, al vot ankor. Akoz nou, nou pa ti la ler i ti pase. Akoz sak fwa nou la, sak Lalwa ki pase i pas avek en tes, i pas en tes.

Pa en tes adminisivite, me en tes pou vvar si sa ki Gouvernman pe fer i pe fer li byen. Vis-Prezidan, atraver ou Mr Speaker, pa'n zanmen

kasyet son retisans pou aksepte ki i annan plizyer Lazans ki bezwen egziste dan en ladministrasyon.

Plizyer fwa in dir sa. E mon konnen poudir i en dimoun ki sorti *from sa school of thought*, akoz ou'n dir sa plizyer fwa. Ou'n koz lo diplikasyon dan serten Lazans dan lepase.

E sa i kler, e sa parol pe ganny reprean par bann Onorab ki'n koze lot kote latab. Me sa ki enterese ler nou regard bann fonksyon ki SAA ti annan, pou mwan i *raise* en konsern enportan vizavi lapros ki en Minister Lagrikiltir, ki en Departman Politik.

Si nou pe koz lo politik dan lagrikiltir, mon garanti avek sa *repeal* pou annan plis politik dan lagrikiltir.

Akoz la mannyer nou'n fer li, mannyer nou pe ale, lapros ki nou pe pran, e pou bann ki sorti dan lagrikiltir e ki ti pe siport sa bann *move*, fotespere ozordi, ankor an 2025 zot a vote, akoz zot kont a sa bann mezir ki pe ganny pran.

Akoz nou bezwen get ki mannyer nou *nurture* konpetans ki nou annan pou nou kapab devlope. Tou pei ki annan en Lendistri *Tourism*, i rankontre difikilte pou li kapab *manage* tou son bann lezot

lendistri. E souvandfwa ou vwar poudir bann *incentive* i ganny donnen pou *tourism*, pou promot *tourism* dan bokou pei.

La Jamaïque i parey, *British Virgin Islands* i parey. Bokou landrwa i koumsa. Me ou vwar poudir lezot sekter par egzanp Lapes, parey *Bahamas* i soufer, parey lagrikiltir i soufer. I rankontre difikilte.

E *the only way* ki ou kapab fer sa, se ki ou tir son *management from Gouvernman* e ou anmenn li an deor dan en Lazans. Mon pou al met kote sa Lalwa, egzistan ti mal, sa mon ava *concede*, ou bezwen et fran.

Mon a *concede* kote sa Lalwa ti mal, se sa bout ki dir dan sa Lalwa ozordi ki pe ganny *repeal*, ki Minis i pa donn *Policy directives*, me i donn preski direktiv e sipervizyon.

Sa, *mistake* ki ti annan dan sa Lalwa. Sa, ti devret ganny korize. Me dan plas korize, zot in *actually* anmenn li *full kilo* anba Minis preznan.

Me preznan la ler ou regard bann lobligasyon ki sa Lazans ti annan, sa lobligasyon i vin antyerman, kareman lo Gouvernman.

Annou regard bann lobligasyon finansyel ki administrativman ti anba sa Lazans, anba sa Lalwa, ki ozordi i vin anba Gouvernman.

Onorab Henrie pe koz lo poursantaz Bidze.

Probableman wi, zot Gouvernman pou kapab dir prezan ki zot pe *achieve* sa. Akoz ler ou pran sa 2 Bidze ou konsolide, ou pou war son poursantaz ki ou pe *allocate* avek lagrikiltir proper pou monte. Me sa i zis en legzersis dan *window dressing*.

E pou mwan, en keksoz ki nou bezwen met an perspektiv, se ki annou regard par egzamp finansman lagrikiltir.

Sa lazans li menm ti kapab *incur* oubyen *take on board* bann *liabilities* finansyel ki apar avek Gouvernman. Ozordi Gouvernman ki pou al pran sa bann *liabilities* finansyel.

E pou bann ki konpran ladministrasyon, i konnen poudir Minis pou bezwen al devan Minister Finans, *within* en konsep Cabinet kot i annan *collective responsibility*.

Al sey eksplike akoz i oule *extend liability* finansyel lo Lazans Lagrikiltir, lo Minister Lagrikiltir. Ki Gouvernman in fini donn li en Bidze anba *Appropriation Bill, Appropriation Act* dan *Consolidated Fund*.

Ki pou inevitableman *lead towards* en lot laspe. E sa se kreasyon *Suspense Accounts* pou kapab dil avek sityasyon

kot i annan *extended financial liabilities* ki ganny *extend* dan Gouvernman.

Now, pou bann ki la anndan, nou konn tre byen poudir kreasyon *Suspense Accounts* i en fason kot apre ki si ou pa kapab *monitor* pou sa ki pase ladan, en kantite keksoz i kapab arive.

IMF ti an faver kreasyon bann Lazans zisteman pou fer en *do away* avek kreasyon bann *Suspense Accounts*.

Pou armoniz lafason ki finansman i ganny *managed*, sirtou dan bann landrwa akote i annan gro konponan finansyel ki kapab ganny atase, parey lagrikiltir.

Akoz ou *buy-in* dan lagrikiltir i bezwen toulstan pe ogmante lannen ale, lannen vini. Akoz presyon lo sekirite alimanter i en keksoz ki pa zanmen ale.

I pa en keksoz ki ou pou gannyen ozordi. E mon krwar se sa ki nou dan Gouvernman ler nou ti la, nou pa'n fer ase pou nou fer dimoun konpran. Dimoun ti ekspekte poudir ou pou ganny sekirite alimanter e ou'n fini arive.

Sekirite alimanter i pa en destinasyon. *It remains the journey* pou ou sey *achieve*. Akoz toulstan ou popilasyon, ou lekografi i kontinyen ogmante,

bann sanzman ki i arive, ou pou bezwen sey *content* e dil avek.

E se sa rezon akoz ou pou kontinyen pe travay *towards it*. Tou pei i annan sa. Me kot osi mon war poudir i enterese la, i annan abzorbsyon, tou sa bann dimoun ki pe travay SAA ozordi dan Minister e kreasyon sa Minister avek sa striktir.

Fodre pa blyie ki anba sa Minister nou'n deza fer *repeal* lezot Lazans ki nou'n konsolid avek li. E ki aprezan *when it comes to lodit* sa Minister, i en lodit ki ekstrememan konpleks prezan.

E fotespere ki prezan Gouvernman aktyel i donn plis resours Lofis Oditer Zeneral, pou li kapab fer en lodit dan Sekter Lagrikiltir. Akoz ou pou annan en kantite lesanz finans ki Gouvernman i bezwen donnen, pou bann akter kapab fer zot bann aktivite.

Sa i bann keksoz ekstrememan enportan pou nou konsidere. E si nou pa konsider sa e *you go ahead with the repeal*, mon *fine* mwan, zot ki dan Gouvernman.

Me solman mon osi mon konsernen avek lefe ki i annan bokou fermye la deor, ki anploy plizyer dimoun. Ki ede pou *provide* en - pa zis en *public good*, me en *social good*, par lefe ki zot prodwir manze.

Ki kapab soufer e afekte sa ki nou pe fer la. E prezan sa ki pli grav ankor, kot mon pli konsernan ankor, se ki Gouvernman i deside *as en collective*, pou li al ver leksportasyon brit, prodwir alimanter sorti dan serten pei, lenpak ki sa i kapab annan lo nou, nou prodiksyon lokal i tre, tre, tre enportan.

Mon'n tann Onorab, atraver ou Mr Speaker, Onorab Woodcock mansyonn sa sityasyon *pest* Praslin. Me Onorab i ne pe drol, ki ler mon ti anmenn sa kestyion, ankor enn fwa atraver ou Mr Speaker, ou pa ti donn mwan sipor. Mwan ki ti anmenn sa kestyion pou Minis Flavien Joubert reponn.

Ou pa ti siport mwan. Ou ti prefere rod mon later lagrikiltir, kan mon ti pe rod en keksoz pou gete ki pe arive, ki lazans pe fer pou ed fermye Praslin.

E i lo *verbatim*. I la. So, mon krwar nou, mwan sa ki mon pe sey fer se anmenn en largiman. En largiman pou Gouvernman rekonsider sa lapros pou zot *repeal* Lazans Lagrikiltir.

E pa oubliye, zot in anmenn osi provizyon '*Control of Dogs*' anba Departman Lagrikiltir. Fotespere sa bann

dimoun ki ti dan Departman Lagrikiltir ki ti vin devan Lasanble zot ankor la mazorite zot.

Ki ti koz rezon, akoz, e dan *Bills Committee* nou ti annan plizyer *meeting* ek zot - akoz zisteman sa i bezwen move from Departman Lagrikiltir. Zot ankor enn fwa, fer le bon desizyon 2025.

Akoz pou mwan i kler la, i kler ki nou bezwen regard bann aksyon ki nou pe pran ozordi, ki lenpak i annan. E nou ti kapab reste trankil e dir pa dir nanryen, i zot Lalwa, i zot Gouvernman.

Onorab Henrie in fer en largiman, si ou oule konstitisyonnell. In dir novo Gouvernman i annan son drwa. Me sa drwa i ganny restrikte par Lartik 45, nou Konstitisyon.

Nanryen pa *confer* lo en group, pou fer okenn nanryen dan sa pei dan en fason arbitrer. Tou dimoun i rezerv son drwa *residual* anba Konstitisyon, parey Lartik 45 i dir.

E plis ki sa, tou sa bann drwa i ganny *enshrine* anba nou bann diferan *charters* anba nou Konstitisyon. So, pa en pti gin *knowledge* ki fer problem.

Me en pti gin *knowledge* parfwa i ed ou pou ou pa antre dan en trou. So, mwan mon ti

ava enplor Vis-Prezidan dan konsiderasyon *repeal* sa Lalwa. Gouvernman in pran son desizyon *fair enough*.

Mon pa kapab *reverse* zot desizyon. Mon napa sa kantite pou *reverse* ou desizyon. Me selman mon ti a kontan ou dir nou ki kantite konsiltasyon, ki kantite travay ou'n fer *from* en perspektiv etablir.

Si i *the right approach*, mon ti pe lir en *speech* Onorab Prezidan Ramkalawan la, ler i ti ankor dan Lasanble. I annan bann, tou bann SONA *replies* i annan kot i pe koz lo lagrikiltir, kot i pe koz lo *management* zafer *Insurance Scheme* pou fermye, ki Gouvernman ti pe sey entrodwir.

E tousala sa prezan i bezwen vin anba Departman Lagrikiltir. E *mes amies*, mwan mon koz pou sa bann fermye, mon bezwen sey defann zot, i *cumbersome* pou *achieve* sa bann keksoz an servant en striktir *administrative* gouvernmantal.

Onorab Cosgrow i annan parfetman rezon, e se pou sa rezon ki *IMF* ti propoz serten sa bann sanzman. Mon swete Mr Speaker, ki nou fer bon desizyon apre midi pou sa Lalwa.

Lasanble i annan en rol enportan pou li zwe, pou protez

livelyhood bann dimoun an deor ki'n met nou la.

Mon'n sey anmenn largiman kot mon krwar poudir Gouvernman petet i ate, i tro, i pe al tro vit pou li *repeal* sa bann Lalwa zis pou satisfer petet a sa moman ki sa Lalwa ti ganny dir serten *statement*.

Me nou bezwen konsider son lenplikasyon *going forward*. E son lenplikasyon i tro grav pou mon vin zwe politik avek. E lenpak ki i kapab annan lo nou Sekter Lagrikiltir i ase serye.

Akoz mwan osi mon'n koz avek plizyer fermye. Anfendkont i pou reste lo Gouvernman pou zot pran zot desizyon. Mr Speaker mon, mon dezapwent e ozordi ki nou annan en *repeal* sa Lalwa.

E mon swete, e mon swet tou bann *staff*, tou bann dimoun ki pe travay kot SAA, mon swet zot tou le meyer pou lefitir.

Mon swete ki zot re abzorbsyon, zot re asimilasyon *within* konteks travay Departman Lagrikiltir i enn ki *smooth*. I enn kort sa bann dimoun pa *endup* perdi zot louvraz, oubyen zot pa ganny mete dan bann pozisyon pou zot *resign from* zot louvraz.

E ki nou kontinyen dan nou pei, tret tou dimoun avek dignite ki i deserve. E donn tou

dimoun *a fair chance* pou li eksplik son lekor. Menm parfwa si nou mal enterpret sa ki in dir dan diferan konteks.

Mon swete Mr Speaker osi, ki *going forward*, nou kontinyen kapab anbelir nou Sekter Lagrikiltir. E ki nou pei, nou kapab ariv a sa nivo kot nou kapab prodwir ase pou nou konsonmen, *but at the same time* osi ki nou kapab ankouraz en zenerasyon fitir pou antere dan lagrikiltir.

Mr Speaker avek sa mon ava ekout konklyzon ki Vis-Prezidan i annan pou fer dan son *Right of Reply*. Me mon swete ki zot ti ava rekonsider zot pozisyon pou anmenn en *repeal* pou Lalwa Lagrikiltir ozordi. Mersi Mr Speaker.

MR SPEAKER

Mersi Onorab. Onorab Georges ou annan okenn entervansyon? Vis-Prezidan in ariv ler pou ou fer ou repons lo deba. Ou annan laparol.

THE VICE-PRESIDENT MR AHMED AFIF

Mersi bokou Mr Speaker. Bonn apre midi ankor tou dimoun, tou bann Manm Onorab a lekout. Mr Speaker, premyerman mersi pou tou bann entervansyon.

E pou pas en pe zot bann pwennvi, zot bann konsern an se ki konsern sa Lalwa *Repeal SAA* ki devan nou. Premyerman mon ti a kontan remet lanfaz lo lobzektif sa *repeal*.

Lobzektif prensipal se pou anmenn plis lefikasite. E zis parey dan sa previous *Bill* ki zot in aprouve, lobzektif prensipal sete pou anmenn lefikasite. Met resours anba en sel twatir.

Dan sa *Bill* ki devan nou, i menm lobzektif, met resours anba en sel twatir. E nou deza annan en twatir ki apel Minister Lagrikiltir.

Onorab Cosgrow in koz en pe lo bann reform ki'n deza passe dan lepase. I ti fer referans 2008 kan SAA ti ganny kree e bann lobzektif sa letan.

Mon krwar sa ki enportan, e *IMF* e tou bann Lazans *miltilateral* ki travay avek Gouvernman sesel zot osi zot pran menm lapros, se regard en pe rezulta.

E dan en pti pei, kot ou annan resours limite, ou bezwen regard performans, okenn reform ki ou fer. E mwan mon a donn ou en pe bann statistik resan ki nou'n vvar.

Prodiksyon legim par egzanp, dan sa dernyen 12 mwan, kot i annan en sanzman dan Gouvernman e

Gouvernman pe travay koman en Minister ansanm ek Lazans, konmsi lazans pa ti egziste.

E anba en tel laranzman, mon kapab asir zot, prodiksyon legim in monte. Dan 12 mwan, prodiksyon *pork* in mont par 22 poursan. Lokal, prodiksyon poul in mont par 20 poursan.

Prodiksyon atraver Coëtivy ki pe arive pou mont ankor par en 20 poursan.

(APPLAUSE)

THE VICE-PRESIDENT MR AHMED AFIF

Sa Gouvernman i baze lo rezulta, pa zis letid apre letid, ki konpreansiv ki pou pran 1an, 2an ki pou vin ammennen.

Nou, nou pe rod rezulta deswit. Nou vvar rezulta pe arive. Nou vvar poudir anba en administrasyon Lagrikiltir, kot ou annan en Minis ek son *PS* ki tou le Vandredi zot lo teren.

Tou le Vandredi zot pas kot tou fermye pa neseserman menm fermeye. Zot fer vizit lo Mahé, Praslin, La Digue. Zot konsilte, zot vvar bann problem pou zot menm e zot rezourd sa bann problem.

Se pou sa rezon ki prodiksyon in monte. Akoz i annan dimoun dan sa ladministrasyon, ki pa asiz dan en biro, lir en liv ki en konsiltan

in fer, zot al zot menm. E nou prop ladministrasyon in vvar mannyer pou fer li pli byen, e rezulta 20poursan logmantasyon dan prodiksyon.

Tou le mwan, e parfwa in ariv tou le 2 mwan, sa menm Minis ek son PS zot fer *meeting* ek bann fermye. Kot zot asize zot diskit bann diferan problemm ki egziste.

Sa lamannman ki la ozordi, in ganny diskite avek bokou bann fermye ki zot in zwenn. In ganny dir poudir sa i dan plan pe vini.

Lentansyon se servi Minister ki *proactive*, i lo teren pe travay ek fermye e pe fer sir ki zot kapab ogmant prodiksyon.

Nou enterese dan prodiksyon, nou pa enterese dan teori, prodiksyon ki dimoun i vvar. Ler nou pe *repeal* sa, e fer en novo striktir, i annan en striktir ki'n ganny met an plas.

Zisteman pou fer ki tou bann diferan eleman ki i annan dan lagrikiltir i travay ansanm. E anba sa striktir ki nou kapab partaz avek zot, anler pou annan Minis, ou annan PS e ou annan 4 divizyon.

Plant, Health and Crop Research Division, Extension Services, dezyenm. Trwazyenm *Animal Health and Livestock*

Research Division. Katriyem Board Control and Support Division.

Prezan anba sakenn, par egzamp anba *Plant Health*, i pou annan *Crop Research, Crop Research Unit, Plant Nursery Unit*. Anba *extension*, i eggiste, pou egziste tousala.

Nou pa pe tire akoz Lagrikiltir in ganny *repeal*, sa *Agency Bill* in ganny *repeal*. Zot pe reste zot, anba *extension*, ou pou annan an *Victoria Market, Extension Services, Agricultural Stores*.

Onorab ti pe demann lo stores ki i pou arive avek, i la li. Anba *Animal Health and Livestock*, ou pou annan *Animal Health Welfare Section, Livestock Research Section, Vet Public Health*. Anba *Border Control and Support*, pou annan *Board of Control Section* avek *Import Section*. Tousala i pou egziste.

Annefe zot pou ganny ranforsi, parske zot pou servi bann eleman ki deza dan Minister, avek bann ki ti dan *Agricultural Agency* ki ti pe travay endepandaman ek kanmarad.

Se sa lefikasite ki nou pe anmennen. Se sa lefikasite, ki nou pa pe zis koz lo la, nou pe dir zot in anmenn rezulta dan dernyen 12 mwan. I pe marse.

E mon ti a kontan dir avek *Leader Lopozisyon*, nou pran not poudir i annan enn de fwa in sorti, e i dir keksoz in pase menm, me se zisteman sa. Sa ladministrasyon in ganny elekte pou travay.

Si i annan ki sorti, nou, nou pou kontinyen travay nou. Parske nou'n ganny en manda pou sanz sa pei. E sanzman dan sa pei i devan zot. E si zot pa war li, ou dir ou napa ase dimoun lo sa kote, be ou pou annan mwens dimoun lo sa kote pou anmenn sanzman. Sa i kler sa pou mwan.

Mr Speaker mon krwar sa ki devan nou i pa en keksoz konplike. I en keksoz tre senp, se koriz en striktir ki pa pe delivre parey i devret pe delivre.

Sa ki devret delivre, se en sel lorganizasyon anba en striktir ki annan bann divizyon, ki servi resours ki rar e ki pou met tou sa resours ansanm pou kapab anmenn en meyer servis pou pep Seselwa, pou prodwir manze.

Onorab ti mansyonn poursantaz ki Lagrikiltir i gannyen dan Bidze. Onorab mon trouv drol ou dir la preznan i pou ganny plis larzan, akoz nou pou pran tousala nou pou met ansanm.

Me dan nenport kalkilasyon ki ou fer, ki ou

annan en Lazans lo li menm, ou annan Minister Lagrikiltir, toulstan zot azout ansanm, toulstan *IMF* oubyen *World Bank* ki pe fer sa kalkilasyon, i pou pran tou sa ki relye dan sa sekter, i azout ansanm e nou annan *breakdown* pou Lagrikiltir.

I R100 milyon. 68 milyon pou SAA, 28 milyon i pou *Biosecurity Agency* e Departman Lagrikiltir i annan 4. Sa 3 ansanm i fer 100 milyon.

100 milyon i pou reste 100 milyon. Nou pa pe tir larzan dan Bidze pou Lagrikiltir nou. Arnefe nou pe dir servi sa 100 milyon dan en fason pli efikas ankor, kontinyen fer monte sa prodiksyon, kontinyen fer Sesel vin otosifilan.

E si dan 1an nou'n nobou fer 20poursan, e dizef *by the way*, nou pe prodwir tou dizef ozordi. Be mon krwar dan 5an, pa pou bare.

Pa pou bare e pep Seselwa i a fer en bon desizyon ankor dan 5an! Mersi bokou Mr Speaker.

(APPLAUSE)

MR SPEAKER

Mersi Vis-Prezidan. Bon in ariv ler pou nou pran vot lo

sa Bill. Bann ki an faver lev lanmen silvouple? Mersi. Mank ki kont? Manm ki kont, wi. Vot, mersi.

Vot lo *general merit of the Seychelles Agricultural Agency (Repeal) Bill, 2021*, 22 Manm in vot pour, 10 Manm in vot kont e 0 in *abstain*. Alor Bill in aprouve lo *general merit* e Madanm Clerk i a fer *Formal Second Reading*.

MADAM CLERK

Mersi Mr Speaker. A Bill for an Act to repeal the Seychelles Agricultural Agency Act, 2009 (Cap 309). Mersi Mr Speaker.

MR SPEAKER

Mersi. Nou annan amannman pou konsidere. Nou a pas dan Staz Komite silvouple. Lekel reprezantan Bills Committee ki pou pran laparol ozordi? Onorab Hoareau.

HON JOHN HOAREAU

Mersi Mr Chair. Nou premye lamannman i ganny trouve lo Clause 4(1), dezyenm laliny apre sa mo ‘acquired’, nou *insert the word ‘by’*.

Apre accrued, nou retir sa mo ‘by’, sa word by e nou azout ‘to’. Nou lot lamannman i ganny trouve anba

consequential amendments, Clause 1, trwazyenm laliny.

Apre ‘therefor’ nou tir, nou *repeal with.* Apre i annan sa bann *speech marks*, ki mon krwar fodre, kot Biro Attorney Zeneral i ava regle, akoz nou’n fini koz ek li lo la.

Nou al lo *Clause 2*. E *Clause 2* ankor i annan bann problem *speech marks* sa. E dezyenm laliny apre *therefor nou repeal with Roman (ii)* So i vin Roman *(ii)*

Apre ‘therefore’ nou tir with e ‘therefore’ nou tir sa ‘e’ avek. E sa ti nou bann lamannman ki nou’n agree avek Biro Attorney Zeneral. Mersi Mr Speaker.

MR SPEAKER

Mersi. Okenn Manm ki oule lot kalifikasyon. Byen, Onorab Pillay, wi.

HON SEBASTIEN PILLAY

Mersi. Mon annan en klarifikasiyon vizavi *Livestock Trust Fund*. Dan sa lamannman ki nou’n fer, nou’n retir en SAA konpletman lo map. E nou ti fer en lot lamannman regarding *Livestock Trust Fund*.

Kote *Livestock Trust Fund* i pou sitye. Lekel ki pou manage li? Eski i annan okenn sanzman avek li, akoz i

contingent avek rol ki sipoze annan regarding lagrikiltir. Mersi Mr Speaker. Si Vis Prezidan i kapab reponn.

MR SPEAKER

Mersi. Panel, VP wi.

THE VICE-PRESIDENT MR AHMED AFIF

Mersi Mr Chair. Mr Chair *Livestock Trust Fund* i reste koman en S.I. ki'n ganny etablir, *Livestock Trust Fund*. Son pozisyon lo sa *organization chart* i tonm from a *Policy prospective*.

E pou ponm anba Biro *Principal Secretary*. Me selman i reste dan son laform ki *Livestock Trust Fund* i ete. Savedir avek son bann dimoun ki *manage* li.

E selman i tonm anba the *jurisdiction of Principal Secretary* dan Minister. Mersi.

MR SPEAKER

Mersi VP. Wi Onorab Pillay.

HON SEBASTIEN PILLAY

Mersi Mr Speaker. Mr Speaker mon ti ava *advise*, mon ti ava rekomande ki akoz dan S.I, anba *Public Finance Management Act*, responsabilite *Livestock Trust Fund* i anba Minis.

Dan sa konteks, eski ou pe dir nou ki Minis pou Lagrikiltir pou osi *manage Livestock Trust Fund*. E therefore the consolidated position of Minister Lagrikiltir pou enkli larzan ki dan *Livestock Trust Fund*.

MR SPEAKER

Mersi. VP ou annan okenn lot komanter.

THE VICE-PRESIDENT MR AHMED AFIF

Wi Mr Chairman. I endirekteman anba Minis, parske the *Principal Secretary reports to the Minister*. Mersi.

MR SPEAKER

Thank you. Napa lot demann pou klarifikasiyon. Alor nou'n termin sa Staz Komite. Nou a repas dan Staz Lasanble silvouple. E mon a demann *LGB* pou ammenn Mosyon pou *Third Reading please*.

HON BERNARD GEORGES

Mersi Mr Speaker. Mr Speaker anba *Order 76(1)* nou *Standing Orders* mon move ki the *Seychelles Agricultural Agency (Repeal) Bill, 2021 as amended* i ganny lir en Trwazyenm Fwa. Mersi.

MR SPEAKER

Mersi. Mon a ganny segonnman, Onorab Arissol.

repran travay demen bomaten 9er. Nou *adjourn*.

ADJOURNMENT**HON SANDY ARISSOL**

Mersi Mr Speaker. Mosyon *as amended* i ganny segonde.
Mersi.

MR SPEAKER

Mersi, nou a pran vot lo *Third Reading*. Manm ki an faver lev lanmen silvouple?
Byen, Manm ki kont.

Lo *Formal Third Reading Seychelles Agricultural Agency (Repeal) Bill, 2021 as amended*, 22 Manm in vot pour, 10 kont e 0 in *abstain*. Alor *Bill* in aprouve lo *Third Reading* e Madanm Clerk i a fer *Formal Third Reading*.

MADAM CLERK

Mersi Mr Speaker. *This act may be cited as the Seychelles Agricultural Agency (Repeal) Act, 2021.* Mersi Mr Speaker.

MR SPEAKER

Mersi. Avek sa mon deklare ki sa *Bill* in pase. Bon, be mon a remersye bann Manm pou zot entervansyon.

E remersye *panel* pou zot partisipasyon. E mon swet tou dimoun en bon sware. Nou a